

# **Maiiv Siensex Nyei Mienh Naaic**



## **Siensex Yesu Nyei Mienh Dau**

**Zoc caux Porv Nyei Mienh:  
Zeuz, Yauzsing**

## **Biaa Joux Maiv Siex Yesu Mienh Naaic Nyei Waac:** **Hoc-Dauh Ginc/Contents:**

1. **Da'yietv Ginc: Naaic Taux Tin-Hungh:** Za'gengh maaih Tin-Hungh nyei fai? Tin-Hungh Hnangv Haaix nor? Hnangv haaix nor haih hiuv duqv Tin-Hungh, Tin-Hungh nyei fiem-fingx hnangv haaix nor?
  
2. **Da'nyeic Ginc: Naaic Taux Zienh (Mienv Nyei Hungh caux Mienv):**  
Maiv zangc Ziouv Tin-Hungh nyei mienh se zangc zienh. Maaih ziex nyungc Zienh. Mienv nyei hungh Saadaan se nduqc dauh hnangv! Ninh yiem haaix daaih? Ninh nyei gorn, Ninh nyei fiem-fingx, caux zoux nyei gong se haaix nyungc? Mienv maaih camv nyei. Mienv nyei gorn yiem haaix daaih? Mienv zoux nyei gong se haaix nyungc? Mienv nyei setv muez dornx se yiem haaix?
  
3. **Da'faam Ginc: Naaic Taux Waaic nyei sic, zuiz, orqv nyei sic.** Zoux haaix nyungc maaih waaic nyei sic? Zuiz se haaix nyungc? Zuiz nyei eix-leiz se hnangv haaix nor? Zuiz fai waaic nyei gorn yiem haaix daaih? Yie se zuiz-mienh? Zuiz nyei jaax-zinh se haaix nyungc? Hnangv haaix nor hingh jiex zuiz?
  
4. **Da'feix Ginc: Yesu Se Dongh Haaix Dauh?** Yesu se Tin-Hungh: Singx Dorn, Doz benx dauh baamh mienh. Yesu zoux haaix nyungc zuqc daic div yie? Yesu zoux nyei gong maaih haaix nyungc eix-leiz?
  
5. **Da'hmz Ginc: Naaic Taux Njoux En caux Siex Yesu Nyei Eix-Leiz!**  
Weic haaix nyungc yie zuqc siex Yesu? Hnangv haaix nor duqv njoux? Njoux En Nyei eix-leiz se hnangv haaix nor? Jienv Jiex nyei ginv yiem maengc se haaix nyungc ginv? Hnangv haaix nor siex Yesu? Siex Liuz oix zuqc hnangv haaix nor ziangh fai zoux?

© 2013 Yauzsing

Tov doqc caux hoqc nyei laanh laanh mienh tengx jienv zorc caux dimv naaiv buonv sou. Se gornv haaix laanh mienh oix longc gunv dorh mingh aamx cuotv (copy) duqv nyei, se gornv aamx cuotv daaih weic fu-sux Tin-Hungh. Tov Ziouv bun mbuo mbenc ziangx dau dongh maiv gaengh siex nyei mienh naaic taux mbuo nyei Zangc Diex Tin-Hungh, naaic taux mbuo nyei siex fim, mbuo ziouc haih gornv mengh mbuox ninh mbuo weic haaix diuc mbuo hnangv naaiv maaih lamh hnamv.

For more resources/Maaiah sou caux doz yiem: [www.yauzsing.wordpress.com](http://www.yauzsing.wordpress.com)

### Porv Mengh Nyei Waac

**1 Bide 3:15 gorngv,** *“Yiem meih mbuo nyei hnyouv meih mbuo oix zuqc taaih Giduc, bun ninh zoux Ziouv. Oix zuqc zanc-zanc liuc leiz ziangx hnyouv, haih porv mengh bun dauh dauh oix hiuv nyei mienh meih mbuo weic haaix diuc hnangv naaiv maaih lamh hnamv. Meih mbuo ziouc maaih waac dau, mv baac oix zuqc longc suonc hnyouv dorh leiz nyei dau ninh mbuo.”*

Mbuo maiv zeiz caux mienh nzaeng taux Tin-Hungh. Se gorngv mbuo nzaeng hingh ninh mbuo yaac maiv sienx, mv baac mbuo se dau dongh ninh mbuo naaic nyei. Maaih mienh naaic taux Tin-Hungh nyei jauv weic mangc gaax sienx Tin-Hungh mienh hiuv duqv ninh mbuo sienx nyei fai? Maaih mienh naaic weic oix caux sienx Tin-Hungh nyei mienh nzaeng, maaih deix naaic weic ninh mbuo za'gengh oix hiuv duqv sienx Tin-Hungh nyei eix-leiz. Mbuo gorngv dau nyei se dongh da'faam nzangh mienh. Ninh mbuo naaic nor mbuo oix zuqc dorh leiz nyei dau ninh mbuo. Longc Ziouv nyei hnamv gorngv Ziouv nyei zien leiz.

Maiv sienx Tin-Hungh nyei mienh naaic nyei, maiv gunv weic haaix diuc naaic, se jienv bun taux mbuo sienx Ziouv nyei mienh. Ninh mbuo naaic nyei maaih camv nyei bun mbuo zaah taux mbuo sienx nyei gorn-ndoqv, yaac mangc taux mbuo sienx nyei, weic haaix nyungc mbuo sienx dongh mbuo sienx nyei. Nyungc zeiv, se gorngv mbuoqc horngh jangx hoc nyei sic maiv haih cuotv daaih nor mbuo haih sienx gorngv Yesu se Giduc nyei fai? Se gorngv Tin-Hungh maiv haih gunv jienv waaic nyei sic, Ninh zic duqv mbuo buoqc zangc nyei fai? Se gorngv ninh mbuo naaic nyei fai nqemh nyei mbuo maiv haih dau nor, wuov nzunc hnoi mbuo sienx nyei fungc maaih gorn-buonv fai gorn-ndoqv, ninh mbuo sienx haaix nyungc yaac baac aqv. Mv baac maiv sienx nyei mienh naaic, mbuo horpc zuqc haih dau weic Ziouv nyei waac dau taux. Weic naaiv maiv sienx nyei mienh naaic nyei waac se longx nyei bun mbuo. Se gorngv mbuo hiuv duqv Ziouv nyei waac, mbuo haih longc Ging-sou nyei waac dau duqv horpc.

Mbuo maaih longx nyei dau nyei waac bun taux maiv sienx nyei mienh, se gorngv mbuo hiuv duqv Ziouv nyei waac. Maaih camv dongh maiv sienx nyei mienh laaic duqv ninh mbuo naaic daix mbuo maiv maaih waac dau ninh mbuo. Mv baac mbuo maaih longx nyei dau ninh mbuo naaic nyei waac. Weic zuqc mbuo nyei dau nyei waac se maiv zeiz mbuo ganh nyei waac mv baac dongh zeix mbuo wuov dauh gorngv nyei waac, dongh yietc liuz maiv goiv yienc nyei waac. Yesu Giduc se zien nyei wuov dauh Ziouv, mbuo sienx nyei yaac zien nyei doz, doix-diuc nyei, mbuo oix zuqc hiuv caux hoqc longc zorngh zengx yiem Ziouv nyei waac. Yiem zinh ndangc taux ih zanc maaih mienh naaic taux sienx Tin-Hungh nyei jauv, mbuo mangc gaax ninh mbuo hnangv haaix nor dau, mbuo yaac haih hoqc dau duqv horpc.

**Tin-Hungh heuc mbuo dau naaic nyei mienh.** *Yiem 1 Bide 3;15 "Yiem meih mbuo nyei hnyouv meih mbuo oix zuqc taaih Giduc, bun ninh zoux Ziouv. Oix zuqc zanc-zanc liuc leiz ziangx hnyouv, haih porv mengh bun dauh dauh oix hiuv nyei mienh meih mbuo weic haaix diuc hnangv naaiv maaih lamh hnamv. Meih mbuo ziouc maaih waac dau, mv baac oix zuqc longc suonc hnyouv dorh leiz nyei dau ninh mbuo.”* Naaiv yienc Ging-sou njaaux camv nyungc mbuo nyei. **Da'yietv** oix zuqc zanc-zanc liuc leiz ziangx. Maiv gunv mbuo maiv buangh mienh naaic taux mbuo nyei sienx fim fai naaic taux Tin-Hungh nyei jauv, mv baac mbuo oix zuqc mbenc jienv, hiuv duqv mbuo sienx nyei se gorngv maaih mienh naaic mbuo ziouc haih dau. Mbenc ziangx fai liuc leiz ziangx maiv daan kungx hiuv duqv dau nyei waac mv baac yiem ziangh nyei fiem-fingx caux ziangh nyei maengc. Maengc oix zuqc doix-diuc sienx nyei yaac oix zuqc zanc-zanc lorz qiangx, longc qiangx mbuox mienh taux mbuo sienx nyei. **Da'nyeic**, mbuo oix zuqc

haih porv mengh bun naaic nyei mienh mbuo weic haaix diuc maaih lamh hnamv. Mouz laanh sienx Giduc nyei mienh horpc zuqc haih gorngv mengh ninh sienx nyei, caux ninh nyei zingh ginc. Se gorngv meih maiv hiuv duqv meih sienx nyei meih hnavg haaix nor haih sienx, meih sienx nyei meih horpc zuqc haih gorngv mengh mbuox mienh nyei. Sienx Yesu nyei mienh zoqc-zoqc oix zuqc hiuv duqv sienx fim nyei gorn-ndoqv. **Da'faam**, mbuo maaih waac dau weic zuqc mbuo maaih Yesu Giduc yaac maaih Ninh zoux Ziouv yiem mbuo nyei maengc. Se gorngv ndaam mengh sienx mv baac maiv ei Ziouv nyei waac, meih fungc haih gorngv mengh. Meih haih *suonc hnyouv dorh leiz nyei dau* weic meih ziangh nyei maengc doix-diuc Ziouv nyei waac. Meih haih muangx Ziouv nyei waac ei Ziouv nyei waac biux mengh taux Tin-Hungh nyei qaqv hnavg haaix nor goiv yienc meih nyei maengc.

Yiu^ndaa gorngv, "*Hnamv nyei gorx-youz aac, yie gengh maaih hnyouv fiev fienc gorngv mbuo lomh nzoih duqv njoux nyei jauv. Mv baac yie haiz ndongc haaix oix zuqc fiev kuinx meih mbuo nzaeng jienv meih mbuo sienx nyei doz, maiv dungx bun ndortv. Tin-Hungh zorqv ninh nyei doz jiu bun ninh nyei mienh, bun yietc nzunc ziouc dunh yunh nzoih aqv*" (**Yiu^ndaa 3**). Zipv Yiu^ndaa nyei fienc nyei mienh zuqc zunh jaav leiz nyei mienh gorngv hoic, caux pienc Tin-Hungh nyei zien doz. Yiu^ndaa fiev kuinx yaac orn ninh mbuo oix zuqc souv wuonv yiem zien leiz dongh ninh mbuo duqv hoqc jiex nyei leiz. Baulo yaac mbuox Tidatc goux longx zien doz, "*Ninh oix zuqc goux longx kaux duqv wuonv nyei zien doz, dongh doix mienh njaaux jiex nyei zien doz. Hnavg naaic ninh haih longc zien doz-leiz kuinx mienh yaac haih biux mengh bun ngaengc naaiv zien doz nyei mienh hiuv duqv ninh mbuo dorngc*" (Tidatc 1:9). Goux longx zien doz nyei mienh hiuv duqv zien doz, cingx haih doix-dekc jaav nyei doz. Maiv hiuv duqv zien doz nyei mienh fungc haih hiuv duqv haaix nyungc jaav nyei? Baulo yaac mbuox Ti^mo^tai caux zoux Ziouv nyei gong nyei mienh, "*Ziouv nyei bou maiv horpc zuqc nzaeng jaax. Daaux nzuonx oix zuqc zoux longx bun zuangx mienh, oix zuqc njaaux longx yaac maaih noic. Oix zuqc longc suonc hnyouv kuinx caux ninh doix-dekc wuov deix mienh. Nziex Tin-Hungh oix bun ninh mbuo maaih qangx goiv hnyouv, hiuv duqv zien leiz mv bei*" (1 Ti^mo^tai 2:24-25). **Dau maiv sienx mienh naaic nyei waac oix zuqc faix fim, maiv dungx qiex jiez, maiv gunv maaih mienh oix naaic cuoqv meih, mv baac dau nyei mienh oix zuqc jangx jienv, mbuo oix ninh mbuo hiuv zien leiz, hiuv duqv Yesu Giduc daic weic ninh mbuo nyei zuiz. Naaiv se jienv haic nyei gong.**

Mv baac maaih mienh oix gorngv mbuo zoux haaix nyungc dau ninh mbuo naaic nyei? Ninh mbuo maiv oix sienx lorqc? La'guaih naaic hnavg...maiv haih dau nzengc mienh gorngv weic haaix nyungc maiv dungx dau maiv sienx nyei mienh.

1. Maaih mienh gorngv, Ging-sou zungv gorngv, "*Maiv dungx dau mienh hngongx mienh ziux ninh hngongx nyei waac, nziex meih ganh ziouc caux ninh fih hnavg.*" (**Cong-mengh 26:4**) mv baac yie yaac buatc caux taux **Cong-mengh 26:5** "*Oix zuqc dau mienh hngongx mienh ziux ninh hngongx nyei waac, nziex ei ninh nyei m'zing mangc, ninh funx ninh ganh maaih cong-mengh.* Cong-mengh sou gorngv nyei se mbuo oix zuqc faix fim mbuo gin v dau nyei, lengc jeiv taux jaav nyei fai maiv zien nyei sic. Maiv dungx la'guaih caux mienh nzaeng, dongh mienh maiv oix muangx taux zien leiz nyei, hnavg naaic nor nzaeng ziouc hnavg mienh hngongx mienh nor, mv baac mbuo haih longc qiangx mbuox mienh taux jaav nyei, hnamv jienv ninh haih bieqc hnyouv taux zien leiz, ziouc haih zieqv duqv Tin-Hungh, zipv Tin-Hungh.

2. Mbuo oix zuqc bieqc hnyouv gorngv "maaih zuqc maaih dorngc", "maaih zien leiz maaih jaav leiz". Yietc nyungc lingc fai leiz janx nyei waac heuc *law of noncontradiction* se maiv doix-dekc nyei leiz. Maaih eix leiz se Tin-Hungh gorngv Ninh se Zien. Wuov nyungc cuotv liuz Tin-Hungh benx jaav. Nyungc zeiv: Yesu gorngv Ninh ganh dongh zien javu mingh Tin-dorng (Yo<sup>^</sup>han 14:6). Wuov nyungc ganh diuh javu maiv haih mingh duqv taux Tin-dorng. Zien leiz maiv gunv mienh sienx fai maiv sienx, maiv yienc zien nyei eix-leiz fai qaqv. Weic Tin-Hungh se Zien, Ninh maiv haih gorngv baeqc (**Hipv<sup>^</sup>lu 6:18**). Maiv sienx nyei mienh qienc zuqc mbuo longc cong-mengh caux za'eix mbuox ninh mbuo taux Ziouv nyei zien leiz.
3. Yiem Ging-sou mbuo buac cing, Mose, E<sup>^</sup>li<sup>^</sup>yaa, Yesu, liuc leiz ziangx gorngv mengh kuv fienx mbuox sienx jaav fai zienh nyei mienh. Yesu caux Saa<sup>^</sup>maa<sup>^</sup>lia janx muangz gorngv waac biux mengh ninh doix-dekc taux jaav nyei sienx fim, jaav nyei zoux, caux torngv bun mienh maiv sienx Ziouv nyei javu. Baulo mengh nyei longc qiangx dau maiv sienx nyei mienh (Mangc Gong-zoh 14:8-18; 17:16-34; 24:5-21; 26:1-29). Baulo longc qiangx mbuox maiv hiuv Tin-Hungh nyei mienh, longc qiangx caux doix-dekc Tin-Hungh nyei mienh nzaeng caux porv mengh sienx Tin-Hungh nyei eix-leiz, longc qiangx caux zunh jaav leiz nyei mienh doix-dekc yiem ninh fiev nyei zix buonv sou.
4. **Weic haix nyungc hoqc taux Tin-Hungh:**
  - a) Maaih mienh hoqc taux Tin-Hungh weic oix dorh ninh daaih zoux bou–Dorh ninh daaih caux mienh zoux fih ndongc nyei (hngv zangc zienh fai miuh fangx nyei mienh zoux fangx fai zienh daaih zangc). Zangc zienh nyei mienh nduov fai zunc ninh mbuo zangc nyei. Zangc zienh nyei mienh zunc fai longc ninh mbuo zangc nyei. Ziec = Zunc (se gorngv yie ziec naaiv, ninh oix zoux naaiv bun yie, se gorngv meih zoux naaiv yie oix ziec naaiv...) Mbuo mienh zinh ndangc zangc mienv nyei ziangh hoc se hngv naaiv.
  - b) Maaih mienh hoqc taux Tin-Hungh weic oix hngv ninh nor (weic longc mengh daauh, nyungc zeiv se Sadaan fai Haa<sup>^</sup>waa).
  - c) Maaih mienh hoqc taux Tin-Hungh weic kungx oix hiuv duqv ninh (kungx hiuv taux mv baac maiv sienx fai zangc ninh).
  - d) Maaih mienh hoqc taux Tin-Hungh hngv Singx Nzung sou 119:17-18, 27, 34 gorngv nor, *Weic hiuv duqv Tin-Hungh hiuv Ninh nyei waac cingx haih ei, Ziouv nyei waac dorh mienh ei dorh mienh yangh horpc.* (Weic naaiv mbuo cingx hoqc taux Tin-Hungh.)
5. **Mbuo hngv haaix nor haih hiuv Tin-Hungh:**
  - a) Hiuv taux (kungx hiuv yiem m<sup>^</sup>nqorngv hngv)
  - b) **Jiu-tong nyei hiuv**-Hiuv Tin-Hungh ziouc dorh ganh mingh ei. (Mouc deix se hiuv jiu-tong maiv zeiz kungx hiuv taux hngv.) Hiuv taux caux hiuv jiu-tong se maiv fih hngv. Meih haih hiuv taux Tin-Hungh, haih jangx Ging-Sou mv baac haih maiv maaih jiu-tong caux Tin-Hungh. Baulo gorngv yiem Fi<sup>^</sup>lipv<sup>^</sup>poi 3:10 "*Yie kungx oix hiuv duqv Giduc, yaac hiuv duqv bun ninh nangh daaih nyei domh qaqv, yaac maaih buonc caux ninh siouc kouv, yaac hngv ninh nor daic...*"
6. **Hiuv Tin-Hungh se benx mouz laanh baamh mienh nyei mouz deic**
  - a) Hngv haaix nor haih duqv yietc liuc nyei maengc (se hiuv Tin-Hungh) **Yo<sup>^</sup>han 17:3** "*Yietc liuz nyei maengc se dongh naaiv aqv. Se ninh mbuo hiuv duqv meih, nduqc dauh zien Tin-Hungh. Yaac hiuv duqv yie, Yesu Giduc, dongh Die paaiv daaih wuov dauh*".

- b) Haaix nyungc longx jiex yiem maengc (hiuv Tin-Hungh) **Ye<sup>li</sup>mi 9:23-24** "Ziouv hnavg nnaiv nor gorngv, "Maiv dungx bun cong-mengh mienh bungx waac-maux ceng ninh ganh nyei cong-mengh. Maiv dungx bun henv nyei mienh bungx waac-maux ceng ninh ganh nyei qaqv. Maiv dungx bun butv-zoih mienh bungx waac-maux ceng ninh ganh nyei zinh zoih. Mv baac oix zuqc bun bungx waac-maux nyei mienh hnavg nnaiv bungx waac-maux, weic ninh mengh baeqc yaac hiuv duqv yie, se Ziouv, yiem lungh ndiev ziepc zuoqv nyei hnamv mienh, zoux baengh fim, zoux horpc. Weic zuqc nnaiv deix sic yie horpc hnyouv haic." Nnaiv se Ziouv gorngv nyei waac.
- c) Tin-Hungh nyei mauv bun mbuo se oix mienh hiuv Tin-Hungh. **Ho<sup>se</sup>yaa 6:6** "Yie a'hneiv nyei se mienh ziepc zuoqv nyei hnamv, maiv zeiz mienh fongc horc ziec. Yie oix mienh nyiemc Tin-Hungh gauh camv buov ziec nyei ga'naaiv."

#### 7. Haih hiuv duqv nyei eix-leiz

- a. Hiuv duqv ga'naaiv daic (hungh heic nyei, nyungc zeiv se la'beiv, nie, ndiangx)
- b. Hiuv duqv ziangh jienv nyei ga'naaiv (gauh aqc deiz, nyungc zeiv se seang-kuv)
- c. Hiuv duqv mienh fai Tin-Hungh (gauh aqc jiex, weic zuqc cuotv liuz ninh mbuo mbuox mbuo taux ninh mbuo ganh mbuo maiv haih hiuv)
  - 1) Hiuv mienh fai Tin-Hungh oix zuqc bangc ninh mbuo mbuox mbuo, mienh fai Tin-Hungh ganh zuqc mbuox mbuo taux ninh mbuo.
  - 2) Bangc Tin-Hungh ganh mbuox mbuo taux ninh ganh se hnavg haaix nor (I<sup>saa</sup>yaa 40)
  - 3) Yesu zoux mbuo nyei mbu'ndongh mienh (Yo<sup>han</sup> 15:16 Yesu ginv mbuo)
  - 4) Mbuo haih hiuv Tin-Hungh se gorngv mbuo:
    - a) Muangx fai doqc Ziouv nyei waac, mangc gaax ninh nyei waac hnavg haaix nor gorngv taux Zangc Diex.
    - b) Bungz hnyouv caux ei ninh nyei lingsh.
    - c) Mbuo oix zuqc caux ninh jiu tong fai sienx kaux ninh.

Maiv sienx nyei mienh, maaih camv nyei maaih longx nyei waac naaic, dongh ninh mbuo za'gengh oix hiuv nyei. Sienx Tin-Hungh mienh za'gengh maaih longx haic nyei waac dau, weic zuqc mbuo maaih zien leiz yiem Ging-sou, Ziouv ganh tengx mbuo dau. Maiv zeiz laanh laanh maiv sienx Tin-Hungh nyei mienh naaic ndo nyei jauv, kungx naaic taux mbuo sienx nyei, mbuo horpc zuqc haih gorngv mengh mbuo sienx nyei. Maiv gunv mbuo dau longx nyei, dau horpc nyei, haiz nyei mienh ganh oix zuqc ginv sienx Tin-Hungh, Tin-Hungh ganh ken. Mienh sienx fai maiv sienx se yiem Ziouv nyei qaqv, mv baac Ziouv heuc mbuo mbenc ziangx, liuc leiz ziangx dau mienh naaic taux mbuo nyei sienx fim, naaic taux mbuo nyei Ziouv.

## Da'yietc Ginc: Naaic Taux Tin-Hungh

Tin-Hungh dongh zeix nyungc-nyungc wuov dauh Tin-Hungh. Tin-Hungh dongh zeix baamh mienh, yaac maaih lingc maaih leiz bun taux zeix daaih nyei mienh. Ninh nyei lingc caux leiz se bun cing mbuo hiuv duqv zuqc fai dorngc se jienv bun taux sienx Tin-Hungh nyei mienh. Se gorngv maiv maaih cing-nzengc nyei Tin-Hungh, mbuo fungc haih zoux zuiz dorngc Ninh? Se gorngv maiv maaih "zuqc", maiv maaih "dorngc", mbuo fungc hiuv duqv mbuo zoux nyei se dorngc fai zuqc? Se gorngv maiv maaih Tin-Hungh fungc maaih zeix daaih nyei ga'naaiv? Se gorngv ga'naaiv maiv zeiz zeix daaih, yiem haaix cuotv daaih? Mbuo haih bieqc hnyouv Yesu Giduc zoux nyei gong yiem ziepc nzangc jaax se weic mbuo bieqc hnyouv taux Tin-Hungh dongh zeix baamh mienh wuov dauh. Baamh mienh ginv zoux dorngc Tin-Hungh. Zoux dorngc fai zoux zuiz nyei jaax-zinh se zuqc daic. Tin-Hungh fungx Ninh nyei Dorn Yesu daaih daic div mbuo bun mbuo haih caux Zangc Diex horpc hnyouv. Weic naaiv da'yietv jiex wuov nyungc naaic mbuo oix zuqc dau se, "Za'gengh maaih Tin-Hungh nyei fai?" Da'nyeic nyungc borqv jienv da'yietv nyungc: Se gorngv maaih Tin-Hungh, Ninh se hngangv haaix nor fai dongh haaix nyungc Ziouv?

### I. Naaic nyei waac: Za'gengh maaih Tin-Hungh nyei fai?

Maaih bieci nyungc dau nyei waac biux mengh gorngv za'gengh maaih Tin-Hungh nyei. Da'yietv yiem zeix daaih nyei ga'naaiv. Da'nyeic yiem mouz deic nyei ga'naaiv. Da'faam yiem zuqc caux dorngc nyei leiz. Da'feix yiem hiuv caux hnamv cuotv nyei.

#### 1) **Da'yietv nyungc dau: yiem zeix daaih nyei ga'naaiv. Mienh naaic mbuo gorngv, meih hngangv haaix nor haih hiuv duqv gorngv za'gengh maaih Tin-Hungh?**

Mbuo haih zimh lorz gorn, nyungc-nyungc nyei gorn yiem haaix daaih? Zimh mingh zimh daaih, lorz gorn, ziouc hiuv duqv gorngv maaih Tin-Hungh - Ninh se *dongh nyungc-nyungc nyei gorn*. Weic zuqc ga'naaiv maiv maaih haaix nyungc la'guaih cuotv daaih. Nyungc-nyungc maaih gorn nyei. Baulo longc zeix daaih nyei ga'naaiv gorngv mengh nyei gorngv laanh laanh baamh mienh hiuv taux Tin-Hungh nyei.

**Lomaa 1:19-20** gorngv, "*Tin-Hungh ziouc dingc ninh mbuo nyei zuiz, weic zuqc ninh mbuo haih hiuv duqv Tin-Hungh. Se Tin-Hungh ganh biux mengh bun ninh mbuo hiuv. 20 Yiem zeix lunghe zeix ndau daaih wuov zanc, Tin-Hungh yietc liuz yiem nyei domh qaqv caux ninh nyei fiem-fingx, maiv gunv m'zing mangc maiv buac mv baac Tin-Hungh bun mienh mengh mengh hiuv duqv nyei. Buac Tin-Hungh zeix daaih nyei ga'naaiv ziouc bun ninh mbuo hiuv duqv Tin-Hungh aqv. Ninh mbuo ziouc maiv maaih dorngx jaiv sin.*"

**Gorn nyei ga'naaiv, gorn nyei lingc fai leiz se hngangv naaiv: Nyungc-nyungc se weic nyungc cuotv daaih. Lunghe ndiev oix zuqc weic nyungc cuotv daaih. Lunghe ndiev nyei nyungc-nyungc ga'naaiv oix zuqc weic nyungc cuotv daaih. Oix zuqc maaih gorn! Lunghe ndiev nyungc-nyungc oix zuqc maaih norm gorn. Naaiv norm gorn gauh hlo dongh cuotv naaiv norm lunghe ndiev nyei nyungc-nyungc.**

Nyungc zeiv se hngangv naaiv:

- a. Lunghe ndiev maaih gorn
- b. Gorn oix zuqc maaih norm dorngx jiex gorn, fai weic nyungc jiex gorn.
- c. Lunghe ndiev nyei nyungc-nyungc maaih gorn, gorn se maiv zeiz lunghe ndiev, gorn se Tin-Hungh.

Lungh ndiev maaih gorn, zaah lungh ndiev mienh yaac buatc caux nyei. Sienx Tin-Hungh nyei mienh buatc Ging-sou mengh nyei gorngv Tin-Hungh zeix nyungc-nyungc daaih. Maiv hiuv Tin-Hungh nyei mienh dongh kauv hoqc lungh ndiev nyei mienh gorngv maiv maaih gorn - ninh mbuo sienx gorngv "ga'naaiv liemh zeih cuotv daaih hhangv". Se gorngv zingx nyei zaah lungh ndiev nyei jauv louc mienh zieqv duqv gorngv nyungc-nyungc waaic jienv njiec. Nyungc-nyungc maaih gorn cingx maaih ih hnoi, se gorngv maiv maaih gorn mbuo maiv haih taux ih hnoi. Nyungc-nyungc qiemx zuqc maaih gorn, cingx ih zanc haih mingh jienv. Maaih nyungc jiex gorn daaih cingx goux jienv fai gunv jienv fai dorh jienv nyungc-nyungc. **Tin deic douh 1:1** gorngv, "*Dongh cor Tin-Hungh zeix lungh zeix ndau*", Tin-Hungh zeix nyungc-nyungc cuotv daaih ih zanc Ninh yaac goux jienv Ninh zeix nyei. "*Yesu yiem ndaangc maanc muotc. Yietc zungv yaac bangc ninh maaih yietc nyeic*" (*Ko<sup>l</sup>o<sup>s</sup>i 1:17*) Lungh ndiev nyungc-nyungc oix zuqc maaih gorn, yaac oix zuqc maaih goux nyei mienh. Mbuo yiem naaiv, yiem norm dorngx daaih (maa caux dae, ong caux gux) lorz jienv gorn mingh taux gorn se Tin-Hungh dongh zeix wuov dauh.

- 2) Da'nyeic nyungc dau: Zeix daaih nyei ga'naaiv oix zuqc maaih zeix nyei Ziouv. Zeix wuov dauh oix zuqc gauh hiuv zeix nyei ga'naaiv. Eix-leiz se hhangv naaiv:**
- a) **Zeix daaih nyei ga'naaiv biux mengh Zeix nyei Ziouv**
  - b) **Lungh ndiev nyungc-nyungc zeix daaih se longx haic**
  - c) **Weic naaiv zeix wuov dauh Ziouv za'gengh benx longx haic nyei Ziouv**

Mbuo buatc longx nyei ga'naaiv mbuo hnamv taux zeix fai zoux daaih wuov laanh mienh, mbuo buatc lui-houx nzueic mbuo jangx taux japv lui houx nyei mienh, buatc fangx nzueic jangx taux waaz fangx nyei mienh. Mbuo mange taux sorng yiem lungh ndortv njiec daaih (yietc ndunh fai yietv diemv maiv fih hhangv) fai ziex nyungc mbuoqc horngh nyei ga'naaiv za'gengh hiuv dingc zeix wuov dauh za'gengh maaih cong-mengh haic. Ging-sou mengh gorngv Tin-Hungh zeix mbuo baamh mienh daaih, **Singx Nzung 139:13-14** gorngv, "*Meih zeix yiem yie gu'nyuoz nyei nyungc-nyungc. Yiem maa nyei ga'sie meih gapv yie daaih. Yie ceng meih weic zuqc meih zeix yie cuotv daaih peix fuc haic, mbuoqc horngh haic. Meih zoux nyei nyungc-nyungc za'gengh peix fuc haic. Yie nyei hnyouv zien-zien hiuv duqv*"

Ih jaax hnoi nyei nyungc zeiv se hhangv naaiv, se gorngv maaih laanh mienh lorz buatc norm dangh buoz nyei mong, fai dangh buoz nyei lorh gaeng yiem wuov jauv, buatc za'gengh nzueic, gu'nyuoz buatc maaih ziex nyungc mbuoqc horngh nyei jaah sic zoux bun mong fai lorh gaeng haih tiux doix ziangh hoc, ninh ndongc haiz zungv hnamv taux zoux dangh buoz mong fai lorh gaeng nyei ziouv. Fih hhangv nyei se gorngv mbuo buatc lomc zangc nyei nyungc-nyungc ga'naaiv mbuo haih hnamv taux zoux fai zeix naaiv deix nzueic haic nyei nyungc-nyungc wuov dauh Ziouv.

Tin-Hungh zeix baamh mienh daaih za'gengh mbuoqc horngh gor hhangv Singx-Nzung sou gorngv nor. Ih jaax hnoi nyei kauv hoqc mienh corc maiv gaeng hoqc duqv mengh baeqc taux m'nqorngv famv zoux gong nyei jauv, baamh mienh longc zoqc mv baac m'nqorngv faamv hhangv haaix nor jiu-tong corc zaah maiv mengh baeqc. Baamh mienh ganh nyei sin biux mengh maaih laanh gauh guai, gauh maaih cong-mengh zeix ninh mbuo daaih. Zingx nyei zaah taux baamh mienh nyei sin zangc nyei mienh oix zuqc zieqv duqv gorngv baamh mienh maiv



zeix ca'bouh cuotv daaih. Nduqc nyungc dongh haih porv duqv mengh taux zeix daaih nyungc-nyungc ga'naaiv se maaih dauh fai maaih nyungc zeix daaih. **Se Tin-Hungh!**

- 3) **Da'faam nyungc dau: Nyungc-nyungc maaih yietv maaih nyeic, ndongc haaix yaac maaih nyungc fai maaih dauh gunv jienv nyungc-nyungc nyei.**
  - a) **Mouz laanh mienh hiuv duqv zuqc fai dorngc nyei**
  - b) **Mienh hiuv duqv zuqc fai dorngc weic maaih dauh liepc fai zorqv naaiv deix lingh aan mienh nyei hnyouv.**
  - c) **Weic naaiv oix zuqc maaih bun lingc nyei Ziouv.**

Mangc taux lung h ndiev mienh zoux nyei sic, zuqc fai dorngc oix zuqc maaih cih cunx ndorqc. Fingx-fingx mienh funx daix mienh se dorngc, caa mienh se dorngc, nimc ga'naaiv zoux zaqc se dorngc, gorngv baeqc se dorngc. Se gorngv maiv maaih dauh Ziouv bun naaiv deix lingc zorqv naaiv deix lingc aan mienh nyei hnyouv zoux haaix nyungc lung h ndiev mienh hiuv duqv naaiv, maiv maaih fiev cuotv nyei lingc fai leiz mv baac yiem doic-doic mienh caux fingx-fingx mienh funx naaiv deix jauv se dorngc?

Se gorngv haaix nyungc dorngc fai zuqc sueih mbuo ganh baamh mienh dingc nor, zoux haaix nyungc yietc zungv buat caux gorngv daix mienh, caa mienh, nimc ga'naaiv, gorngv baeqc se dorngc - maiv gunv yiem haaix nyei mienh fai sienx haaix nyungc nyei mienh. Weic zuqc maaih Ziouv fiev naaiv deix leiz aan jienv baamh mienh nyei hnyouv. Haaix laanh gorngv ninh mbuo maiv sienx gorngv maaih dauh Ziouv bun naaiv deix lingc yietc zungv mienh nor, meih gorngv meih nimc ganh laanh mienh nyei ga'naaiv, meih mangc gaax ninh mbuo hngangv haaix nor dau? Tin-Hungh se dongh bun lingc fiev jienv yiem mouz laanh mienh hnyouv. Bun Ninh zeix daaih nyei mienh hiuv duqv haaix nyungc zuqc fai dorngc.

- 4) **Da'feix nyungc dau: Maaih Tin-Hungh weic zuqc mbuo haih *hnamv duqv cuotv*, fai haih hiuv.**
  - a) **Fingx-fingx, doic-doic mienh oix zangc nyungc dongh gauh hlo gauh hlenv gauh hlang, gauh maaih qaqv, gauh maaih hatc maaz ninh mbuo. "*Tin-Hungh gorngv mbuox Mose, "Yie nyei mbuox heuc, Yietc Liuz Ziangh Jienv Wuov Dauh"* (Cuotv^i^yipv 3:14).**
  - b) **Se gorngv mbuo oix zangc nyungc gauh hlo, gauh hlenv mbuo weic zuqc maaih nyungc gauh hlo gauh hlenv mbuo.**

Mbuo haih longc camv nyungc waac caux nyungc zeiv dau nyei mv baac zeix daaih nyei ga'naaiv biux mengh zeix nyei Ziouv se gauh longx jiex dau gorngv za'gengh maaih Tin-Hungh. Nyungc-nyungc maaih gorn, zeix daaih nyei ga'naaiv maaih zeix nyei Ziouv, buatc nyungc-nyungc fingx caux nyungc-nyungc mienh buatc maaih lingc yiem hnyouv hiuv duqv zuqc caux dorngc. Se weic maaih zeix ninh mbuo wuov dauh Tin-Hungh.

#### **I. Naaic Nyei Waac: Tin-Hungh se hngangv haaix nor?**

Tin-Hungh se hngangv haaix nor? Ging-sou gorngv taux wuov dauh Tin-Hungh nyei fiem-fingx se hngangv haaix nor? Mbuo oix buatc zorngh zengx gorngv maaih Tin-Hungh nyei, oix biux mengh naaiv dauh Tin-Hungh nyei fiem-fingx. Nyungc-nyungc fiem-fingx bun mbuo gauh hiuv Tin-Hungh gauh mengh deix. Zorqv naaiv deix fiem-fingx gapv zunv ziouc mengh nyei gorngv taux zien wuov dauh Tin-Hungh.

- 1) **Dau nyei waac: Tin-Hungh maaih nyungc-nyungqc qaqv**

Zeix daaih nyei ga'naaiv biux mengh gorngv maaih zeix nyei Ziouv, zeix nyungc-nyungc wuov dauh Ziouv maaih hatc maaz caux qaqv. Kungx Tin-Hungh ganh maaih naaiv nyungc qaqv haih zeix yaac haih goux jienv lungh ndiev nyei nyungc-nyungc ga'naaiv. Goux nyei qaqv za'gengh hlo hlenv weic beu jienv bouh jienv yietc zungv zeix nyei ga'naaiv. Tin-Hungh maiv dan zeix nyungc-nyungc, ninh goux jienv nyungc-nyungc. Naaiv nyungc qaqv mbuo baamh mienh maiv haih hnamv duqv zaic. (**Yo^han 1:3** "*Tin-Hungh longc ninh zeix cuotv maanc muotc. Maiv maaih yietc nyungc Tin-Hungh maiv longc Doz zeix*"; **Gong-zoh 7:50** "*Naaiv deix ga'naaiv yietc zungv se yie ganh nyei buoz zeix daaih maiv zeiz?*"; **Gong-zoh 17:24** "*Tin-Hungh, dongh zeix baamh gen caux yiem baamh gen nyei maanc muotc wuov dauh, zoux lungh caux ndau nyei Ziouv. Ninh maiv yiem baamh mienh zoux daaih nyei dinc*"; **1 Zunh doic douh 29:11** "*O Ziouv aac, meih se hlo haic, maaih qaqv, yaac maaih njang-laangc, meih duqv hingh jiex yaac maaih haangh daauh. Yiem lungh yiem ndau yietc zungv benx meih nyei. O Ziouv aac, guoqv yaac benx meih nyei, meih duqv zoux hlo gunv maanc muotc.*")

## 2) Tin-Hungh maaih nyungc-nyungc cong-mengh:

Zingx nyei baamh mienh zieqv duqv gorngv zeix daaih nyei nyungc-nyungc yiem naaiv lungh ndiev, fai lungh ndiev nyei ga'naaiv hhangv haaix nor ziangh fai jiu-tong se gauh hlang baamh mienh haih hnamv duqv cuotv fai zoux duqv cuotv daaih nyei. Mbuo zeix nyei ga'naaiv, fai ga'naaiv nyei gorn, oix zuqc maaih dauh zoux gorn, maiv dan maaih qaqv maaih cong-mengh bun nyungc-nyungc maaih yietv maaih nyeic nyei. (Singx Nzung 104:24 "*O Ziouv aac, meih zoux nyei gong camv haic, yietc zungv se meih longc cong-mengh zeix daaih. Meih zeix daaih nyei maanc muotc buangv nzengc ndau-beih.*") Kungx Tin-Hungh ganh hiuv nyungc-nyungc caux maaih cong-mengh hhangv (Matv^tai 9:4; 16:8). Mbuo baamh mienh maiv haih bieqc hnyouv. Mbuo haih mengh nyei gorngv Tin-Hungh weic ninh zeix mbuo bun mbuo maaih m'nqorngv-faamv haih hiuv duqv.

## Tin-Hungh se cing-nzengc, dunh yunh:

Weic Tin-Hungh se cing-nzengc (1 Bide 1:16), dunh yunh, ninh se liepc lingc caux leiz nyei gorn. Haaix nyungc zuqc fai dorngc se yiem ninh daaih. Kungx cing-nzengc dunh yunh nyei Ziouv haih bun lingc zeix daaih nyei mienh hhangv. Baamh mienh hiuv duqv zuqc fai dorngc weic zuqc maaih Ziouv dongh zoux cih cunx ndorqc. Hiuv duqv zuqc fai dorngc se benx longx nyei sic. Weic Ziouv se longx haic, mbuo hiuv duqv ninh se longx haic weic ninh zeix mbuo daaih, ndangc baamh mienh ginv zoux zuiz ninh se longx nyei. Baamh mienh se maaih jaax-zinh. Mbuo oix mienh zoux longx bun mbuo nyei, naaiv nyungc fiem-fingx oix zuqc yiem norm dorngx daaih. Haaix nyungc zeix longx nyei ga'naaiv, fai bun longx nyei ga'naaiv oix zuqc benx longx nyei Ziouv ( se gorngv gorn maiv longx maiv haih bun cuotv longx). Tin-Hungh maiv daan cing-nzengc, ninh se longx haic. (**Yaagorpc 1:17** "*Yietc zungv longx nyei, dunh yunh nyei zingh nyeic yiem tin-dorngx njiec daaih. Se Tin-Hungh, dongh zeix cuotv lungh nyei nyungc-nyungc njang wuov dauh, ceix bun mbuo. Ninh yietc liuz maiv goiv yienc, yaac maiv guinh dongz torngv zuqc hmuangx.*")

Se gorngv mbuo hiuv duqv maaih Tin-Hungh, mbuo mangc taux ninh zeix daaih nyei ga'naaiv mbuo ziouc haih mengh baeqc camv nyei taux zeix wuov dauh Ziouv. Se gorngv nyungc-nyungc zeix daaih nyei ga'naaiv maaih gorn, zeix wuov dauh oix zuqc hhangv Ging-sou gorngv nor - maiv maaih gorn yaac maiv maaih setv mueiz. (**Lauc Yaangh 1:8** Nernh Jiex

neyi Ziouv Tin-Hungh gorngv, “*Yie zoux An^faa yaac zoux O^me^gaa, dongh zinh ndaangc yiem, ih zanc yiem, nqa'haav oix daaih wuov dauh.*”; **Laauc Yaangh 21:6** Ninh aengx mbuox yie, “*Zoux ziangx aqv! Yie zoux An^faa yaac zoux O^me^gaa, zoux Gorn yaac zoux Setv Mueiz wuov dauh.*”)

### **Maiv maaih haaix nyungc haih beiv duqv naaiv dauh Tin-Hungh**

Tin-Hungh se maaih nyungc-nyungc qaqv, maaih nyungc-nyungc hatc maaz, yiem norm-norm dorngx, maiv goiv yienc, maiv zeix benx *zeix cuotv daaih* neyi, mv baac dongh yietc liuz yiem wuov dauh Ziouv. Kungx maaih Ging-sou naaiv dauh Tin-Hungh zoux zien Ziouv, (**Cuotv^i^yipv 3:14** “*Yietc Liuz Ziangh Jienv Wuov Dauh*”) maiv maaih gorn, weic ninh se gorn. Weic naaiv ninh gorngv, “*...Cuotv liuz yie maiv dungx zangc ganh dauh zien...*” (**Cuotv^i^yipv 20:3**).

### **Zeix Nyei Ziouv Gunv Zeix Nyei Ga'naaiv**

Mbuo buate zeix neyi ga'naaiv maaih zeix neyi Ziouv. Zeix wuov dauh Ziouv gunv zeix neyi ga'naaiv. Zeix wuov dauh Ziouv caux zeix neyi maiv haih beiv taux, maiv fih hngang weic zuqc zeix wuov dauh se gorn, ga'naaiv se benx zeix daaih hngang. Baamh gen maiv haih ca'bouc cuotv daaih, oix zuqc maaih norm dorngc, yiem norm dorngx, maaih norm gorn, maaih nyungc zeix cuotv daaih. Tin-Hungh se dongh *zeix nyungc-nyungc neyi Ziouv*. Maaih qaqv maaih hatc maaz *zeix nyungc-nyungc neyi Ziouv* gunv jienv zeix neyi ga'naaiv. Ninh zeix neyi se weic Ninh ganh neyi za'eix. (**Ko^lo^si 1:16** “*Tin-Hungh longc ninh zeix yiem lungh yiem ndau neyi maanc muotc daaih, maiv gunv mangc duqv buate neyi fai mangc maiv buate neyi, yiem ndaamv-lungh zueiz weic neyi, zoux ziouv neyi, maaih lingc maaih qaqv neyi. Tin-Hungh longc ninh neyi Dorn zeix maanc muotc daaih yaac zeix daaih weic ninh.*”)

### **Tin-Hungh se Ziangh Jienv Wuov Dauh Ziouv**

Ging-sou wuov dauh Tin-Hungh gorngv Ninh se *ziangh jienv wuov dauh Ziouv*. (**Cuotv^i^yipv 3:14** Tin-Hungh gorngv mbuox Mose, “*Yie neyi mbuox heuc, Yietc Liuz Ziangh Jienv Wuov Dauh. Meih oix zuqc mbuox ninh mbuo, 'Mbuox heuc Yietc Liuz Ziangh Jienv Wuov Dauh paaiv yie daaih lorz meih mbuo.*”) Naaiv se biux mengh ninh neyi fiem-fingx. Kungx Tin-Hungh ganh haih gorngv naaiv hngang. Tin-Hungh se yietc liuz yiem wuov dauh. (**Hipv^lu 1:2** “*Mv baac yiem naaiv deix setv mueiz neyi hnoi Tin-Hungh longc ninh neyi Dorn caux mbuo gorngv. Naaiv dauh Dorn Tin-Hungh longc zeix maanc muotc yaac paaiv ninh nzipc maanc muotc benx ninh neyi jaa-dingh.*”) Tin-Hungh maiv goiv yienc (**Maa^laa^ki 3:6** “*O Yaakopv neyi zeiv-fun aah! Yie, Ziouv, maiv goiv yienc. Weic naaiv meih mbuo cingx daaih maiv zuqc mietc nzengc*”; **Hipv^lu 6:18** “*Hnangv naaic, maaih naaiv deix i nyungc yietc liuz maiv haih goiv yienc, Tin-Hungh yaac maiv haih gorngv-baeqc. Weic naaiv mbuo biaux daaih lorz ninh bun mbuo maaih lamh kaux dorngx ziouc bun mbuo gauh jorm hnyouv sienx wuonv maaih lamh hnamv nqa'haav hingv oix duqv neyi*”) Tin-Hungh se zoux nyungc-nyungc longx neyi gorn (Singx Nzung 86:5; Luke 18:19). Tin-Hungh maaih nyungc-nyungc qaqv caux hatc maaz. (**Hipv^lu 1:3** “*Ninh aengv Tin-Hungh neyi njang-laangc, yaac zuangv nzengc Tin-Hungh, aengx longc ninh maaih lingc neyi waac bouh jienv maanc muotc. Ninh nzaaux liuz baamh mienh neyi zuiz, nqa'haav yiem tin-dorngz zueiz jienv maaih haangh daauh neyi Tin-Hungh neyi mbiaauc maengx.*”; **Matv^tai 19:26** “*Yesu mangc jienv ninh mbuo yaac gorngv, 'Mienh maiv haih njoux ganh mv baac maanc sic Tin-Hungh haih zoux duqv neyi.*”) Weic Tin-Hungh se hngang naaiv,

maiv maaih ganh dauh "zien" hngangv naaiv. Hngangv naaic, naaiv dauh Tin-Hungh se dongh Ging-sou mengh nyei gorngv wuov dauh Tin-Hungh.

### **Naaic borqv nyei waac....**

1. Se gorngv mbuo gorngv nyungc-nyungc maaih gorn fai qiemx zuqc gorn, Tin-Hungh nyei gorn se yiem haaix daaih? Kungx zeix nyei ga'naaiv maaih gorn yaac maaih setv mueiz hngangv. *Tin-Hungh maiv maaih gorn, maiv zuqc jiex gorn - Ninh benx gorn yaac zoux setv mueiz wuov dauh.* Tin-Hungh yiem gorn, liuz, bun ga'naaiv maaih gorn. Mbuo maiv haih gauh mingh jiex ndangc gorn wuov dauh (Tin-Hungh), weic Ninh dongh bun nyungc-nyungc cuotv daaih wuov norm gorn.
2. Se gorngv nyungc-nyungc zeix daaih, maaih zeix nyei Ziouv, *haaix dauh zeix Tin-Hungh?* Dau fih hngangv nyei, *kungx zeix daaih nyei ga'naaiv maaih Ziouv.* Tin-Hungh se zoux Ziouv, dongh zeix nyungc-nyungc ga'naaiv wuov dauh. Yiem naaiv lungn ndiev maaih buo nyungc: a) ganh zeix, b) mienh zeix, c) maiv zuqc zeix. Mbuo maiv haih zeix ganh. Liuz, weic zuqc Tin-Hungh zeix mbuo, bun cing mbuo maiv zeiz Tin-Hungh. Tin-Hungh se maiv zuqc zeix, ninh yietc liuz yiem. Ndangc maaih zeix daaih nyei ga'naaiv ninh zungv yiem wuov. Ging-sou mengh nyei njaaux taux naaiv (**Tin-deic douh 1:1; Yo^han 1:1** "*Dongh cor maiv gaengh zeix lungn zeix ndau wuov zanc, Doz zungv yiem nyei. Doz caux Tin-Hungh yiem yaac dongh Tin-Hungh*").
3. Tin-Hungh haih zoux nyungc-nyungc - mv baac Tin-Hungh maiv zoux haaix nyungc doix-dekc ninh ganh nyei fiem-fingx. Tin-Hungh za'gengh longx haic, Ninh maiv haih zoux zuiz (**Hipv^lu 6:18** "*Hngangv naaic, maaih naaiv deix i nyungc yietc liuz maiv haih goiv yientc, Tin-Hungh yaac maiv haih gorngv-baeqc. Weic naaiv mbuo biaux daaih lorz ninh bun mbuo maaih lamh kaux dorngx ziouc bun mbuo gauh jorm hnyouv sienx wuonv maaih lamh hnamv nqa'haav hingv oix duqv nyei.*") Tin-Hungh maiv haih zoux waaic zoux zuiz weic Ninh se cing-nzengc, naaic se ninh nyei fiem-fingx.
4. Maaih haaix nyungc Tin-Hungh maiv haih zoux nyei fai? Ninh zeix daaih nyei maaih yietv maaih nyeic nyei. Junh nyei ga'naaiv m'daaih junh, ninh maiv zoux mbeih. Weic Tin-Hungh maaih qaqv maaih hatc maaz, Ninh dunh yunh, cing-nzengc, Ninh yaac longx. Nyungc-nyungc ninh haih zoux ei ninh ganh nyei za'eix (**Matv^tai 19:26** "*Mienh maiv haih njoux ganh mv baac maanc sic Tin-Hungh haih zoux duqv nyei*"; **Maako 10:27; Lugaa 1:37;18:27**).
5. Tin-Hungh yietc liuz yiem nyei Ziouv. Ziangh hoc se bun zeix daaih nyei ga'naaiv hngangv. Ninh dongh zeix ziangh hoc wuov dauh Ziouv. Yietc liuz ziangh jienv nyei Ziouv maiv qiemx zuqc ziangh hoc; Ninh zeix ziangh hoc bun mbuo.
6. Se gorngv Tin-Hungh hiuv nyungc-nyungc, goux jienv nyungc-nyungc nor nyungc-nyungc mbuo zoux nyei ninh dingc ziangx mi'aqv fai? Hiuv duqv baamh mienh oix zoux nyei sic caux dingc ziangx oix bun cuotv daaih nyei sic se maiv fih hngangv, weic baamh mienh haih ginv. Tin-Hungh zeix baamh mienh bun ninh mbuo haih ginv hnamv Tin-Hungh, maiv gunv ninh hiuv duqv maaih deix maiv ginv hnamv Ninh. Tin-Hungh zeix mbuo bun mbuo haih ginv, kuinx mbuo, njaaux mbuo, mbuox mbuo ginv zuqc. Mv baac ninh maiv apv mienh. Ninh bun mouz laanh mienh haih ginv.

Mbuo koqv hoqc jiex gorn dau i joux maiv sienx nyei mienh naaic nyei waac hngangv. Za'gengh maaih Tin-Hungh nyei fai? Tin-Hungh se hngangv haaix nor? Mbuo duqv dau, gorngv za'gengh maaih Tin-Hungh nyei, Tin-Hungh se hngangv haaix nor. Mbuo oix juangc jienv mangc muonc

taux Ging-sou gorngv nyei taux naaiv dauh Tin-Hungh. Se gorngv maaih hnyouv za'gengh oix hiuv duqv gorngv za'gengh maaih Tin-Hungh nyei nor oix zuqc doqc Ziouv ganh bun daaih nyei waac - se Ging-sou. Tin-Hungh biux mengh Ninh ganh yiem Ging-sou. Tin-Hungh oix ninh zeix daaih nyei mienh hiuv Ninh, caux Ninh maaih jiu-tong.

### **Da'nyeic Ginc: Naaic Taux Zienh (Mienv Nyei Hungh caux Mienv)**

**Ging-sou: Cuotv<sup>i</sup>yipv 20:2** *"Yie se Ziouv, meih mbuo nyei Tin-Hungh, dongh dorh meih mbuo cuotv I'yipv Deic-Bung, zuqc zoux nouh nyei deic-bung wuov dauh. 3 "Cuotv liuz yie, maiv dungx zaangc ganh dauh zienh."*

#### **Gorngv jiex gorn nyei waac:**

Ih jaax hnoi maaih ziex nyungc zienh daaih nzaeng mienh nyei hnyouv caux hnamv nyei jauv. Mbuo hnavg haaix nor hnamv taux Tin-Hungh, bieqc hnyouv taux Tin-Hungh, hiuv Ninh nyei fiem-fingx, se bun mbuo hnavg wuov nor ziangh hnavg wuov nor bieqc hnyouv taux hnoi hnoi mbuo buatc fai buangh nyei sic yiem mbuo nyei maengc. Gorngv nyei eix leiz se mbuo hnavg haaix nor bieqc hnyouv taux Tin-Hungh fai bieqc hnyouv mbuo sienx nyei ziouc bun mbuo hnavg wuov nor ziangh. Fai mbuo sienx nyei yiem maengc zoux bun mbuo hnavg wuov nor ziangh. Sienx Tin-Hungh nyei mienh buatc nyei, caux maiv sienx nyei mienh mangc nyei se maiv fih hnavg. Ngorc hnaangx nyei jauv, deic bung maaih sic nyei jauv, hmuangv doic maaih sic nyei jauv hnavg haaix nor zoux se maiv fih hnavg.

Weic maiv sienx Tin-Hungh nyei mienh mangc buangh nyei sic maiv fih hnavg, ninh mbuo yaac maaih mouz deic maiv fih hnavg. Mbuo hnavg haaix nor buatc lung hndiev, bieqc hnyouv taux lung hndiev nyei jauv, hnavg haaix nor lorz za'eix zorc sic weic maiv buatc doix. Mbuo bieqc hnyouv zien Tin-Hungh biux mengh mbuo hnavg wuov nor buatc lung hndiev. Janx nyei waac heuc "worldview". Maaih camv nyungc mienh buatc fai mangc lung hndiev caux Sienx Yesu Giduc mienh maiv fih hnavg.

1. Maaih nzangh mienh buatc fai gorngv maiv maaih Tin-Hungh.
2. Maaih nzangh sienx gorngv maaih Tin-Hungh nyei mv baac ninh maiv zoux mbuoqc horngh nyei sic.
3. Maaih nzangh mienh sienx gorngv mbuo se yietc zungv benx zienh.
4. Maaih nzangh mienh sienx gorngv Tin-Hungh se hnavg baamh mienh nor guaai jienv mingh.
5. Maaih nzangh mienh sienx gorngv maaih Tin-Hungh nyei mv baac ninh maiv maaih qaqv haih zoux nyungc-nyungc fai maiv dunh yunh.
6. Maaih nzangh mienh sienx gorngv maaih ziex nyungc zienh.

Mbuo oix mangc naaiv deix juqv nyungc fai juqv nzangh mienh dongh sienx fai buatc doix-dek Tin-Hungh. Yaac buatc cing ninh mbuo sienx nyei jauv caux sienx yiem Ging-sou wuov dauh Tin-Hungh maiv fih hnavg. Sienx maiv fih hnavg buatc maiv fih hnavg, maiv haih zoux fih hnavg.

**Da'yietv nzangh sienx doix-dekc Tin-Hungh nyei mienh sienx gorngv maiv maaih Tin-Hungh...Mbuo naaic ninh mbuo, mv baac se gorngv maaih Tin-Hungh nor niv?**

Naaiv nzangh mienh, fai naaiv guanh mienh, zinh ndangc maiv maaih camv ndongc haaix, mv baac ih jaax hnoi jiex gorn maaih camv jienv faaux. Janx nyei waac heuc "atheist". Naaiv guanh mienh sienx gorngv maiv maaih Tin-Hungh, nyungc-nyungc se ca'bouh goiv yiem.

**Siensex taux *Tin-Hungh* nyei jauv:** Naaiv guanh mienh ganh zungv sienx maiv fih hhangv. Weic zuqc ninh mbuo sienx gorngv maiv maaih Tin-Hungh, maiv hiuv duqv Tin-Hungh, maiv buatc se maiv maaih, fai maiv qiemx zuqc Tin-Hungh nyei fiem-fingx se yiem nzoih naaiv nzangh mienh. Ninh mbuo sienx gorngv Tin-Hungh se mienh ganh la'guaih hnamv cuotv daaih nyei za'eix hhangv.

**Siensex taux *Lungh Ndiev* nyei jauv:** Naaiv guanh mienh sienx gorngv lungh ndiev se maiv zeiz Tin-Hungh zeix daaih. Ninh mbuo sienx gorngv lungh ndiev yietc liuz maiv waaic. Lungh ndiev la'guaih liemh zeih cuotv daaih, yaac lungh ndiev ganh haih goux ganh. Mbuo naaic ninh mbuo maaih haaix nyungc la'guaih cuotv daaih?

**Siensex taux *Orqv* nyei jauv:** Weic ninh mbuo sienx gorngv maiv maaih Tin-Hungh, mv baac sienx gorngv maaih waaic nyei sic. Weic naaiv ninh mbuo cingx maiv sienx gorngv maaih Tin-Hungh. Se gorngv Tin-Hungh longx haic zoux haaix nyungc maaih waaic sic?

**Siensex taux *Jaax-zinh* nyei jauv:** Weic ninh mbuo maiv sienx gorngv maaih Tin-Hungh, ninh mbuo maiv sienx gorngv yietc nyungc maaih yietc liuz nyei jaax-zinh. Haaix nyungc zuqc fai dorngc se yiem mienh, yiem fingx, yiem dorngx, yiem sic. Haaix nyungc longx se dongh meih oix nyei caux duqv nyei.

**Da'nyeic nzangh mienh sienx doix-dekc Tin-Hungh nyei mienh sienx gorngv: Maaih Tin-Hungh nyei mv baac Ninh maiv zoux mbuoqc horngh nyei jangx hoc**

**Ninh mbuo *sienx* nyei:** Janx nyei waac heuc naaiv guanh mienh zoux "*deism*". Ninh mbuo sienx gorngv maaih Ziouv zeix nyungc-nyungc mv baac zeix ziangx liuz sueih nyungc-nyungc ganh yiem. Naaiv guanh mienh sienx gorngv maaih Tin-Hungh mangc lungh ndiev mienh nyei jauv louc nyei, mv baac Ninh maiv "nyauv" fai "tengx" baamh mienh. Hhangv zoux dangh buoz nyei lorh gaeng nyei mienh, zoux ziangx liuz sueih lorh gaeng ganh zoux gong.

**Ninh mbuo sienx taux *Tin-Hungh* nyei jauv:** Ninh mbuo sienx hhangv deix sienx zien Tin-Hungh sienx nor, mv baac ninh mbuo maiv sienx mbuoqc horngh jangx hoc nyei sic. Ninh mbuo maiv sienx gorngv Tin-Hungh goux jienv beu jienv ninh zeix daaih nyei. Maiv gunv ninh mbuo sienx gorngv Tin-Hungh zeix nyungc-nyungc daaih. Ninh mbuo maiv sienx Diex, Dorn, caux Singx Lingh. Ninh mbuo maiv sienx gorngv Doz benx baamh mienh daaih njoux zuiz-mienh, weic maiv zuqc dingc zuiz.

**Ninh mbuo sienx taux *lungh ndiev* nyei jauv:** Ninh mbuo sienx gorngv Tin-Hungh zeix nyungc-nyungc daaih, baamh mienh haih hiuv deix taux Tin-Hungh nyei weic ninh mbuo mangc duqv buatc nyei ga'naaiv. Ninh mbuo sienx gorngv lungh ndiev se nduqc nyungc dongh Tin-Hungh laauc yaangh bun mienh hiuv. Ninh zeix nyei ga'naaiv haih bun mienh hiuv duqv ninh.

**Ninh mbuo sienx taux orqv nyei jauv:** Ninh mbuo sienx gorngv baamh mienh se orqv nyei. Mv baac ninh mbuo sienx taux orqv nyei gorn caux sienx Yesu Giduc mienh maiv fih hhangv. Orqv se weic mienh zoux hoic, ging-borqc nyei jauv.

**Ninh mbuo hhangv haaix nor sienx taux maaih jaax-zinh nyei ga'naaiv:** Ninh mbuo sienx maiv doit-diuc yietc deix. Ninh mbuo sienx domh mbuoqc horngh nyei sic (zeix lungh zeix ndau zeix maanc muotc) mv baac maiv sienx faix nyei wuov deix mbuoqc horngh jangx hoc. Se gorngv Tin-Hungh longx haic, maaih qaqv caux hatc maaz zeix nyungc-nyungc, mbuo horpc zuqc zieqv duqv gorngv ninh haih goux nyungc-nyungc.

**Da'faam nzangh mienh sienx doit-dekc Tin-Hungh nyei mienh sienx gorngv:  
Nyungc-nyungc maaih Zienh (Zienh yiem nyungc-nyungc)**

**Ninh mbuo sienx nyei:** Nzengc-nzengc yiem dong bung maengx nyei guoqv nyei mienh sienx hhangv naaiv (*Hinduism, Taoism, Buddhism, Christian Science, Scientology*). Yietc zungv se zienh, zienh yiem yietc zungv ga'naaiv. Mv baac naaiv dauh zienh se maiv caux baamh mienh maaih jiu-tong. Mbuo maiv hiuv duqv jiu tong caux naaiv deix zienh. Weic naaiv oix zuqc zorqv ganh nyei hnyouv hnamv, koi ganh nyei hnyouv zaah, weic zienh se yiem laanh laanh, laanh laanh se zienh. Baamh mienh oix zuqc hoqc hiuv duqv gorngv ninh ganh yaac benx “zienh”.

**Ninh mbuo sienx taux lungh ndiev nyei jauv:** Ei naaiv guanh mienh sienx nyei, baamh gen se maiv zeix Tin-Hungh zeix daaih. Sienx Tin-Hungh mienh sienx Tin-Hungh zeix nyungc-nyungc, naaiv guanh mienh sienx gorngv ganh se zienh, ganh zeix ganh. Maiv maaih haaix nyungc za'gengh zien, maiv maaih mbuoqc horngh jangx hoc nyei sic, haih hoqc duqv diev mun, hoqc taux ganh nyei qaqv, ganh nyei buonh zeic, weic zuqc “Ganh” se zienh, oix zuqc hiuv duqv ganh.

**Ninh mbuo hhangv haaix nor sienx taux orqv nyei jauv:** Zuiz, daic, caux baengc nyei jauv se maiv zien. Se gorngv baamh mienh ganh benx zienh, zienh se longx nyei, waaic nyei sic se maiv haih maaih. Weic naaiv ninh mbuo zoux zix nyungc daaih div ganh beiv zienh. Ninh mbuo sienx gorngv ninh mbuo nyei Zienh se gauh hlo, gauh hlang, gauh longx waaic nyei sic.

**Ninh mbuo hhangv haaix nor sienx taux jaax-zinh nyei jauv:** Ninh mbuo oix mienh zoux longx, siev ganh nyei maengc. Ninh mbuo oix benx zienh. Se gorngv ninh mbuo zieqv duqv ganh benx zienh, fungc oix zuqc ei haaix nyungc leiz? Maiv maaih dorngc fai zuqc nyei sic. Ceix ganh, longc baamh gen nyei ga'naaiv ceix ganh bun zieqv duqv gorngv ganh se zienh, bangc ganh, maiv gunv caaiv mienh weic ganh duqv faaux se longx nyei. Maiv maaih longx fai waaic. Ninh mbuo maiv sienx hhangv zien zien sienx Tin-Hungh nyei mienh sienx gorngv maaih zuiz.

**Da'feix nzangh mienh sienx doit-dekc Tin-Hungh nyei mienh sienx gorngv: Sienx gorngv  
Tin-Hungh se maiv dunh yunh, maiv maaih nyungc-nyungc qaqv caux hatc maaz.**

**Ninh mbuo sienx nyei:** Sienx wuov dauh zienh se maiv dunh yunh. Ninh nyei qaqv caux hatc maaz se maiv haih zoux nyungc-nyungc. Maaih laanh mienh hhangv naaiv sienx weic ninh nyei dorn daic: Ninh hnamv maiv mengh baeqc "zoux haaix nyungc longx nyei Tin-Hungh, baengh fim nyei Tin-Hungh, maaih qaqv maaih hatc maaz nyei Tin-Hungh haih bun ninh nyei dorn daic?" M'nziex naaiv dauh Tin-Hungh maiv haih zoux, maiv maaih qaqv haih tengx, fai nyungc baav naaiv dauh Tin-Hungh maiv haih zoux ziouc jix gorn fiev taux “waaic nyei sic cuotv daaih

yiem longx nyei mienh.” Mv baac ninh bieqc hnyouv dornge maiv maaih haaix laanh longx nyei mienh, yietc zungv zuiz-mienh.

Ninh mbuo sienx gorngv Tin-Hungh zeix lungx zeix ndau nyei. Mv baac ninh mbuo maiv sienx gorngv Tin-Hungh se dunh yunh, baengh fim, caux maaih qaqv maaih hatc maaz gunv ninh zeix daaih nyei. Weic buac taux orqv nyei yiem lungx ndiev, ninh mbuo hnamv gorngv zeix wuov dauh ndongc haaix yaac maiv dunh yunh.

**Ninh mbuo hhangv haaix nor sienx taux *lungx ndiev* nyei *jauv*:** Ninh mbuo sienx gorngv lungx ndiev se maaih zeix daaih nyei ziouv nyei. Mv baac ninh mbuo maiv sienx gorngv zeix daaih nyei ga'naaiv se dunh yunh. Weic buac zeix daaih nyei ga'naaiv waaic camv, lungx ndiev maaih ndau dongx, maaih douz cuotv mbong, koiv yiemz, nziaux-zunc, naaiv deix se orqv nyei sic. Longx nyei Tin-Hungh daix maiv haih gunv naaiv deix sic. Ninh mbuo yaac maiv sienx mbuoqc horngh jangx hoc nyei sic.

**Ninh mbuo hhangv haaix nor sienx taux *waaic fai orqv* nyei sic:** Weic maaih waaic nyei maaih orqv nyei sic cingx maaih naaiv guanh fai naaiv nzangh mienh hhangv naaiv nor sienx. Se gorngv Tin-Hungh hhangv naaiv nor zeix daaih nor, naaiv dauh zeix nyei ziouv maiv haih benx longx nyei sic. Ninh mbuo dau nyei se Tin-Hungh zeix longx nyei mv baac maiv haih gunv maiv duqv ziouc benx waaic.

**Ninh mbuo hhangv haaix nor sienx taux *jaax-zinh* nyei *jauv*:** Jaax-zinh se yiem ga'naaiv caux longx nyei sic. Haaix nyungc sung se wuov nyungc horpc. Weic Tin-Hungh maiv bun lingc, leiz mienh, zuqc fai dornge.

Ninh mbuo oix hiuv duqv gorngv zoux haaix nyungc Tin-Hungh maaih qaqv maaih hatc maaz zeix gunv youc maaih waaic nyei sic.

**Da'hmz nzangh mienh sienx doix-dekc Tin-Hungh nyei mienh sienx gorngv:**  
**Maiv zix nyungc Zienh gunv zix norm dornge**

**Ninh mbuo *sienx* nyei:** Naaiv guanh mienh heuc “*polytheism*”. Naaiv deix mienh sienx gorngv maaih zix nyungc zienh gunv zix nzangh lungx ndiev. Zinh ndangc mbuo buac zix fingx mienh sienx hhangv mbuo Iu-mienh sienx nor, maaih zienh gunv lungx, gunv deic nyuoqc, gunv ndau, gunv wuom. Mingh koiv tov koiv nyei zienh tengx, mingh lomc tov lomc nyei zienh tengx. Ninh mbuo maiv sienx hhangv sienx Yesu Giduc mienh sienx nor, gorngv maaih nduqc dauh Tin-Hungh (*Diex, Dorn, caux Singx Lingh*) gunv nyungc-nyungc. Ninh mbuo sienx gorngv zienh caux baamh mienh haih longc doic, maaih deix mienh benx zienh. Zienh yaac maaih ziangh hoc nzaeng jaax, mborqv jaax, doix-dekc jaax, gorngv baeqc nduov jaax nyei. Ninh mbuo gorngv sienx Yesu nyei mienh, Diex, Dorn, Caux Singx Lingh buo dauh benx Yietc dauh, fih hhangv nyei maiv horpc fim dongh eix.

**Ninh mbuo hhangv haaix nor sienx taux *lungx ndiev* nyei *jauv*:** Lungx ndiev se yietc liuz yiem, weic longc yietc liuz maiv waaic nyei ga'naaiv zoux daaih.

**Ninh mbuo hhangv haaix nor sienx taux *orqv fai waaic* nyei sic:** Waaic fai orqv nyei sic oix zuqc yiem naaiv baamh gen. Lungx ndiev maaih longx caux waaic zorpc jienv weic maaih zienh nzaeng jaax.



**Ninh mbuo hngangv haaix nor sienx taux *maaih jaax-zinh nyei ga'naaiv*:** Naaiv guanh mienh sienx zienh maaih lingc gorngv taux zuqc fai dorngc, zienh dingc zoux dorngc nyei, mv baac maaih deix gorngv zien fai jaav, maengc fai daic, nzueic fai a'mangc, longx fai waaic zorpc jjeinv. Meih zoux longx weic tengx duqv ganh, maiv zeiz weic zienh heuc.

Se gorngv zienh maiv zien, maiv yietc liuz yiem, maiv yietc liuz ziangh - zangc ninh mbuo zoux haaix nyungc? Zangc naaiv nyungc zienh maaih haaix nyungc jaax-zinh? Weic Tin-Hungh zeiz mbuo yiem ninh nyei fangx zeiv, mbuo horpc zuqc zuangv ninh, mv baac mbuo maiv maaih hnoi hngangv benx ninh, haih zoux sic zuangv ninh nyei maiv haih hngangv ninh.

Naaiv deix juqv nyungc "*worldviews*" fai, mienh hngangv haaix nor mangc taux lungx ndiev, mangc taux sienx nyei, mangc taux jaaix nyei, mangc taux maengc nyei jauv. Ninh mbuo sienx nyei ninh mbuo hngangv wuov nor ziangh, hngangv wuov nor zoux, hngangv wuov nor yiem, hngangv wuov nor faan cuotv daaih nyei sic yiem ninh mbuo nyei maengc. Mbuo duqv hoqc nyei cing yaac mengh nyei. Mbuo sienx wuov dauh Tin-Hungh dongh yiem Ging-sou wuov dauh Tin-Hungh caux naaiv deix juqv nyungc fai juqv nzangh sienx nyei za'gengh maiv fih hngangv. Mbuo buatec ninh zoux nyei mbuoqc horngx jangx hoc...mbuo oix jiex gorn dau deix ninh mbuo naaic nyei waac. Oix dau taux waaic nyei sic yiem lungx ndiev.

### **Mienv Nyei Hungh: Saadaan/Satan**

#### **Ging-sou: Isaiah/I<sup>saa</sup>^yaa 14:12-15**

**Gorngv jiex gorn nyei waac:** Kungx Ging-sou gorngv nyei waac bun mbuo haih bungx hnyouv caux bieqc hnyouv taux mienv nyei hungh Saadaan. Ging-sou mengh nyei gorngv taux mienv nyei Hungh Saadaan. *Da'yietv*, mbuo mouz laanh mienh oix hiuv duqv mienv nyei hungh yiem haaix daaih fai mienv nyei hungh nyei gorn. Ging-sou gorngv mengh nyei mienv nyei hungh se yietc dauh zeix daaih nyei fin-mienh fai tin-cai, dongh maaih fin-mienh nyei fiem-fingx. *Da'nyeic*, mbuo yaac oix mangc mengh taux Ging-sou gorngv taux mienv nyei hungh nyei juoqc setv (character) yiem ninh nyei mbuox, ninh nyei eix-leiz, caux ninh nyei fiem-fingx. *Da'faam*, nyungc-nyungc mbuo hoqc taux se Mienv nyei hungh Saadaan zoux nyei gong. Nyungc-nyungc ninh zoux nyei ninh zoux doix-dekc Tin-Hungh, norm-norm ziangh hoc ninh zanc-zanc doix-dekc Tin-Hungh nyei jauv caux gong.

#### **A. Satan's Origin/Saadaan: Mienv nyei hungh nyei gorn**

1. Mienv nyei Hungh Saadaan yiem haaix daaih? Se gorngv TH maaih nyungc-nyungc qaqv, zoux haaix nyungc bun maaih waaic nyei sic? Weic zuqc longx nyei Tin-Hungh maiv haih zeix waaic nyei. Mienv nyei Hungh Saadaan se Tin-Hungh zeiz daaih nyei yietc dauh hlo nyei fin-mienh. Hngangv Tin-Hungh zeix baamh mienh hngangv ninh nyei fangx zeiv nor. Aa<sup>ndaam</sup> ginv doix-dekc Tin-Hungh mbuox ninh nyei waac (*Tin-Hungh zeix baamh mienh daaih haih ginv*). Mienv nyei Hungh Saadaan yaac haih ginv nyei yietc dauh fin-mienh, maiv daan haih ginv ninh benx yietc dauh maaih njang-laangc nyei fin-mienh, weic zuqc ninh nyei mbuox heuc "Lucifer", eix-leiz gorngv "Aengv Tin-Hungh nyei Njang". Weic ninh oix maaih mengh hoc, ninh ceng-hlo, ninh ginv doix-dekc zeix ninh daaih wuov dauh Tin-Hungh, ziouc zuqc zunc cuotv Tin-dorngx

(I<sup>^</sup>saa<sup>^</sup>yaa 14:12-15; 2 Bide 2:4 "*Tin-Hungh maiv liouh baamz zuiz nyei fin-mienh. Ninh zorqv ninh mbuo zoi njiec deic nyuoqc, wuonx jienv yiem hmuangx nyei kuotv, zuov jienv zuqc siemv zuiz*"; Yiu<sup>^</sup>ndaa 6). Zuiz nyei gorn se maiv oix zipv dongh Tin-Hungh zeix mbuo, bun mbuo nyei.

2. Buo diuc javv yiem Mienv nyei hungh Saadaan nyei hnyouv zoux bun ninh oix mavv Tin-Hungh nyei weic:
  - a) Mengh dauh fai ceng-hlo: Ninh laaic duqv ninh zic duqv Tin-Hungh nyei weic. Yiem 1 Ti<sup>^</sup>mo<sup>^</sup>tai 3:6 Baulo gorngv taux zoux bou-beiv yiem jiu-bang nyei mienh, "*Siang-sienx nyei mienh maiv horpc zuqc zoux jiu-baang nyei mienh gox. Nzauh heix ninh haih ceng-hlo ziouc zuqc dingc zuiz, hnangv mienv nyei hungh zuqc dingc zuiz wuov nor*".
  - b) Maiv sienx: Mienv nyei hungh maiv sienx gorngv Tin-Hungh za' gengh dingc ninh nyei zuiz.
  - c) Ganh nduov ganh: Ninh laaic duqv ninh haih nzaeng duqv Tin-Hungh dongh zeix ninh daaih wuov dauh nyei weic.
3. Mienv nyei hungh caux gan ninh nyei fin-mienh oix biao nyungc yiem hnyouv (I<sup>^</sup>saa<sup>^</sup>yaa 14:12-15). Naaiv se da'yietv nzunc zuiz yiem da'yietv dauh fin-mienh. Yiem Ging-sou gorngv taux buo nzangh Tin-Dorng:
  - a) Da'yietv nzangh lung - Dongh gomv jienv mbuo nyei dorng
  - b) Da'nyeic nzangh lung - Fin-mienh yiem nyei dorng
  - c) Da'faam nzangh lung - se Tin-Hungh yiem nyei dorng
    - "*...Yie hiuv duqv dauh Giduc Mienh, zinh ndaangc ziepc feix hnyangx Tin-Hungh zipv faaux taux da'faam nzangh tin-dorng. Yie maiv hiuv duqv liemh sin mingh fai maiv mingh, Tin-Hungh ganh hiuv hnangv.* <sup>3</sup>*Yie hiuv duqv Tin-Hungh zipv naaic dauh mienh mingh orn-lorqc huingx orn-lorqc huingx fai da'faam nzangh tin-dorng. Mv baac yie aengx gorngv, liemh sin mingh fai maiv mingh yie maiv hiuv, kungx Tin-Hungh hiuv hnangv...*" 2 Cor. 12:1-4).
    - Mienv nyei hungh Saadaan oix faaux da'faam nzangh dongh Tin-Hungh yiem nyei dorng. Ninh oix faaux gauh hlang dongh Tin-Hungh zeix ninh yiem nyei dorng.
    - Yiem I<sup>^</sup>saa<sup>^</sup>yaa 14:12-15 bun mbuo hiuv hnangv naaiv:
      1. Lucifer (Saadaan) hnamv "*Yie oix faaux gu'nguaaic lung. Dongh Tin-Hungh yiem nyei da'faam nzangh Tin-dorng...*"
      2. Yie oix faaux gauh hlang jiex Tin-hungh nyei zuangx hleix. Saadaan oix gunv zengc yietc zungv fin-mienh.
      3. Yie oix liepc yie nyei weic yiem wuov norm hlang nyei dorng. Saadaan oix gunv Tin-Hungh nyei guoqv (Isa. 2:1-4)
      4. Yie oix zueiz jienv gapv zunv nyei wuic nyei mbong. Ninh oix zoux gauh hlo yiem gauh hlang Tin-Hungh.
      5. Yie oix faaux taux mbuonx gu'nguaaic (Ziouv nyei njang-laangc).
      6. Yie oix bun yie ganh caux *Yiem Hlang Jiex Wuov Dauh* fih hnangv (Ninh oix gunv lung caux ndau)
      7. **Mv baac Tin-Hungh gorngv**, "*Daax nzuonx meih zuqc njiec yiemh gen mingh taux ndo jiex nyei kuotv.*"
4. Yiem Saadaan mienv nyei hungh zuqc zunc cuotv Tin-dorng (yiem Tin-Hungh zeix nyungc-nyungc yiem da'luoqc hnoi taux daauh doix mienh zuqc Mienv nyei hungh

nduov). Saadaan, mienv nyei hungh, maiv dingh liouh nyei nduov Tin-Hungh zeix daaih nyei mienh baamh zuiz, nduov mienh zoux maiv cing-nzengc.

5. Saadaan zoux waaic nyei gorn, zoux zuiz nyei gorn, yiem ninh maiv maaih longx nyei. Tin-Hungh zeix fin-mienh bun ninh mbuo haih ginv, weic maaih zien buoqc zangc. Ndangc mienv yiem hnyouv hnamv oix, Mienv wuov dauh fin-mienh maaih qaqv haih ginv, *maiv zeix ginv longx fai wzaic, mv baac ginv ei Tin-Hungh nyei za'eix fai Ninh ganh nyei za'geix.*

## B. Satan's Character/Mienv nyei Hungh Saadaan nyei fiem-fingx

1. Ging-sou gorngv taux Mienv nyei hungh Saadaan nyei fiem-fingx maaih buo nyungc:
  - a) Ninh nyei mbuox caux mengh hoc biux mengh taux ninh nyei fiem-fingx.
  - b) Ninh nyei guv-guaix nyei eix-leiz gorngv taux ninh zoux nyei sic.
  - c) Ninh nyei fiem-fingx yiem ninh nyei juoqc setv caux ninh nyei quoqv.
2. Fih hngangv nyei, Tin-Hungh nyei mbuox biux mengh ninh nyei fiem-fingx. Tin-Hungh biux mengh Mienv nyei Hungh Saadaan yiem ninh nyei mbuox. Yiem Ging-sou Mienv nyei Hungh maaih faah ziepc lengh norm mbuox: *Lucifer* - Lugh ndorm nyei hleix Isa. 14:12; *Saadaan* - Job 1:6; *Devil/jungh hungh nyei fin-mienh* - Rev. 12:7; *Aa^bor^li^yon* - Rev. 9:11; *Beelzebub/Mbe^en^se^mbun Mienv*-Matt. 12:27; *Mbe^li^an* - 2 Cor. 6:15; *Loz hnoi wuov diuh domh nang* - Rev. 20:2; *Win-wangv hngangv sienh* - 1 Pet.5:8; *Nduov lugh ndiev maanc mienh wuov diuh nang* - Rev. 12:9; *Huang orqv wuov dauh* - John 17:15; *Le^wi^aa^taan Naang* - Isa. 27:1; *Daaix mienh Nyei Gorn* - John 8:44; *Sienh*-1 Pet.5:8; *Huang orqv wuov dauh* - I John 3:12; *Gunv ndaamh lugh wuov dauh, dongh ih zanc maiv muangx Tin-Hungh nyei waac wuov dauh* - Eph. 2:2; *Gunv baamh gen wuov dauh* - John 14:30; *God of this age* - 2 Cor. 4:4; *Domh jung-hungh* - Rev.12:9; *Hieh ga'naaiv* - Rev. 11:7; *Ziangh hnoi ziangh muonz gox mbuo nyei gorx-youx* - Rev. 12:10; *Liemh Saadaan yaac haih goiv nyungc zeiv zoux hngangv dauh njang-laangc nyei fin-mienh* - 2 Cor. 11:14; *Win-Wangv* - Matt. 13:39; *Yietc liuz maiv a'hneiv zien leiz, gorngv-baeqv hungh* - John 8:44; *Gorngv baeqc gorn* - John 8:44; *Mienv nyei hungh* - Matt. 9:34; *Baamz leiz latc wuov dauh*-2 Thess. 2:3; *Janx zaqc nimc/daix/mietc* - John 10:10).
3. Ging-sou gorngv mengh taux Mienv Nyei Hungh Saadaan nyei guv guaix nyei fiem-fingx. (2 Ko^lin^to 11:13-15 "*Wuov deix mienh zoux jaav gong-zoh, ninh mbuo zoux nyei gong kungx nduov mienh hngangv. Ninh mbuo yaac goiv nyungc zeiv zoux hngangv Giduc nyei gong-zoh nor. 14 Mv baac naaiv maiv zeiz mbuoqc horngh nyei sic. Liemh Saadaan yaac haih goiv nyungc zeiv zoux hngangv dauh njang-laangc nyei fin-mienh. 15 Hngangv naaic, Saadaan nyei bou goiv nyungc zeiv zoux hngangv baengh fim nyei Tin-Hungh nyei bou se maiv zeiz mbuoqc horngh nyei sic. Taux setv mueiz ei ninh mbuo zoux nyei ninh mbuo ziouc duqv siouc aqv.*")
4. Saadaan haih goiv nyungc zeiv zoux hngangv dauh njang-laangh nyei fin-mienh. Weic naaiv, sienx Gi-duc mienh "*oix zuqc zorqv Tin-Hungh bun nyei yietc zungv mborqv jaax nyei jaax-muotc zornng jienv, meih mbuo ziouc haih souv duqv wuov ngaengc jienv mienv nyei hungh guv-guaix nyei za'eix...*" E^fe^so 6:11.
5. Saadaan nyei orqv nyei fiem-fingx: Nduov mienh baamh zuiz. Saadaan se zuiz nyei gorn "*haaix dauh baamz zuiz se mienv nyei mienh, weic zuqv mienv nyei hungh m'daaiah yiem gorn bamz zuiz taux ih zanc...*" (1 Yo^han 3:8)

6. Saadaan dangv jienv bun mienh maiv sienx Tin-Hungh “*Ninh mbuo maiv sienx weic zuqc gunv baamh gen wuov dauh mienv nyei hungh, Saadaan, bun ninh mbuo nyei hnyouv hmuangx, maiv mengh baeqc. Ninh nqaevq jienv maiv bun kuv fienv nyei njang ziux ninh mbuo*” 2 Ko<sup>lin</sup>to 4:4).

### C. Satan’s Work/Mienv Nyei Hungh Saadaan zoux nyei gong

1. Zoux doix-dekc Tin-Hungh nyei za’eix caux gong (Matv<sup>taai</sup> 13:39 Yesu gorngv, “*Haaz haih laengc mienh nyei nyim wuov dauh win-wangv se mienv nyei hungh*”; I<sup>saa</sup>yaa 14:12-14):
  - a. Zoux doix-dekc Giduc nyei douh zong (Tin<sup>deic</sup>douh 3:15; 4:25 Tin-Hungh, Singx Diex, laengz jienv bun Singx Dorn daaih njoux zuiz-mienh; Matv<sup>taai</sup> 1:6; 2 Hungh Douh 11:1-5 ...mienv oix bun mienh zutc douh zong...)
  - b. Zoux doix-dekc fingx-fingx baamh mienh (Tin Deic Douh 3:4-6 Mienv nduov Haa<sup>waa</sup> maiv muangx Ziouv nyei waac...Tin-Hungh gorngv nyanc liuz daic, mienv gorngv maiv daic. Mienv hiuv duqv Tin-Hungh dingc zuiz, ziouc nduov baamh mienh baamh zuiz...Tin-Hungh mietc nzengc lungn ndiev mienh zengc njiec yietc buonc mienh.)
  - c. Zoux doix-dekc I<sup>saa</sup>laa<sup>en</sup> mienh (Tin Deic Douh 15:5 Yiem Apc<sup>laa</sup>ham nyei ziangh hoc taux ih zanc Mienv nzorng I<sup>saa</sup>laa<sup>en</sup> mienh...longc I<sup>yipv</sup> nyei Faa<sup>lo</sup> hungh daix I<sup>saa</sup>laa<sup>en</sup> mienh; longc Haa<sup>men</sup> oix daix I<sup>saa</sup>laa<sup>en</sup> mienh; ih jaax hnoi yaac longc zieux fingx mienh oix daix I<sup>saa</sup>laa<sup>en</sup> mienh. Maiv gaengh lauh jiex daaih, lungn ndiev mborqv domh jaax da’nyeic nzunc Hitler daix zieux million I<sup>saa</sup>laa<sup>en</sup> mienh); Cuotv I<sup>yipv</sup> 1:16; E<sup>se</sup>te 3:6,7:9-10; 1 Zunh Doic Douh 21:2; Singx Nzung 109:6.
  - d. Zoux Doix-dekc Yesu (Longc He<sup>lotv</sup> lorz qiangx daix Yesu (Matv<sup>taai</sup> 2:16; 4:1-11;16:23; Yo<sup>han</sup> 13:27; Lugaa 4:1-13)
  - e. Zoux Doix-Dekc Jiu-bang (Matv<sup>tai</sup> 16:18 Yesu gorngv nyei waac “*Yie oix liepc yie nyei jiu-bang...daic nyei qaqv yietc liuz maiv haih hingh jiu-bang*”)
  - f. Zoux Doix-Dekc Ging-sou (Laauc Yaangh 22:18-19 “*...Maiv dungx tipv yaac maiv dungx zorqv cuotv...*”) Maaih zieux nyungc jaav nyei sou nduov mienh sienx dorngc.
2. Mienv oix zuotc Tin-Hungh zoux nyei gong (I<sup>saa</sup>yaa 14:14; 2 Ko<sup>lin</sup>to 11:14): Gunv ndaamv-lungh wuov dauh, dongh ih zanc yiem maiv muangx Tin-Hungh nyei waac wuov deix mienh nyei hnyouv zoux gong wuov dauh mienv.
3. Mienv nduov mienh (2 Ko<sup>lin</sup>to 11:14): Maaih mienh laaic duqv ninh mbuo duqv njoux. Mv baac Yesu ganh gorngv, taux wuov hnoi ninh oix gorngv “*Yie liemh maiv hiuv duqv meih mbuo niaa. Meih mbuo zoux waaic nyei mienh gaanv biaux ngoi maah*” (Matv<sup>tai</sup> 7:23). Mienv oix gunv jiu-bang (Laauc Yaangh 2:13 “*...Yie hiuv duqv meih yiem nyei dorngx, se Saadaan nyei weic yiem wuov norm dorngx.*”)
  - a. Zoux nduov maanc guoqv nyei mienh (Laauc Yaangh 20:3): *Fin-mienh zorqv ninh zoi njiec ndo haic wuov norm kuotv, forv jienv kuotv nyei gaengh yaac nqaapv jienv yienx, maiv bun ninh cuotv mingh nduov maanc guoqv nyei mienh, zuov taux wuov deix yietc cin hnyangx jiex liuz. Nqa’haav oix zuqc bungx ninh cuotv caamx* (Ndaa<sup>ni</sup>en 10:12-14)
  - b. Zoux nduov maiv sienx nyei mienh (2 Ko<sup>lin</sup>to 4:4): *Ninh mbuo maiv sienx weic zuqc gunv baamh gen wuov dauh mienv nyei hungh, Saadaan, bun ninh mbuo*

*neyi hnyouv hmuangx, maiv mengh baeqc. Ninh nqaeqv jienv maiv bun kuv fiex neyi njang ziux ninh mbuo. Naaiv kuv fiex se gorngv Giduc, dongh zuangv Tin-Hungh wuov dauh, neyi njang-laangc (Lugaa 8:12).*

- c. Saadaan morh linc sienx Yesu neyi mienh (Congh-Mengh Waac 24:16; E<sup>fe</sup>so 6:12 *Weic zuqc mbuo maiv caux baamh mienh. Gikc waac gorngv "Maaih orv maaih nziaamv neyi"*).
- d. Mborqv jaax. *Se caux yiem ndaamv-lungh zoux hlo neyi, maaih lingc maaih qaqv gunv naaiv hmuangx haic neyi baamh gen wuov deix, caux yietc zungv waaic haic neyi mienv mborqv jaax. (Matv<sup>tai</sup> 13:38-39 Haaz haih laengc mienh neyi nyim wuov dauh win-wangv se mienv neyi hungh.)*

### **Gorngv Nzutc Norz Waac Taux Mienv Nyei Hungh Saadaan:**

1. Mbuo buatc Tin-Hungh zunc Mienv neyi hungh Saadaan cuotv da'nyeic nzangh Tin-Dorng. Mbuo buatc mienv zoux neyi zuiz, ninh zuqc Tin-Hungh dingc ninh neyi zuiz leih Tin-Hungh neyi nza'hmien. Yiem I<sup>saa</sup>^yaa 14 gorngv taux *mienv hnamv oix zoux gauh hlo Tin-Hungh; E<sup>se</sup>^ken 28 gorngv taux Saadaan neyi njang-laangc ndangc ninh zuqc ndortv. Yiem Lugaa 10:18 Yesu gorngv, "Yie buatc Saadaan yiem Tin-dorng ndortv njiec hhangv mba'lingc nor."*
2. Maiv gunv mienv neyi hungh zuqc zunc cuotv da'faam caux da'nyeic nzangh Tin-dorng, ih zanc ninh corc zuov jienv taux Laauc Yaangh 20:10 *"Nduov ninh mbuo wuov dauh mienv neyi hungh zuqc zoi njiec zieqc jienv hungh neyi douz-koiv gu'nyuoz, dongh wuov dauh hieh ga'naaiv caux wuov dauh jaav douc waac mienh zuqc zoi njiec neyi douz-koiv. Yiem wuov ninh mbuo yietc liuz ziangh hnoi ziangh muonz zuqc zeix taux maanc gouv maanc doic"*.
3. Mv baac ih zanc mienv neyi hungh maiv gaengh zuqc zoi njiec yietc liuz maiv daic neyi douz. Bide mbuox mbuo, *"Oix zuqc ging hnyouv mbungh jienv. Meih mbuo neyi win-wangv, mienv neyi hungh, hhangv sienh nor njunh jienv mingh mingh daaih daaih lorz mienh ngaatc nyancHhangv haaix nor hingh Saadaan, mienv neyi hungh? (1 Bide 5:8) mbuo hhangv haaix nor haih hingh jiex mienv neyi Hungh?"*
  - a. Faix fim neyi eix-leiz: 1 Yo<sup>han</sup> 4:4 *"yiem mbuo hnyouv wuov dauh se gauh henv jiex yiem baamh gen wuov dauh."*
  - b. Simv nqoi neyi eix-leiz: 1 Te<sup>saa</sup>^lo<sup>ni</sup>^ga 5:22 *"nyungc-nyungc orqv neyi oix zuqc simv nqoi..."*
  - c. Ngaengc Jienv Mienv oix zuqc mbuoqc Tin-Hungh neyi eix-leiz: Yaagorpc 4:7 *"Oix zuqc mbuoqc Tin-Hungh gunv. Oix zuqc ngaengc jienv mienv neyi hungh, Saadaan, ninh ziouc biaux meih mbuo aqv."*
  - d. Ging jienv hnyouv, mbenc jienv neyi eix-leiz: Maako 14:38 *"Oix zuqc ging jienv hnyouv daux gaux, tov Tin-Hungh maiv dungx bun meih mbuo buangh zuqc seix hnyouv neyi sic. Meih mbuo neyi hnyouv oix zoux horpc, mv baac sin zaangc mau haic"; E<sup>fe</sup>so 6:11;13-17 "zuqv jienv mborqv jaax neyi wuoqc ginc..."*
4. Ging-sou mengh neyi njaaux taux mienv neyi hungh Saadaan, zuiz neyi gorn, dongh zanc-zanc lorz qiangx doix-dekc Tin-Hungh neyi gong. Se gorngv mbuo buatc zuiz, mbuo oix zuqc buatc cing yaac ging jienv hnyouv taux mbuo neyi win-wangv mienv neyi hungh. Cuotv liuz mbuo kaux Tin-Hungh (*Singx Diex, Dorn, caux Singx Lingh*) neyi qaqv tengx mbuo, mbuo maiv haih hingh mienv neyi hungh. Kungx weic Yesu Giduc zoux neyi gong, yaac weic mbuo sienx Yesu yaac kaux ninh, mbuo duqv hingh jiex.

## Mienv/Demons

### Ging-sou: Ephesians/E<sup>fe</sup>so 6:10-18

**Gorngv Jiex Gorn Nyei Waac:** Ih hnoi nyei hoc-dauh se "demonology" fai "mienv". Jiex daaih mbuo duqv hoqc taux mienv nyei hungh, Saadaan. Mienv nyei hungh se nduqc dauh hhangv mv baac *mienv se camv nyei*. Bieqc hnyouv taux mienv nyei gorn, eix-leiz, fiem-fingx, ninh mbuo nyei mouz deic, caux zoux nyei gong se jienv bun taux sienx Yesu nyei mienh. Ging-sou mengh nyei gorngv taux mbuo nyei win-wangv se maiv zeiz caux baamh mienh "*maaih orv maaih nziaamv nyei...*" "*Mborqv jaax se caux yiem ndaamv-lungh zoux hlo nyei, maaih lingc maaih qaqv gunv naaiv hmuangx haic nyei baamh gen wuov deix, caux yietc zungv waaic haic nyei mienv mborqv jaax*" (E<sup>fe</sup>so 6:12). Mbuo duqv hingh se weic Yesu, mbuo haih hingh se weic mbuo hiuv duqv mbuo nyei win-wangv: Mienv nyei hungh caux waaic haic nyei mienv. Ging-sou mengh nyei gorngv taux mienv. Yesu doz benx baamh mienh nyei ziangh hoc, ninh yaac zunc mienv cuotv yiem mienh (Matv<sup>ta</sup>i 12:22-29; 15:22-28; 17:14-20; Maako 5:1-16). Fiev Siang-Ngaengc Waac nyei mienh cuotv liuz Hipv<sup>lu</sup> sou, gorngv taux mienv gauh camv 100 nzunc. Mbuo oix juangc jienv hoqc taux mienv nyei gorn caux mienv nyei eix-leiz, hoqc taux huiang orqv caux mienv yiem nyei dorngx, caux mienh zangc nyei mienv, caux mienv zoux nyei gong.

### **A. Mienv nyei gorn caux eix-leiz (Maaih mienh laaic duqv gorngv gouv, maaih mienh laaic duqv maiv maaih mienv, maaih mienv laaic duqv mienv a'hneiv ninh mbuo...):**

1. **"Mienv" yiem janx Gikc waac:**
  - a. "Diabolos": Saadaan, mienv nyei hungh, se nduqc dauh
  - b. "Diamon": Mienv, se maaih camv dauh
2. **Mienv nyei gorn: Mienv yiem haaix daaih?**
  - a. **Daic mingh nyei mienh nyei lingh wuov fai?** Maiv zeiz. Daic mingh nyei mienh nyei lingh wuonh mingh deic nyuoqc (Lugaa 16:23 "*Ninh mingh yiem yiemh gen Maaih deix sou faan daaih gorngv deic nyuoqc. zuqc diev mun diev kouv. Ninh ziouc cau hmien buatc Apc<sup>laa</sup>ham yiem go nyei, yaac buatc Laa<sup>saa</sup>latv caux Apc<sup>laa</sup>ham yiem wuov...*) Zinh ndangc janx Gikc janx sienx gorngv mienv se mienh waaic mienh nyei lingh wuonh. Mv baac Ging-sou maiv buatc caux, maiv sienx nyei mienh daic liuz lingh wuonh yiem deic nyuoqc, maiv zeiz benx mienv youh lungh ndiev (Singx Nzung 9:17 "*Orqv mienh, se la'kuqv Tin-Hungh nyei fingx-fingx mienh, zungv zuqc mingh yiem yiemh gen...*"; Lugaa 16:23; Laauc Yaangh 20:13 "*Koiv ziouc fungx yietc zungv yiem koiv daic nyei mienh nzuonx. Daic nyei qaqv caux yiemh gen yaac fungx yiem ninh mbuo wuov deix mienh nzuonx. Gorqv-mienh ziouc ziux gorqv-mienh zoux nyei sic zuqc siemv aqv.*")
  - b. **Zaah ging-sou mienh caux sienx ei Ging-sou nyei mienh camv sienx gorngv Mienv se gan mienv nyei hungh wuov deix tin-cai/fin-mienh zuqc zunc cuotv caux Saadaan wuov deix:** (Matv<sup>ta</sup>i 12:24, Gorngv Saadaan se mienv nyei hungh, Saadan se fin-mienh, mienv se zuqc zunc cuotv Tin-dorngv wuov deix fin-mienh. Mienv se heuc maiv cing-nzengc ("unclean spirits" – Matv<sup>ta</sup>i) 25:41; Laauc Yaangh 12:4 "*Jungh-hungh-Saadaan nyei dueiv puotv yiem lungh nyei hleix buo gouv nyei yietc gouv ndort njiec ndau...*" Ging-sou maiv mengh nyei

gorngv mienv se zoux zuiz nyei fin-mienh, mv baac zorngh zengx se camv nyei gorngv mienv se zoux zuiz nyei fin-mienh.

### 3. Mienv nyei eix leiz:

- a. Mienv haih bieqc mienh - "Lungh maanz-hmuangx, maaiah mienh dorh zuqc mienv muoqv nyei mienh camv nyei daaih lorz Yesu. Yesu gorngv nduqc joux waac hngv ziouc zunc mienv cuotv nzengc mi' aqv. Dauh dauh nyei baengc yaac zorc longx nzengc." (Matv^taai 8:16; Laauh yaangh 16:13)
- b. Mienv ei mienv nyei hungh Saadaan zoux - (Matv^taai 12:24-26; Lugaa 22:31; E^fe^so 2:2; Gong-zoh 5:3-5)
- c. Mienv haih gorngv waac, Mienv tov Yesu - Lugaa 8:31 "*Wuov deix mienv tov Yesu maiv dungx zunc ninh mbuo ndortv ndo haic nyei kuotv*". Oix Yesu bun ninh mbuo bieqc dungx.
- d. Mienv maaiah qaqv, yaac maaiah conggh mengh (Maako 5:3-4; E^fe^so 6:10-18; Gong-zoh 19:14-17). Mienv zieqv duqv Yesu (Maako 1:24; 5:6-7 "*Naa^saa^letv Mungv nyei Yesu aah! Meih maaiah haaix nyungc guen zuqc yie mbuo? Meih daaih naaiv oix mietc nzengc yie mbuo? Meih haaix dauh yie hiuv nyei. Meih se Tin-Hungh nyei wuov dauh Cing-Nzengc Mienh.*"; 1 Ti^mo^tai 4:1-3)
- e. Mienv baac-baac ginv zoux waaic, ninh mbuo nyei orqv nyei fiem-fingx maiv haih yienc aqv, ninh mbuo yaac maiv haih goiv hnyouv aqv. Ninh mbuo kungx doix-dekc Tin-Hungh hngv. (Matv^taai 25:41; Maako 1:27; 2 Bide 2:4)
- f. Mienv za'gengh camv? (Yietc gouv nyei buo gouv ndortv njiec; Laauh Yaangh 12:4; Maiv hiuv dingc ndongc haaix camv)

### 4. Ging sou mengh nyei gorngv taux zuqc zunc cuotv nyei fin-mienh:

- a. Dongh maiv zuqc wuonx jienv wuov deix mienv ei jienv mienv nyei hungh, Saadaan zoux nduov baamh mienh.
- b. Maaiah deix wuonx jienv zuov taux nga'haav dingc zuiz nyei hnoi (2 Bide 2:4). Yiu^Ndaa 6 "*Maaiah deix ih zanc wuonx jienv mv baac taux yietc cin hnyangx nyei ziangh hoc aengx bungx cuotv*" (Lugaa 8:31; Laauc Yaangh. 9:1-3).

## B. Mienv nyei setv mueiz dorngx caux zangc mienv nyei eix-leiz:

### 1. Mienv nyei wuov ndaangc hingv fai setv mueiz

- a. **Ih zanc wuonx jienv:** Maaiah deix corc haih tengx mienv nyei hungh zoux gong. (Matv^taai 8:29 "*Naaiv deix i dauh mienh liemh zeih heuc mbui nyei, "Tin-Hungh nyei Dorn aah! Meih daaih yie mbuo naaiv zoux haaix nyungc? Ziangh hoc maiv gaengh taux meih daaih zeix yie mbuo fai?"*"; Yiu^ndaa 6 "*Aengx jangx jienv maaiah wuov deix fin-mienh maiv longc ninh mbuo duqv daaih nyei buonc hatc maaz mv baac guangc ninh mbuo horpc zuqc yiem nyei dorngx. Ninh mbuo ziouc zuqc Tin-Hungh longc yietc liuz maiv haih waaic nyei limc ndoh jienv, wuonx jienv hmuangx nyei dorngx, zuov sienv zuiz nyei domh Hnoi taux*"; 2 Bide 2:4 "*Tin-Hungh maiv liouh baamz zuiz nyei fin-mienh. Ninh zorqv ninh mbuo zoi njiec deic nyuoqc, wuonx jienv yiem hmuangx nyei kuotv, zuov jienv zuqc sienv zuiz*".)
- b. **Yietc cin hnyangx zuqc wuonx:** (Laauc Yaangh 20:3-4 "*Ninh zorqv jung-hungh, dongh loz-hnoi wuov diuh domh naang, se mienv nyei hungh, Saadaan, longc limc ndoh jienv yietc cin hnyangx. Fin-mienh zorqv ninh zoi njiec ndo haic wuov norm kuotv, forv jienv kuotv nyei gaengh yaac nqaapv jienv yienx, maiv bun*")

*ninh cuotv mingh nduov maanc guoqv nyei mienh, zuov taux wuov deix yietc cin hnyangx jiex liuz. Nqa'haav oix zuqc bungx ninh cuotv caamx.)*

- c. Yietc liuz zuqc wuonx:** Matv<sup>taai</sup> 8:29 "Naaiv deix i dauh mienh liemh zeh heuc mbui nyei, "Tin-Hungh nyei Dorn aah! Meih daaih yie mbuo naaiv zoux haaix nyungc? Ziangh hoc maiv gaengh taux meih daaih zeix yie mbuo fai?"  
Matv<sup>tai</sup> 25:41 "Hungh Diex gorngv mbuox yiem zaaix maengx wuov deix mienh, 'Zuqc Tin-Hungh zioux nyei mienh aah! Simv nqoi yie! Mingh bieqc liuc leiz ziangx bun mienv nyei hungh caux ninh nyei bou yiem wuov gaaax yietc liuz maiv daic nyei douz".
- 2. Mienh hngang haaix nor zangh mienv?**
- a.** Mangc hlan fai mangc mbungv [E<sup>se</sup>ken 21:21 "Weic zuqc Mbaa<sup>mbi</sup>lon nyei hungh souv jienv jauv-caax, i diuh jauv mbu'ndongx, mbouv gaaax, jough cim (Hipv<sup>lu</sup> waac gorngv jough forng). Naaic ninh nyei miuc-fangx yaac zaah mangc saeng-kuv nyei hlan.]
- b.** Caux janx daic/mienv gorngv waac: Nzamc Leiz Latc 18:11-12 "bungx ding bungx jiemx, zoux mienv, mbuov gaaax, fai gaanv hei. Da'faanh zoux naaiv nyungc sic nyei mienh, Ziouv youx haic." Weic zuqc Lugaa 16:27-31 "Gorngv daaic nyei mienh maiv haaix caux gorngv waac."
- c.** Zoux faatv: Ndaa<sup>ni</sup>en 4:7 (Beiv mangc Ndaa<sup>ni</sup>en 2:5) "Zoux huaax-nyinz, zoux faatv, samx hleix nyei mienh. Caux gaanv hei mienh ziouc daaih zunv, yie gorngv mbeix bun ninh mbuo muangx mv baac ninh mbuo maiv haih tengx yie porv mbeix"; Ex. 7:11-12 "Faalo ziouc heuc ninh nyei guai-gorqv fin-saeng caux zoux huaax-nyinz nyei mienh daaih. Naaiv deix zoux faatv nyei I'yipv Mienh yaac longc ninh mbuo nyei faatv fih hngangv nyei zoux".
- d.** Jough cim, mangc maengc, zoux faatv: Nzamc Leiz Latc 18:10 "Maiv dungx bun meih mbuo nyei haaix dauh mienh zorqv ninh mbuo nyei dorn fai sieqv zoux buov ziec nyei ga'naaiv. Yiem meih mbuo gu'nyuoz yaac maiv dungx bun haaix dauh jough cim, mangc maengc, zoux faatv."
- 3.** Mienv se hnuang orqv haic. Mienv ei jienv mienv nyei hungh Saadaan zoux orqv zoux maiv cing-nzengc zoux doix-dekc Tin-Hungh nyei za'eix. (Matv<sup>taai</sup> 10:1; Lugaa 7:21 "Doix wuov zanc Yesu tengx mienh camv zorc ninh mbuo nyei nyungc-nyungc baengc. Zuqc mienv muoqv nyei mienh ninh yaac zorc longx, yaac tengx m'zing maengh m'zing mbuov nyei mienh haih mangc duqv buatc"; E<sup>fe</sup>so 6:12 "Weic zuqc mbuo maiv caux baamh mienh [Gikc waac gorngv "maaih orv maaih nziaamv nyei"] mborqv jaax. Se caux yiem ndaamv-lungh zoux hlo nyei, maaih lingc maaih qaqv gunv naaiv hmuangx haic nyei baamh gen wuov deix, caux yietc zungv waaic haic nyei mienv mborqv jaax."
- 4.** Mienv maaih qaqv henv nyei (Mark 5:3; Acts 19:16). Mienv yaac haih ndouv mienh gorngv ninh mbuo hiuv duqv nqa'haav hingv nyei sic. Ninh mbuo se zoux mienv nyei hungh nyei bou, zoux doix-dekc Tin-Hngh nyei za'eix.

## C. Mienv zoux nyei gong

### 1. Mienv zoux nyei gong

- a.** Mienv doix-dekc Tin-Hungh-Ninh mbuo ginv caux Saadaan, Mienv nyei hungh doix-dekc Tin-Hungh dongh zeix ninh mbuo wuov dauh, zanc-zanc lorz qiangx doix-dekc Tin-



Hungh nyei za'eix yiem naaiv baamh gen. (Ndaa<sup>ni</sup>en 10:10-14; Laauc Yaangh 16:13-16).

- b. Mienv hoic jiu-bang (1 Ti<sup>mo</sup>tai 4:1; 2 Ko<sup>lin</sup>to 2:6-11) Yaac oix mienh zangc mienv caux zienh.
- c. Mienv hoic m'ngornv famv: (Maako 5:2-5 *Yesu cuotv nzangv wuov zanc, maaih laanh mienh yiem wuov zouv-gemh cuotv daaih buangh zuqc ninh. Naaiv laanh mienh maaih hieh guaiv mienv yiem ninh nyei sin. 3-4 Ziex nzunc mienh longc hlieqv-limc ndoh jienv buoz, hlieqv-kou kou jienv zaux, mv baac maiv maaih haaix dauh ndoh duqv jienv. Limc, ninh cutv dangx nzengc. Hlieqv-kou yaac wuotv nauv nzengc. Maiv maaih haaix dauh maaih qaqv gauv borngz duqv hingh ninh. 5 Ninh yiem wuov zouv-gemh yaac yiem mbong, lungh hnoi lungh muonz heuc jienv jiex naaiv jiex wuov, yaac zorqv la'bieiv guetv ninh ganh nyei sin.*; Lugaa 9:37-42 *butv ndin fai m'qornv faamv baengc...*
- d. Mienv seix mienh/nduov mienh leih go Tin-Hungh. Zoux waaic sienx nyei mienh nyei zingh ginx.
- e. Mienv zoux bun sienx nyei mienh namx hnyouv, maiv bungx hnyouv Tin-Hungh, cai Tin-Hungh, hnavg daauh doix mienh, Aa-ndaam caux Haa-waa yiem Tin-deic douh 3.
- f. Mienv nduov yaac longc mienh njaaux jaav leiz (1 Ti<sup>mo</sup>tai 4:1; 1 Yo<sup>han</sup> 2:18).
- g. Mienv, Saadaan, bun maiv sienx nyei mienh nyei hnyouv hmuangx, maiv mengh baeqc, nqaevv jienv maiv bun kuv fienx nyei njang ziux ninh mbuo (2 Ko<sup>lin</sup>to 4:3-4; 1 Yo<sup>han</sup> 4:4).
- h. Sienx nyei mienh caux mienv mborqv jaax (E<sup>fe</sup>so 6:11-12).

## 2. Mienv bieqc mienh

- a. Mienv gunv maiv sienx nyei mienh se hnavg Singx Lingh gunv sienx nyei mienh nor.
- b. Mienv maiv haih bieqc sienx Yesu nyei mienh mv baac haih morh linc nyei.
- c. Mienv maiv haih gunv fai bieqc sienx Yesu Mienh, weic zuqc maaih Singx Lingh gunv.
- d. Mienv hnavg haaix nor bieqc maiv sienx nyei mienh?
- e. Jiex gorn hanc oix mienv nyei jauv ei mienv nyei eix.
- f. Mienv jiex gorn gunv, mienh jiex gorn doix-dekc.
- g. Mienh gunv zoux mienv nyei bou, ei mienv.
- h. Zuqc mienv gunv nyei mienh fai bieqc nyei mienh, maiv maaih qaqv ziouc sueih mienv longc.

## 3. Weic naaiv sienx Yesu mienh oix zuqc ging jienv hnyouv

- a. **1 Bide 5:8** "*Oix zuqc ging hnyouv mbungh jienv. Meih mbuo nyei win-wangv, mienv nyei hungh, hnavg sienh nor njunh jienv mingh mingh daaih daaih lorz mienh ngaatc nyanc.*"
- b. **E<sup>fe</sup>se 6 :10-18** "*Oix zuqc zuqv jienv mborqv jaax nyei wuoqc ginc.*"
- c. **Lomaa 12:2** "*Baamh mienh zoux sic maiv horpc Tin-Hungh, maiv dungx zuotc ninh mbuo nyei nyungc zoux. Mv baac oix zuqc bun Tin-Hungh goiv nzengc meih mbuo nyei hnyouv caux hnamv nyei jauv, duqv siang-nyungc zeiv. Hnavg naaic meih mbuo haih hiuv duqv Tin-Hungh nyei za'eix, haaix nyungc se longx nyei, Tin-Hungh a'hneiv nyei, dunh yunh nyei za'eix.*"
- d. **Fi<sup>lipv</sup>poi 4:8** "*Yie nyei gorx-youz aac, yie aengx gorngv deix setv mueiz waac. Haaix nyungc zien nyei, horpc zuqc taaih nyei, baengh fim nyei, cing-nzengc nyei, horpc zuqc hnamv nyei, mengh dauh longx nyei, naaiv deix longx haic, horpc zuqc ceng nyei yietc zungv oix zuqc zanx jienv hnyouv.*"

### Nzutv Norz Waac:

1. Nzengc-nzengc sienx Ging-sou nyei mienh sienx gorngv mienv se fin-mienh dongh gan Saadaan mienv nyei hungh dongh zuqc zunc cuotv Tin-Hungh wuov deix fin-mienh. (Matv<sup>^</sup>tai 25:41 "*Hungh Diex gorngv mbuox yiem zaaix maengx wuov deix mienh, 'Zuqc Tin-Hungh zioux nyei mienh aah! Simv nqoi yie! Mingh bieqc liuc leiz ziangx bun mienv nyei hungh caux ninh nyei bou [Gikc waac gorngv fin-mienh] yiem wuov gaaax yietc liuz maiv daic nyei douz.*"; Laauc Yaangh 12:4 "*Jung-hungh nyei dueiv puotv yiem lungh nyei hleix buo gouv nyei yietc gouv ndortv njiec ndau. Ninh souv jienv wuov dauh m'sieqv dorn nyei nza'hmien zuov gu'nguaaz yietv ndortv ndau ziouc oix nyanc gu'nguaaz.*")
2. Mienv nyei hungh se nduqc dauh hhangv (Saadaan fai Lucifer) mv baac mienv se camv weic zuqc maaih "yietc gouv buo gouv nyei fin-mienh" ginv ei mienv nyei hungh gan mienv nyei hungh, zoux doix-dekc Tin-Hungh dongh zeix ninh mbuo wuov dauh Ziouv. Ih zanc mienv ei Mienv nyei hungh zoux hiuang orqv nyei sic, zoux waaic sic, longc mienh njaaux jaav leiz, lorz mienh nduov mienh zoux doix-dekc Tin-Hungh. Mienv oix nduov mienh ziangh doix-dekc Tin-Hungh zeix mbuo daaih nyei mouz deic, ziangh doix-dekc Ging-sou zoux bun sienx Tin-Hungh nyei mienh nyei zingh ginx waaic. Se gorngv mbuo zoux nzaav nyei mienh, mienv zoux bun mbuo nyei nzaav maiv maaih mueiz (Matv<sup>^</sup>tai 5:13).
3. Maiv zeiz nyungc-nyungc sic mbuo buangh nyei se mienv zoux hoic mbuo. Maiv zeiz nyungc-nyungc kuonx hnyouv nyei sic se mienv hoic. Maiv zeiz nyungc-nyungc zuiz-mienh zoux nyei se mienv seix. Maaih deix zeiz mienv nyei, mv baac maaih deix se pou-tong yiem naaiv seix zangc nyei sic, caux ganh ginv zoux hoic ganh nyei sic. Maiv zeiz nyungc-nyungc baengc se mienv hoic mbuo. Nyungc zeiv, ziangh ga'naaiv nyei baengc se maaih ziex nyungc jauv. Maaih deix weic nziaamv fei, maaih deix weic nyanc fai buov nyei ga'naaiv, maaih deix weic maiv sorngx qaqv, maaih deix weic mba'hnoi, maaih deix weic yiem nyei dorngx...
4. Jangx jienv Tin-Hungh liuc leiz ziangx deic nyuoqc bun Mienv nyei hungh caux fin-mienh zoux zuiz fai mienv yiem. (Matv<sup>^</sup>tai 8:29 "*Naaiv deix i dauh mienh liemh zaih heuc mbui nyei, 'Tin-Hungh nyei Dorn aah! Meih daaih yie mbuo naaiv zoux haaix nyungc? Ziangh hoc maiv gaengh taux meih daaih zeix yie mbuo fai?'*"; Matv<sup>^</sup>taai 25:41) Baamh mienh ginv mingh deic nyuoqc se weic ginv maiv sienx Yesu Giduc zoux Njoux Ziouv.

### Da'Faam Ginc: Naaic Taux Waaic, Zuiz, Orqv Nyei Sic

Maiv sienx Tin-Hungh nyei mienh zaih dangh nziouv zanc naaic gaax weic haaix nyungc ninh mbuo oix zuqc sienx Tin-Hungh? Tin-Hungh za'gengh longx nyei Ziouv fai? Yie mbuo mangc buate nyungc-nyungc se orqv haic, waaic haic, zuiz camv jienv faaux. Se gorngv Tin-Hungh longx haic nyei Ziouv zoux haaix nyungc maaih waaic nyei sic? Mienh maaih baengc dongh zorc maiv longx fai niv? Gauh aqc jiex dau nor - sienx nyei mienh zoux haaix nyungc zoux jienv zuiz mingh?

Janx nyei waac heuc *evil*, fai, waaic nyei/orqv nyei sic, waaic nyei mienh, waaic nyei sou, waaic nyei jauv, waaic nyei baengc. Naaiv deix zoux haaix nyungc heuc "waaic" nyei sic? Se gorngv Tin-Hungh zeix nyungc-nyungc daaih, zoux haaix nyungc maaih waaic nyei sic? Maaih mienh

zungv corc guaix Tin-Hungh gorngv m'nziex ninh zeix waaic nyei sic. Zien nyei, **Tin-Hungh zeix nyungc-nyungc daaih longx nyei**, mv baac yiem Aa^ndaam caux Haa^waa maiv muangz Tin-Hungh, weic ninh mbuo ginv nyei, zuiz bieqc baamh gen, orqv nyei sic camv jienv faaux.

**Waaic, orqv, zuiz nyei sic yiem haaix daaih?** Maiv sienx nyei mienh naaic weic haaix nyungc dunh yunh nyei Tin-Hungh zeix maiv dunh yunh nyei mienh? Dau nyei waac se **Tin-Hungh dunh yunh**. Tin-Hungh zeix baamh mienh haih ginv, mv baac maaih camv nyei ginv dorngc. Waaic, orqv, fai zuiz se yiem baamh mienh weic ninh mbuo haih ginv.

Baamh mienh caux fin-mienh maaih yietc nyungc maiv fih hngangv se "ginv". Mbuo haih ginv dongh mbuo zoux nyei. Tin-Hungh zeix mbuo yiem Ninh nyei fangx zeiv, bun mbuo haih "ginv" hnamv ninh, maiv zeix apv. Hngangv mbuo nyei fu'jueiv nor, ninh mbuo haih ginv waaic fih hngangv nyei. Zien-zien benx bungx nqoi nyei mienh haih ginv longx fai waaic. Tin-Hungh hiuv duqv naaic nyei mv baac ninh zeix mbuo maaih janx nyei waac heuc "free will" haih ginv.

**Tin-Hungh zeix mbuo daaih haih ginv. Mbuo ganh ginv zoux zuiz, zoux waaic, zoux orqv sic...maiv haih pienx bun Tin-Hungh ndaam-dorng. Mouz laanh mienh haih ginv ei Ziouv fai maiv ei Ziouv.**

**Zoux haaix nyungc maiv haih dangv jienv waaic, orqv nyei sic, fai zuiz nyei jauv?** Maiv sienx nyei mienh gorngv: se gorngv Tin-Hungh longx nor ninh horpc zuqc mietc waaic nyei sic. Se gorngv Tin-Hungh maaih qaqv nor horpc zuqc mietc waaic nyei sic. Mv baac weic waaic nyei sic corc yiem naaiv, ninh mbuo laaic maiv maaih Tin-Hungh.

**Zoux haaix nyungc Tin-Hungh maiv mietc waaic nyei sic?** Se gorngv ninh haih nor mbuo zoux haaix nyungc corc maaih orqv nyei sic? Weic haaix nyungc waaic nyei sic camv jienv faaux? *Da'yietv*, maiv haih mietc orqv nyei sic weic mietc orqv nyei sic liemh bungx nqoi nyei sic zuqc mietc. Bungx nqoi nyei mienh ginv zoux waaic, bungx nqoi nyei mienh yaac maaih ginv zoux longx. Se gorngv mietc waaic yaac maaih mietc zuqc longx nyei. Hngangv Yesu gorngv taux baeng jaav mbiauh liemh longx nyei baeng zuqc. Mbuo haih hingh jiex orqv nyei sic nyei. *Da'nyeic*, weic zuqc Tin-Hungh maiv gaengh mietc, maiv zeiz Ninh yietc liuz maiv mietc.

**Mienh buangh zuqc waaic nyei sic, orqv nyei sic naaic gaax zoux haaix nyungc?** Zoux haaix nyungc fu'jueiv daic, zoux haaix nyungc yie buangh naaiv buangh wuov? Mbuo maiv haih dau nyungc-nyungc dongh mienh naaic nyei. Mv baac mienh dongh buangh naaiv nyungc sic nyei maiv sienx Tin-Hungh weic ninh mbuo maiv haih bieqc hnyouv weic haaix nyungc longx nyei Tin-Hungh haih bun ninh mbuo buangh naaiv deix orqv nyei sic.

**Kouv naanc maaih longx nyei sic cuotv nyei fai? Nyungc-nyungc maaih longx nyei sic cuotv nyei fai?** Mbuo hiuv nyei mouz deic caux Tin-Hungh nyei mouz deic maiv fih hngangv. Weic mbuo maiv haih mangc duqv buatc se maiv zeiz gorngv maiv maaih longx nyei sic. (Lomaa 8:28 "*Mbuo hiuv duqv Tin-Hungh bun hnamv ninh, dongh ei ninh nyei za'eix heuc daaih wuov deix, yiem maanc sic duqv longx.*") Sienx Tin-Hungh mienh hiuv duqv nyei mv baac maiv sienx nyei mienh aqc duqv buatc. Waaic nyei sic maaih ninh nyei mouz deic nyei. Tin-Hungh haih longc naaic deix sic donv taux domh waaic nyei sic. Mbuo maaih fu'jueiv nyei mienh nzauh jienv fu'jueiv muoqv douz fai caeng jorm nyei, mbuo simv jienv gorngv jienv mv baac se gorngv ninh mbuo maiv muangz, huo zuqc nzunc liuz nor, ninh mbuo ganh hiuv duqv simv aqv.

Waaic nyei sic yiem baamh gen donv mbuo maiv zoux hoic ganh. Cuotv liuz meih nzornng waaic nyei sic meih maiv a'hneiv longx nyei sic. Cong-mengh Sou gorngv hnamv Tin-Hungh oix zuqc nzornng zuiz.

Baamh mienh ganh ginv zoux waaic, zoux zuiz (Yo^han 3:18 "*Haaix dauh sienx kaux Tin-Hungh nyei Dorn, wuov dauh maiv zuqc dingc zuiz. Haaix dauh maiv sienx kaux Tin-Hungh nyei Dorn nor, Tin-Hungh zungv dingc jienv wuov dauh nyei zuiz, laaix ninh maiv sienx kaux Tin-Hungh nyei ndoqc Dorn*"; Yo^han 3:36 "*Haaix dauh sienx kaux Tin-Hungh nyei Dorn, wuov dauh maaih yietc liuz nyei maengc. Mv baac haaix dauh maiv muangx Tin-Hungh nyei Dorn nyei waac nor, maiv haih duqv yietc liuz nyei maengc yaac zuqc Tin-Hungh dingc jienv ninh nyei zuiz.*) [Yo^han 5:39-40; 8:24; 12:48; 10:16]

**Tin-Hungh zoux haaix nyungc maiv zeiz lungh ndiev daaih bun maiv maaih zuiz, waaic nyei sic, fai orqv nyei?** Guaix Tin-Hungh, weic ninh hiuv nyungc-nyungc zoux haaix nyungc zeix baamh mienh daaih bun ninh mbuo haih ginv zoux zuiz?

**Mangc muonc taux zuiz nyei eix-leiz, zuiz nyei gorn, zuiz nyei jaax-zinh, caux zorc zuiz nyei ndie.**

Janx Meiv guoqv waac heuc "*hamartiology*", the doctrine of sin. Janx Gikc waac heuc "*hamartia*" caux "*logos*". Mienh nyei waac heuc/gorngv "zuiz". Ih jaax nyei baamh mienh camv nyei maiv oix gorngv taux zuiz, maiv oix gorngv taux zuiz-mienh. Zuiz se jienv weic zuqc "zuiz" zuqc taux nyungc-nyungc hoqc nyei hoc-dauh yiem mbuo hoqc taux Sienx Yesu mienh nyei gorn-ndoqv. Mbuo hhangv haaix nor bieqc hnyouv taux Tin-Hungh tengx mbuo bieqc hnyouv taux zuiz.

Ging-sou mengh nyei gorngv taux zuiz. Zuiz se doix-dekc Tin-Hungh nyei leiz, doix-dekc Tin-Hungh. Zuiz se maiv bun Tin-Hungh zoux mbuo nyei Ziouv, mv baac dorh ganh nyungc daaih zoux ziouv. Zuiz zoux bun mbuo caux Tin-Hungh maiv maaih jiu-tong, zoux bun mbuo caux mienh maiv maaih jiu-tong, zuiz yaac hoic ganh nyei maengc. Kungx Yesu Giduc hhangv haih njoux mbuo leih ndutv zuiz nyei fiem-fingx caux zuiz nyei qaqv.

#### **A. Zuiz nyei Eix-leiz**

1. **Ging-sou longc jiex joux waac gorngv taux zuiz.** Waac gornv taux zuiz nyei gorn, zuiz nyei fiem-fingx, zuiz nyei jaax-zinh. Ging-sou mengh nyei gorngv zuiz se doix-dekc Tin-Hungh (mbuo oix zuqc sienx gorngv maaih Tin-Hungh). Zuiz se dorngc Tin-Hungh liepc daaih nyei leiz, zuiz se zoux orqv nyei sic. Janx Gikc waac gorn se "*buonv piatv mbaeqc*". Maiv zeiz ca'bouc buonv piatv mv baac liemh maiv ziux mbaeqc buonv, fai buonv dorngc mbaeqc. Wuov nyungc, zuiz se piatv Tin-Hungh liepc daaih nyei cih cunx ndorqc/standard. Zuiz se maiv ei Tin-Hungh nyei waac (1 Yo^han 3:4).
2. **Mienh weic haaix nyungc baamh zuiz? Tin Deic douh 3 (mangc daauh doix mienh)**
  - a. Sin hanc (mangc buatc biouv nzueic nyei), maiv muangx Tin-Hungh nyei waac [*"Mv baac bun mienh hiuv duqv longx hiuv duqv ciouv wuov zungh cin-maanc maiv dungx nyanc. Se gorngv meih nyanc nor, dongh wuov hnoi za'gengh oix zuqc daic aqv."* Tin deic douc 2:17]
  - b. M'zing hanc (mangc buatc nzueic nyei, "daaix nyanc kuv nyei")

- c. Ceng hlo longc mengh daauh, yaac hnamv oix guaai: Mienv longc baamh mienh hanc nyei jauv nduov. Mienv nyei hunggh gorngv nyei se Tin-Hunggh maiv bun longx nyei mbuo, nduov mienh cai Tin-Hunggh. M'sieqv dorn (Haa^waa) yaac lengc nyei yiem. Mienv gauh hunggh heic nduov se gorngv mbuo yiem lengc nyei ziangh hoc (Tin deic douh 3:1,3).

### 3. Mienh hhangv haaix nor baamh zuiz?

- a. "Tin-Hunggh mangc ninh zeix daaih nyei nyungc-nyungc ga'naaiv, buatc za'gengh longx haic..." (Tin Deic douh 1:31) E^nden Huingx maaih zunggh ndiangx... (Tin Deic douh 2:9).
- b. Mienv nyei hunggh, Sadaan, longc naang nduov m'sieqv dorn cai Ziouv nyei waac (Tin Deic douh 3:1-5). M'sieqv dorn zoux zuiz weic Mienv nyei hunggh nduov; mv baac m'jangc dorn baac-baac zoux zuiz (1 Ti^mo^tai 2:14 "*Zuqc nduov nyei se maiv zeiz Aa^ndam. Zuqc nduov nyei se m'sieqv dorn, ninh ziouc baamz zuiz aqv.*")

### 4. Maaih mba'ziex nyungx zuiz? Biei nyungc:

- a. Presumption/doix-dekc fai baac-baac zoux nyei zuiz: Yiem hnyouv hnamv jienv zoux doix-dekc Tin-Hunggh nyei lingc (*Nyungc zeiv: daix mienh, hienx auv hienx nqox; nziaauc sieqv nziaauc dorn*).
- b. Ignorance/Maiv hiuv duqv ganh zoux nyei dorngc Tin-Hunggh nyei lingc (*Nyungc zeiv: la'kuqv maiv jauv zaeqv*).
- c. Commission/Hiuv duqv oix zuqc zoux mv baac maiv zoux ei (*Nyungc zeiv: niouv cie 80 yiem 70 mph nyei jauv*).
- d. Omission/Baac-baac maiv zoux oix zuqc zoux nyei (*Nyungc zeiv: horpc zuqc fongc horqc mv baac maiv bun Tin-Hunggh*).

## B. Zuiz nyei Gorn

1. Jiex gorn da'yietv oix zuqc bieqc hnyouv gorngv zuiz nyei gorn se maiv zeiz yiem Tin-Hunggh daaih. (Yaagorpc 1:13 "*Haaix dauh buangh zuqc nduov ninh baamz zuiz nyei sic maiv dungx gorngv, 'Tin-Hunggh nduov yie baamz zuiz', weic zuqc hiuang orqv nyei sic maiv haih nduov maiv zuqc Tin-Hunggh. Tin-Hunggh yaac maiv nduov haaix dauh baamz zuiz.*")
2. Zuiz nyei gorn se yiem baamh mienh daaih (Yaagorpc 1:14-15 "*Mv baac mienh zuqc nduov se laaix ganh nyei hnyouv hanc ziouc yuoqc ganh mingh baamz zuiz.*"<sup>15</sup> *Hnyouv hanc haaix nyungc se beiv maaih jienv sin nor. Yungz cuotv daaih benx zuiz mi'aqv. Zuiz hlo dingc, ziouc bun wuov dauh mienh zuqc daic mi'aqv.*"<sup>16</sup> *Yie hnamv haic nyei gorx-youz aac, maiv dungx zuqc nduov*"). Zuiz bieqc baamh gen weic Aa^ndaam (Tin deic douh 3:6 "*Wuov dauh m'sieqv dorn mangc buatc wuov zunggh biouv nzueic nyei, daaix nyanc kuv nyei. Ninh yaac hnamv daaih se gorngv haih bun mienh guai nor, za'gengh longx haic. Ninh ziouc gaeqv daaih nyanc aqv. Aengx bun deix ninh nyei nqox nyanc*"; Lomaa 5:12 "*Laaix nduqc laanh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz*"). Weic naaiv, mouz laanh mienh benx zuiz-mienh, "*weic zuqc mouz laanh mienh zungv baamz zuiz, leih duqv Tin-Hunggh nyei njang-laangc go*" (Lomaa 3:23).
3. Lunggh ndiev kouv jiex nyei hnoi se dongh baamh mienh zoux zuiz da'yietv nzunc, weic zuqc yiem naaic norm ziangh hoc mouz laanh mienh benx zuiz-mienh. Ndangc daauh doix mienh zoux zuiz, Tin-Hunggh mangc ninh zeix daaih nyei nyungc-nyungc ga'naaiv,

buatc za'gengh longx haic (Tin deic douh 1:31). Zuov taux Mienv nyei hungh nduov baamh mienh doix-dekc yaac cai Tin-Hungh nyei waac; liuz, zuiz bieqc baamh gen yiem naaic norm ziangh hoc.

4. Mienh zoux zuiz weic zuqc hnyouv hanc dongh Mienv nyei hungh dorh daaih seix hnyouv nyei.
  - a. Zuiz jiex gorn yiem hanc: Tin-Hungh bun mbuo maaih hnyouv oix (desire/oix nyei) weic bun mbuo maaih orn-lorqc, mv baac zuiz cangv mbuo nyei orn-lorqc. Mangc Tin deic douh 3:6.
  - b. Hanc yaac hnamv taux oix maaih ga'naaiv: Tin-Hungh zeix mbuo daaih gunv nyungc-nyungc (Tin-deic douh 1:28). Mbuo oix zuqc goux longx nyungc-nyungc mbuo maaih nyei, mv baac mauv oix duqv zoux zaqc fai zoux maiv zingx se zuiz (2 Yo^han 2:16).
  - c. Mbenc jienv zoux: Wuov dauh m'sieqv dorn mangc buatc wuov zungh biouv nzueic nyei, daaix nyanc kuv nyei. Ninh yaac hnamv daaih se gorngv haih bun mienh gaaai nor, za'gengh longx haic. Ninh ziouc gaeqv daaih nyanc aqv (Tin deic douh 3:6).
  - d. Dingc hnyouv zoux dongh mbenx jienv nyei. *Longc hnyouv, longc buoz zoux dongh hanc zoux nyei.* Zoux ei hanc oix zoux; liuz, ziouc haiz hnyouv longx nzengc, maiv gunv gorngv dorngc.

### C. Zuiz nyei Jaax-zinh

1. Ging-sou gorngv zuiz nyei jaax-zinh se daic (Lomaa 6:23). Zuiz zoux bun baamh mienh caux Tin-Hungh maiv maaih jiu-tong. Ndangc Aa^ndaam zoux zuiz, ninh caux Tin-Hungh jiu-tong. Yiem ninh zoux liuz zuiz, ninh mingh bingx, pienx ninh zoux nyei zuiz, benx Tin-Hungh nyei win-wangv (Tin deic douh 3).
2. Weic Aa^ndaam zoux zuiz, zuiz nyei jaax-zinh maiv dan zuqc daic, mv baac ndortv cing-nzengc nyei maengc dongh Tin-Hungh zeix ninh mbuo duqv nyei. Zuiz zoux bun ninh mbuo zuqc bingx zuqc nyaev. Zuiz bun ninh mbuo maaih zuiz nyei fiem-fingx. Zuiz yientc Tin-Hungh bun ninh mbuo maaih Tin-Hungh nyei fangx zeiv. Zuiz bun ninh mbuo zuqc daic, sin caux lingh wuonh zuqc leih Tin-Hungh (daic se "leih").
3. Zuiz yaac hoic taux zoux zuiz nyei mienh. Hnyouv hinc cuotv yiem zoux nyei sic (Tin-deic douh 6:5 Ziouv buatc yiem lungn ndiev mienh zoux waaic sic camv. Hnyouv haaix zanc kungx hnamv cuotv waaic nyei jauv hhangv). Zuiz bun mienh zoux zuiz nyei nouh, zoux zuiz-mienh nduov ganh, yaac hoic mienh fih hhangv. Maiv maaih haaix nyungc zuiz kungx hoic ganh hhangv. Nyungc-nyungc zuiz hoic mienh caux jienv.
4. Daauh doix mienh zoux nyei zuiz benx "liemh zeih zuqc dinc nyei zuiz".
  - a. Naang: weic Mienv bieqc naang mingh nduov m'sieqv dorn. Tin-Hungh gorngv, "Laaix meih hhangv naaiv nor zoux, meih oix zuqc longc ga'sie luih jienv gan ndau mingh, yietc seix oix zuqc nyanc nie-mbung" (Tin Deic Douh 3:14).
  - b. M'sieqv dorn: "*Maaih sin nyei ziangh hoc yie oix jaa tipv bun meih kouv, ndutv sin nyei ziangh hoc meih oix zuqc mu*" (Tin Deic Douh 3:16).
  - c. Aa^ndam: "*Laaix meih muangx meih nyei auv nyei waac, nyanc dongh yie hatc meih maiv dungx nyanc wuov zungh biouv...yietc seix oix zuqc bangc ndau zoux gong kouv cingx duqv nyanc...cuotv zix sin hanc...zoux taux meih aengx nzuonx benx nie...*" (Tin Deic Douh 3:17,19).
  - d. Lungn ndiev: "*ndau oix cuotv miev cuotv njimv*" (Tin deic douh 3:18) cf (Lomaa 8:21-22).

- e. Saadaan, Mienv nyei hungh: “*Daav win caux m’sieqv dorn, ninh nyei zeiv-fun oix mborqv meih nyei m’ngorngv huv, meih oix nyorqv ninh nyei zaux nqo.*” (Tin deic douh 3:15). Cuotv doix nzengc yiem ziepc nzangc jaax.
- f. Baamh mienh hiuv duqv ciouv, ndoqc, nyaev, zuqc zunc cuotv longx nyei dorngx, zuqc leih Tin-Hungh, zuqc daic.

#### D. Zorc zuiz nyei ndie

1. Mbuo hnangv haaix nor bieqc hnyouv taux zuiz mbuo ziouc hiuv duqv hnangv haaix nor qiemx zuqc zorc zuiz. Hnangv baengc nor! Weic zuqc baamh mienh maaih zuiz nyei fiem-fingx/sinful by nature, zorc zuiz se oix zuqc zorc baamh mienh nyei zuiz nyei fiem-fingx/human nature. Nduqc nyungc dongh haih zorc zuiz se oix zuqc siang zoix yungz jiex cingx haih duqv caux Tin-Hungh horpc hnyouv, haih maaih baengh orn.
2. Baamh mienh zoux liuz zuiz, mv baac Tin-Hungh Zangc Diex laengz jienv oix bun Tin-Hungh Singx Dorn Yesu Giduc daaih zuoqc baamh mienh. “*Yie oix bun meih caux naaiv dauh m’sieqv dorn daav win, yaac bun meih nyei zeiv-fun caux ninh nyei zeiv-fun zoux win-wangv. Ninh nyei zeiv-fun oix mborqv meih nyei m’ngorngv huv, meih yaac oix nyorqv ninh nyei zaux-nqo.*” Weic Yesu doz benx dauh baamh mienh, ninh cing-nzengc maengc daaih div mbuo zuiz-mienh, sienx kaux Yesu fai zipv Yesu nyei cing-nzengc maengc nyei mienh duqv ziangh maengc (Yo^han 10:10).
3. Baamh mienh zuqc goiv hnyouv guangc zuiz:
  - a. Baamh mienh oix zuqc nyiemc zuiz (Yopv 33:27; Cong-meng 28:13)
  - b. Hnyouv mun taux zuiz (Singx Nzung 38:18; Ye^le^mi 3:21)
  - c. Nzorng zuiz (Singx Nzung 97:10; Cong-mengh 8:13; Aa^motv 5:15)
  - d. Youz zuiz (Lomaa 12:9); Guangc nqoi zuiz (Yopv 11:14)
  - e. Leih nqoi zuiz (Singx Nzung 34:14; 2Ti^mo^tai 2:19)
  - f. Simv nqoi zuiz (1 Te^saa^lo^ni^gaa 5:22 "Nyungc-nyungc orqv nyei oix zuqc simv nqoi"; "Ging jienv hnyouv taux zuiz nyei javv" (Singx Nzung 4:4;39:1)
  - g. Oix zuqc doix-dekc zuiz (Hipv^lu 12:4)
  - h. "Mietc nzengc sin zaangc zoux nyei zuiz" (Lomaa 8:13; Ko^lo^si 3:5)
  - i. Zuqc mietc baamz zuiz nyei hnyouv (Lomaa 6:6)
4. Baamh mienh duqv Tin-Hungh guangc zuiz: Zuiz za’gengh dorngc Tin-Hungh. Mbuo oix zuqc nyiemc mbuo nyei zuiz bun Tin-Hungh, oix zuqc tov ninh guangc mbuo nyei zuiz. Weic Yesu Giduc, Tin-Hungh Singx Dorn zoux nyei gong mbuo duqv Zangc Diex Tin-Hungh guangc mbuo nyei zuiz - se gorngv mbuo longc nzuih nyiemc longc hnyouv sienx Yesu Giduc (Lomaa 10:9, 13). Mbuo tov Tin-Hungh guangc mbuo nyei zuiz, duqv Tin-Hungh fioux mbuo benx cing nzengc nyei mienh weic mbuo sienx Yesu Giduc zoux nyei gong yiem ziepc nzangc jaax.

#### Gorngv Nzutc Norz Waac Taux Zuiz nyei eix-leiz, zuiz nyei gorn, zuiz nyei jaax-zinh, zorc zuiz nyei ndie:

1. Mbuo piatv maiv hiuv, maiv hnamv, maiv ei Tin-Hungh weic mbuo maiv sienx Ninh. Haaix laanh mienh zien zien sienx Tin-Hungh gorngv nyei waac, yaac zieqv duqv Tin-Hungh se dongh haaix dauh ziouc ei yaac muangx Tin-Hungh nyei waac, *maiv ei Ziouv nyei waac se zuiz.*
2. Weic daauh doix mienh (Aa^ndaam caux Haa^waa) ginv maiv muangx Tin-Hungh nyei waac zoux zuix, zuiz ngaeqv mbuo caux Tin-Hungh nyei jiu tong, ngaeqv mbuo caux

mienh nyei jiu tong, yaac hoic ganh nyei maengc. Zuiz nyei jaax-zinh se hnavg zuangx nyei ga'naaiv, mbuo siou dongh mbuo zuangx nyei. Mbuo zoux nyei zuiz mbuo ganh ndaam-dorng, mv baac mbuo zoux nyei zuiz hoic zix doic mienh, weic yietc doic buatc zuotc jienv zoux (hnavg hopv diuv buov in mbiatc nyei domh mienh fu'jueiv gauh hunggh heic zuotc jienv zoux...zien nyei, maaih fu'jueiv maiv buov maiv gunv domh mienh buov, maaih fu'jueiv buov maiv gunv domh mienh maiv buov...mv baac domh mienh zoux nyei se hoic zuqc fu'jueiv...se gorngv meih maaih diuv yiem biauv se gauh hunggh heic bun fu'jueiv zorqv daaih hopv...ganh zoux nyei zuiz maiv haih mbuox fu'jueiv maiv dungx zoux). Domh mienh maiv haih gorngv, "Muangx yie gorngv, maiv dungx zuotc yie zoux, oix zuqc muangx yie nyei waac zoux longx."

3. Yiem Loz caux Siang Ngaengc waac menggh nyei gorngv taux mouz laanh mienh se benx zuiz-mienh (Lomaa 3:23), weic yietc dauh mienh zoux zuiz yietc zungv benx zuiz-mienh. Weic Yesu zoux horpc, baamh mienh, weic sienx kaux Yesu Giduc ziouc duqv caux Zangc Diex Tin-Hunggh horpc hnyouv.
4. Zuiz nyei jaax-zinh za'gengh hniev. Weic daauh doix mienh zoux zuiz, zuiz nyei fiem-fingx, zuiz nyei qaqv njiec taux mbuo laanh laanh. Weic Yesu Giduc zoux horpc, ninh bun mbuo nyei cing-nzengc maengc se bun mbuo duqv yietc liuz nyei maengc. (Lomaa 5:12 *"Laaix nduqc laanh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz."*<sup>16</sup>*Laaix yietc laanh mienh baamz zuiz, mienh camv nyei zuqc daic. Mv baac Tin-Hunggh nyei en caux ninh baeqc baeqc bun nyei zingh nyeic gauh hlo jiex, dongh ninh longc yietc laanh mienh, Yesu Giduc, nyei en, bun mienh camv duqv nyei zingh nyeic."*) Mbuo laanh laanh mienh haih ginv...se gorngv mbuo nyiemc zuiz, guangc mbuo zoux nyei waaic sic, Tin-Hunggh fioux mbuo benx cing-nzengc mienh...

### **Da'feix Ginc: Yesu se dongh haaix dauh?**

#### **Gorngv Jiex Gorn Nyei Waac:**

Sieng Yesu mienh nyei gorn-ndoqv, fai sienx Yesu mienh se nyungc-nyungc bangc taux Yesu gorngv nyei caux zoux nyei sic benx gorn-ndoqv. Se gorngv mienh maiv sienx gorngv maaih Yesu Giduc, Doz benx dauh baamh mienh niv? Se gorngv mienh maiv sienx gorngv Yesu se Tin-Hunggh, Singx Dorn niv? Se gorngv Yesu maiv zeiz Ziouv, yaac maiv lengc, maiv haih dau taux mienh naaic nyei taux Yesu Giduc aqc duqv bun mienh sienx. Sieng Yesu Giduc mienh oix zuqc sienx yaac hiuv dingc Yesu se doz benx dauh baamh mienh. Yiem Siang Ngaengc Waac nyei zorngh zengx za'gengh zien yaac mbuo haih bungx duqv hnyouv. Ging-sou se menggh nyei bun cing Yesu ganh gorngv ninh se Tin-Hunggh, Singx Dorn, ninh zoux nyei sic biux menggh ninh ganh gorngv nyei weic ninh zoux nyei yietc zungv mbuoqc horngh nyei jangx hoc. Weic mbuo sienx dingc gorngv Ging-sou se zien, yaac maaih zorngh zengx menggh nyei gorngv Yesu Giduc se Tin-Hunggh. Jangx jienv *Tin-Hunggh* wuov joux waac nyei eix-leiz se (Singx Diex, Singx Dorn/Yesu Giduc, caux Singx Lingh). Ndangc mbuo mangc zorngh zengx gorngv Yesu se Giduc mbuo oix mangc maiv sienx nyei mienh naaic, fai cai, nyei waac.



### **Maiv sienx nyei mienh naaic caux cai:**

Maaih maiv sienx nyei mienh gorngv, "Maaih zorngh zengx yiem Ging-sou fai?" fai "Zinh ndangc lauh haic aqv, ziouc maiv haih bungx duqv hnyouv". Maaih mienh gorngv fiev naaiv deix zorngh zengx nyei mienh fiev weic yiem ninh mbuo buatc nyei, mienh buatc sic maiv fih hngangv. Maaih maiv sienx nyei mienh gorngv Ging-sou sou se *sienx Yesu mienh nyei sou*, maiv zeiz fiev taux cuotv daaih nyei sic.

### **Dau Nyei waac:**

Kuv fiengx nyei sou, se m'zing duqv buatc nyei mienh fiev daaih. Fiev liuz maaih mienh corc ziangh jienv nyei ziangh hoc, se gorngv maiv zien nor, ndongc haiz yaac zuqc mienh doix-dekc; mv baac wuov gitv lungv ndiev nyei ziangh hoc doqc nyei mienh maiv maaih mienh cai. Ging-sou maiv dan yietc laanh mienh ganh fiev, zix laanh mienh fiev, fiev nyei doix-diuc taux zien leiz. Siang-Ngaengc Waac yaac doix diuc Loz Ngaengc Waac. Maiv dan naaic hngangv zinh ndangc fiev Hipv^lu fingx nyei mienh fiev nyei maiv doix-dekc taux cuotv daaih nyei sic. Ging-sou fiev nyei maiv daan gorngv taux Yesu nyei maengc, Ninh zoux nyei mbuoqc horngh jangx hoc hngangv, yaac fiev taux wuov gitv lungv ndiev nyei deic bung caux cuotv nyei sic caux dorngx. Ih zanc mienh zaah za'gengh buatc doix Ging-sou nyei, maiv maaih doix-dekc.

Weic naaiv Ging-sou se benx zien nyei yaac haih bungx hnyouv duqv, weic zuqc Ging-sou gorngv taux Yesu Giduc nyei maengc.

### **Singx Dorn fai Yesu Giduc:**

Janx nyei waac heuc "Christology" fai "doctrine of Christ". Yesu Giduc caux Zangc Diex fih hngangv yiem ninh mbuo nyei fiem-fingx, mv baac Zangc Diex paaiv Yesu (Singx Dorn) daaih daic weic baamh mienh nyei zuiz, weic zuoqc mbuo nzuonx. Singx Dorn Yesu ei jienv Zangc Diex paaiv ninh nyei gong zoux. Ninh caux Zangc Diex maaih njang-laangc caux qaqv fih hngangv (Tin-Hungh se Diex, Dorn, Singx Lingh). Weic naaiv, sienx Yesu nyei mienh oix zuqc hiuv dongh ninh mbuo sienx nyei. Mbuo oix juangc jienv hoqc taux buo nyungc weic bun mbuo gauh haih mengh baeqc taux Yesu se dongh haaix dauh: 1) Yesu Giduc se Tin-Hungh (Singx Dorn), 2) Yesu Giduc nyei mbuox, 3) Yesu Giduc zoux nyei gong.

### **A. Yesu Giduc se Tin-Hungh**

1. Zorngh zengc bun mbuo hiuv duqv Yesu se Tin-Hungh (Singx Dorn). Yesu Giduc ganh gorngv ninh se Ziouv Tin-Hungh (Matv^tai 5:31-34-Yesu maaih hatc maaz gunv leiz) Yesu haih njoux mienh (Yo^han 10:28-30 "*Yie bun ninh mbuo maaih yietc liuz nyei maengc... Yie caux yie nyei Die benx yietc dauh hngangv...*"). Ninh gorngv ninh caux Zangc Diex fih ndongc (Yo^han 5:23 "*Haaix dauh maiv taaih ninh nyei Dorn, wuov dauh maiv taaih Zangc Diex...*"). Ninh gorngv ninh caux Zangc Diex jiu-tong (Mattv^tai 11:27 "*Aa Die zorqc nyungc-nyungc jiu bun yie, Cuotv liuz Die, maiv maaih haaix dauh hiuv duqv Dorn. Cuotv liuz Dorn, caux Dorn bun hiuv wuov deix, maiv maaih haaix dauh hiuv duqv Die.*"). Ninh gorngv kungx ninh ganh hngangv haih bun baamh mienh buangv hnyouv buangv eix (Yo^han 6:35,38 "*Yie ganh se yungz maengc nyei nyanc hopv. Haaix dauh daaih lorz yie, wuov dauh yietc liuz maiv ngorc. Haaix dauh sienx yie, wuov dauh yietc liuz maiv nqaatv.*")...Yesu zoux ei paaiv ninh daaih wuov dauh nyei eix hngangv.)

Ninh bun mienh duqv yietc liuz nyei maengc (Yo<sup>^</sup>han 10:27-29 “*Yie nyei ba’gi yungh muangx yie nyei qiex...*”)

2. Siang-Ngaengc Waac gorngv Yesu Giduc se Ziouv Tin-Hungh.
  - a) Yo<sup>^</sup>han 1:1 “*Maiv gaengh zeix lungh zeix ndau wuov zanc, DOZ zungh yiem nyei. Doz Yaac dongh Tin-Hungh.*”
  - b) Yo<sup>^</sup>han 20:28:-31 Mienh heuc Yesu “*Yie nyei Ziouv, Yie nyei Tin-Hungh aah!*”
  - c) Yo<sup>^</sup>han 2:24-25 “*Yesu hiuv duqv mienh nyei hnyouv...*”
  - d) Hipv<sup>^</sup>lu 13:8 “*Yesu Giduc maiv goiv yienc. A’hnoi, ih hnoi, yietc liuz fih hhangv nyei.*”
  - e) Laauc Yaangh 1:8 “*Nernh jiex nyei Ziouv Tin-Hungh gorngv, 'Yie zoux Aanfaa caux O<sup>^</sup>me<sup>^</sup>gaa, dongh zinh ndaangc yiem, ih zanc yiem, nqa’haav oix daaih wuov dauh*”
3. Mienh buoqc zangc Yesu Giduc biux mengh ninh se Tin-Hungh. Yesu Giduc zipv mienh baaix caux zangc:
  - a) Matv<sup>^</sup>tai 14:33 “*Yiem nzangv wuov deix ziouc baaix Yesu. Ninh mbuo gorngv Ziouv aah, Meih za’gengh Tin-Hungh nyei Dorn aqv.*” Yesu heuc nziaaux dingh.
  - b) Matv<sup>^</sup>tai 28:9 “*Wuov deix m’sieqv dorn ziouc mingh nanv jienv Yesu nyei zaux yaac baaix ninh*”.
  - c) Yo<sup>^</sup>han 20:28-29 “*Yie nyei Ziouv, yie nyei Tin-Hungh aah!*”
4. Giduc Yesu maaih Tin-Hungh nyei fiem-fingx:
  - a) Ko<sup>^</sup>lo<sup>^</sup>si. 2:9 “*Weic Zuqc Tin-Hungh nyei fiem fingx yiem Giduc nyei sin nzoih nzengc*”.
  - b) Ninh se zeix maanc muotc wuov dauh Ziouv (Yo<sup>^</sup>han 5:26; Col. 1:16-17 “*Zangc Diex hhangv haaix nor zoux ziangh maengc nyei gorn-nyuonh, ninh yaac jiu bun ninh nyei Dorn hhangv wuov nor zoux ziangh maengc nyei gorn-nyuonh*”).
  - c) Ninh maiv goiv yienc (Hipv<sup>^</sup>lu 1:10-12; 13:8 *Yesu Giduc maiv goiv yienc. A’hnoi, ih hnoi, yietc liuz fih hhangv nyei*)
  - d) Ninh yietc liuz ziangh jienv (Mikaa 5:2; Yo<sup>^</sup>han 1:1 “*Doz caux Tin-Hungh yiem yaac dongh Tin-Hungh*”)
  - e) Ninh yiem norm-norm dorngx (Matv<sup>^</sup>tai 18:20; 28:20; Ko<sup>^</sup>lo<sup>^</sup>si 1:27 “*Giduc yiem mbuo gu’nyuoz*”)
  - f) Ninh se zien leiz (Yo<sup>^</sup>han 7:18 ; 14:6 “*Zien waac, Zien jauv, Zien leiz*”)
  - g) Ninh se longx haic (Gong-zoh 10:38; Yo<sup>^</sup>han 13:1,34; Hipv<sup>^</sup>lu 2:17; 2 Bide 3:9,15)
  - h) Ninh se cing-nzengc (Gong-zoh 3:14 “*Cing-nzengc, baengh fim nyei wuov dauh*”)
  - i) Ninh goux jienv nyungc-nyungc (Matv<sup>^</sup>tai 28:18; 1 Ko<sup>^</sup>lin<sup>^</sup>to 15:27,28 “*maanc muotc yiem ninh nyei zaux ndiev..Tin-Hungh gunv nzengc maanc muotc*”)
  - j) Cuotv liuz hiuv duqv Ninh mbuo maiv haih hiuv Zangc Diex (Matv<sup>^</sup>tai 11:27 “*cuotv liuz Dorn maiv hiuv duqv Die*”)

## B. Yesu Giduc nyei Mbuox

1. Tin-Hungh nyei mbuox, fai Yesu Giduc nyei mbuox, yiem Ging-sou biux mengh taux Yesu Giduc nyei fiem-fingx. Ninh nyei mbuox biux mengh taux Ninh se dongh haaix dauh. Ninh nyei mbuox biux mengh gorngv Ninh se Tin-Hungh (Singx Dorn), ninh se doz benx dauh baamh mienh, benx doz-mienh (buangv nzengc doz buangv nzengc

mienh). Ninh nyei mbuox yaac biux mengh ninh nyei fiem-fingx caux ninh zoux nyei gong.

2. Yesu Giduc maaih Tin-Hungh nyei mbuox caux mengh hoc:
  - a) Tin-Hungh (Yo<sup>^</sup>han 1:1; 18 *“Doz yaac caux Tin-Hungh yiem...maiv maaih haaix dauh buac jiex Tin-Hungh kungx maaih ninh nyei ndoqc Dorn, Dongh yiem Zangc Diex nyei ga’hlen wuov dauh bun mbuo hiuv duqv Tin-Hungh hnangv.”*)
  - b) Tin-Hungh Nyei Dorn (Singx Nzung 2:1; John 10:31-36; 5:17-27 *“Giduc zoux Tin-Hungh”*)
  - c) Yesu zoux Ziouv (Lugaa 2:11; Yo<sup>^</sup>han 13:13 *“ih hnoi, yiem Ndaawitv nyei mungv, meih mbuo nyei Njoux Ziouv cuotv seix daaih aqv, dongh Ziouv Giduc*)
  - d) Njang-laangc Nyei Ziouv (1 Ko<sup>^</sup>lin<sup>^</sup>to 2:8), (Gong-zoh 3:14 *“Cing-Nzengc baengh fim wuov dauh”*; Laauc Yaangh 1:8, 17,18 *“Yie zoux Aanfaa caux O<sup>^</sup>me<sup>^</sup>gaa, dongh zinh ndaangc yiem, ih zanc yiem, nqa’haav oix daaih wuov dauh”*)
3. Yesu Giduc maaih mbuox heuc:
  - a) Tin-Hungh (Yo<sup>^</sup>han 1:1; 18 *fai Doz*)
  - b) Tin-Hungh nyei Dorn [mv baac gauh horpc deix se Ninh se Singx Dorn wuov dauh Tin-Hungh] (Singx Nzung 2:1; Yo<sup>^</sup>han 10:31-36; 5:17-27)
  - c) Ninh maaih mbuox heuc Ziouv (Lugaa 2:11; Yo<sup>^</sup>han 13:13)
  - d) Njang laangc nyei Ziouv (1 Ko<sup>^</sup>lin<sup>^</sup>to 2:8)
  - e) Cing-nzengc Nyei Ziouv (Gong-zoh 3:14)
  - f) Jiex gorn yaac setv mueiz, *“Anfaa caux O<sup>^</sup>me<sup>^</sup>gaa”* (Laauc Yaangh 1:8, 17,18 )
4. Yesu se “ I AM” Ye<sup>^</sup>ho<sup>^</sup>waa:
  - a) Yo<sup>^</sup>han 6:35 *“Yie ganh se yungz maengc nyei nyanc hopv*
  - b) Yo<sup>^</sup>han 8:12 *“Yie se njang ziux baamh gen*
  - c) Yo<sup>^</sup>han 10:9 *Yie se laac gaengh*
  - d) Yo<sup>^</sup>han 10:11 *Yie se goux ba’gi yungh longx nyei ziouv*
  - e) Yo<sup>^</sup>han 11:25 *“Yie se dongh bun mienh nangh daaih maaih maengc ziangh wuov dauh*
  - f) Yo<sup>^</sup>han 14:6 *Yie se dongh mingh Zaangc Diex wuov diuh jauv, yaac dongh zien leiz, yaac dongh ziangh maengc*
  - g) Yo<sup>^</sup>han 15:5 *“Yie se a’ngunc hmei*
  - h) Cuotv<sup>i</sup>ayipv 3:14 *“Zangc Diex Tin-Hungh, Yie nyei mbuox heuc, Yietc Liuz Ziangh Jienv Wuov Dauh”*
5. Tin-Hungh nyei dorn/Singx Dorn (Tin-Hungh Dorn). Ninh yietc liuz maaih jiu-tong caux Zangc Diex (Yo<sup>^</sup>han 3:16); Yesu Giduc, Doz benx dauh baamh mienh (Yo<sup>^</sup>han 1:1-18).

### C. Yesu Giduc zoux nyei gong

1. Yesu Giduc (Tin-Hungh Singx Dorn) zoux nyei gong: Ninh se doz benx dauh bamh mienh benx doz mienh daic yiem ziepc nzangc jaax weic zuiz-mienh. Ninh daic maaih haaix nyungc eix-leiz bun mbuo?
  - a) Giduc daic weic zuoqc mbuo: Isa. 53:6,10; I Ko<sup>^</sup>lin<sup>^</sup>to 15:3; 1 Bide 2:24; Maako 10:45; Yo<sup>^</sup>han 10:1
  - b) Giduc longc jaaix haic nyei nziaamv zuoqc zuiz-mienh: 1 Bide 1:18-19; Laauc Yaangh 13:8; Hipv<sup>^</sup>lu 9:22; I Ko<sup>^</sup>lin<sup>^</sup>to 5:7

- c) Giduc zoux Ziec nyei ga'naaiv weic bun mienh sienx kaux Yesu nyei nziaamv ziouc duqv Tin-Hungh guangc zuiz: Lomaa 3:25; 1Yo^han 2:2; 4:10; Hipv^lu 2:17
- d) Ninh sortv guangc dingc mbuo nyei zuiz wuov deix leiz latc caux leiz latc fiev jienv nyei yietc zungv, zorqv mingh ding jienv ziepc nzaangc jaax mi'aqv: Ko^lo^si 2:14-15; E^fe^so 2:15-16; Matv^taai 5:17; Lomaa 10:4; Gaa^laa^tie 3:19-25; 1 Ti^mo^tai 1:8-1
- e) Ninh bun mbuo caux Tin-Hungh horpc hnyouv:Ko^lo^si 1:22; E^fe^so 2:16; 2 Ko^lin^to 5:19,21
- f) Ninh bun mbuo maiv zuqc dingc zuiz:
- 1 Yo^han 1:10 "mbuo baamz nyei zuiz"
  - Lomaa 5:25 "laaix nduqc dauh mienh baamz zuiz, zuiz bieqc baamh gen. Zuiz zoux bun mienh zuqc daic"
  - 1Yo^han 1:8; Singx Nzung 51:5 "mbuo benx zuiz-mienh"
  - Lomaa 6:6; Gaa^laa^tie 2:20; 2 Ko^lin^to 5:17; Lomaa 8:1 "caux Giduc Yesu juangc maengc ziangh maiv zuqc dingc zuiz"
  - 1 Yo^han 1:9 "fioux mbuo benx cing-nzengc mienh"
- g) Weic zuqc ngongh gouv caux yungh nyei nziaamv maiv haih zorqv maiv cuotv zuiz: Hipv^lu 10:4; Yo^han 1:20; Lomaa 3:25
- h) Weic bun I^saa^laa^en mienh duqv njoux: Matv^taai 26:28; Lomaa 11:26; Tin Deic Douh 12:1-7
- i) Weic Yesu daic mingh ninh haih mietc nzengc maaih lingc bun mienh zuqc daic wuov dauh mienv nyei hungh: Hipv^lu 2:14; Tin Deic Douh 3:15
- j) Giduc longc ninh nyei nziaamv zuoqc mbuo weic yietc liuz yiem Cing-Nzengc Jiex nyei Dorngx: Hipv^lu 9:12; Yo^han 20:17
2. Yesu Giduc, Doz benx dauh baamh mienh, Doz-mienh, daic yiem ziepc nzaangc jaax, da'faam hnoi nangh daaih, ih zanc zueiz jienv Zangc Diex nyei mbiauc maengx.
3. Maaih zorngh zengx camv gorngv Ninh daic aengx naangh daaih. Weic naaiv se jienv, naaiv se *kuv fienx*. Baulo gorngv mbuo Ko^lin^to jiu-bang, *se gorngv Yesu daic maiv aengx nangh daaih mbuo sienx nyei maiv laamh longc*.
- a) Zouv kungx mi'aqv: Matv^tai 28:1-8; Maako 16:1-8; Lugaa 24:1-12; Yo^han 20:1-10
- b) Yesu daic liuz aengx nangh daaih hinc bun mienh camv duqv buac yaac zoux zorngh zengx → Sai-gorx mbuo daamv hlo mingh zunh kuv fienx → Jiu-bang hlo faaux siepv: Maako 16:9-18; Matv^taai 28:9-20; Yo^han 20:11-123; Lugaa 24:13-49; Gong-Zoh 1:6-8
- c) Yiem Baulo ganh nyei maengc, ninh zoux zorngh zengh gorngv Yesu aengx nangh
- d) Doix nzengc Loz-Ngaengc waac. Yiu-taix mienh maiv maaih waac gorngv, yiem wuov gitv nyei ziangh hoc maiv maaih mienh cai.
- e) Yesu aengx naangh daaih, mbuo buoqc zangc hitv kuonx yiem Yesu: "*Buoqc zangc nyei Hnoi*" (jiez daaih yiem Loz Ngaengc Waac heuc Dingh Gong Hnoi) Matv^tai 28:1; Maako 16:1
4. Yesu "paanh nangh" nyei eix-leiz:
- a) Siang maengc: Yo^han 2:19; 1 Bide 3:18; Gong-zoh 2:24
- b) Sin caux lingh wuonc aengx gapv (Yaagorpc 2:20; 1 Bide 3:19)

- c) Daic nyei qaqv zuqc mietc nzengc (1 Ko<sup>^</sup>lin<sup>^</sup>to 15:51-58)
  - d) Siang njang-laangc (Yo<sup>^</sup>han 17:5; 1 Ti<sup>^</sup>mo<sup>^</sup>tai 2:5; Hipv<sup>^</sup>lu 7:25)
  - e) Giduc yiem gu'nyuoz ziangh jienv (Gaa<sup>^</sup>laa<sup>^</sup>tie 2:20; Lomaa 6:4; E<sup>^</sup>fe<sup>^</sup>so 1:19-20)
  - f) Njang-laangc nyei sin: Yo<sup>^</sup>han 20:22-29,21:4,15; Lugaa 24:31; Laauc Yaangh 1:13-15
5. Yesu faaux (nzuonx) Tin-dorngh - biux mengh gorngv ninh nzuonx ninh loz nyei njang-laangc (Yo<sup>^</sup>han 1:3,14; Hipv<sup>^</sup>lu 11:3)
- a) Ninh duqv zipv ninh loz nyei njang-laangc (Gong-zoh 2:36 Tin-Hungh orn zoux Ziouv yaac zoux Giduc; Laauc Yaangh 5:12)
  - b) Baamh mienh maaih jauv mingh Tin-dorngh (E<sup>^</sup>fe<sup>^</sup>so 4:8; Fi<sup>^</sup>li<sup>^</sup>poi 1:21-23; 2 Ko<sup>^</sup>lin<sup>^</sup>to 5:8; Hipv<sup>^</sup>lu 6:20 "*Yesu weic mbuo zungv bieqc gu'nyuoz ndaangc mi'aqv, yaac yietc liuz zoux domh sai mienh, hnangv Men<sup>^</sup>ki<sup>^</sup>se<sup>^</sup>ndekc wuov nyungc sai mienh*")
  - c) Yesu nyei siang-gong, zoux mbuo nyei mbu'dongx mienh tengx mbuo caux Zangc Diex horpc hnyouv: Heb. 7:25 "*Weic naaiv Yesu haih yietc liuz njoux kaux ninh daaih lorz Tin-Hungh wuov deix weic zuqc ninh yietc liuz ziangh jienv tengx ninh mbuo tov Tin-Hungh*" (1 John 2:1)

#### **Gorngv Nzutc Norz Waac Taux Yesu Giduc se dongh haaix dauh:**

1. Mbuo nyei jiu-bang nyei mouz deic gorngv: "*Weic hiuv Ziouv, hnamv Ziouv, caux ei jienv Ziouv zoux*". Mbuo haih hnamv, haih ei, weic mbuo hiuv duqv caux hiuv maaih jiu-tong. Yesu ganh gorngv ninh nyei ba'gi yungh haiz ninh nyei qiex yaac gan ninh mingh.
2. Ging-sou mengh mengh nyei njaaux taux Tin-Hungh se Diex, Dorn, Caux Singx Lingh, Yesu Giduc se Singx Dorn.
3. Yesu se doz benx dauh baamh mienh, doz-mienh. Maiv maaih haaix dauh buatc jiex Tin-Hungh. Kungx maaih ninh nyei ndoqc Dorn, dongh yiem Zaangc Diex nyei ga'hlen wuov dauh, bun mbuo hiuv duqv Tin-Hungh hnangv (Yo<sup>^</sup>han 1:18).
4. Yesu Giduc, Tin-Hungh (Singx Dorn) Doz-mienh, daic weic mbuo nyei zuiz. Ninh longc ninh nyei nziaamv zuoqc mbuo, bun Zangc Diex horpc hnyouv. Ninh zoux nyei, weic ninh daic bun mbuo duqv Zangc Diex guangc mbuo nyei zuiz - se gorngv mbuo zipv Yesu zoux nyei gong yiem ziepc nzangc jaax weic mbuo...se gorngv mbuo nyiemc Yesu yaac sienx Yesu zoux nyei gong, mbuo ziouc duqv njoux (Lomaa 10;9, 13), duqv caux Zangc Diex maaih jiu-tong. Kuv fienx se Doz-mienh (Singx Dorn, Yesu Giduc) daaih njoux zuiz-mienh. Mbuo zangc nyei Ziouv se nangh nyei Ziouv. Mbuo zangc nyei se lengc, mbuo zangc nyei se dongh zeix nyungc-nyungc wuov dauh Ziouv, dongh zien wuov dauh Ziouv, dongh ziangh jienv wuov dauh Ziouv.

## **Da’Hmz Ginc: Naaic Taux Njoux En, fai hhangv haaix nor sienx Yesu**

**Ging-sou gorngv:** E<sup>fe</sup>so 2:8 "*Meih mbuo duqv njoux se weic Tin-Hungh nyei en, weic zuqc meih mbuo sienx kaux ninh. Se maiv zeiz meih mbuo ganh zoux nyei, se Tin-Hungh ceix bun nyei zingh nyeic.*"

Janx Meiv guoqv waac heuc “*soteriology*”. Naaiv joux waac se yiem Janx Gikc waac “*soteria*” caux “*logos*”, maaih eix-leiz gorngv “waac”, “za’eix” fai “hoqc taux njoux en nyei gorn ndoqv”. Mbuo duqv njoux se weic Yesu Giduc zoux nyei gong. Ninh njoux zuiz-mienh bun zuiz-mienh caux Zangc Diex haih horpc hnyouv (1 Ko<sup>lin</sup>to 1:23; Lomaa 1:16).

Yonaa 2:9 gorngv, “*Ziouv aac, kungx meih ganh hhangv haih njoux maengc.*” fai bun mienh duqv njoux. Doic-doic mienh duqv njoux weic sienx kaux Ziouv Yesu. Mienh duqv njoux weic sienx Tin-Hungh. Yiem Loz Ngaengc waac ndangc Yesu Giduc Doz benx dauh baamh mienh, mienh sienx Tin-Hungh laengz nyei ngaengc waac. Ninh mbuo sienx gorngv Njoux Ziouv oix daaih. Ninh mbuo ziouc ei Ziouv Zangc Diex nyei waac longc saengh kuv nyei nziaamv ziec, zuov jienv Njoux Ziouv oix daaih. Ih jaax hnoi mbuo duqv njoux se weic sienx kaux Yesu Giduc, weic ninh zoux nyei gong.

Mbuo oix mangc gaax njoux en nyei eix-leiz, Njoux en nyei jauv, duqv njoux nyei yietc nyeic, caux duqv njoux nyei fuqv.

### **A. Duqv njoux, fai, njoux en nyei eix-leiz**

1. Baulo gorngv, “*Tin-Hungh nyei EN zungv biux mengh cuotv daaih weic bun maanc mienh duqv njoux.*” (Tidatc 2:11) Weic Tin-Hungh nyei en mbuo cingx haih duqv njoux.
2. Doic-doic mienh duqv njoux weic Tin-Hungh nyei en yaac weic ninh sienx Tin-Hungh. (E<sup>fe</sup>so 2:8 "*Meih mbuo duqv njoux se weic Tin-Hungh nyei en, weic zuqc meih mbuo sienx kaux ninh. Se maiv zeiz meih mbuo ganh zoux nyei, se Tin-Hungh ceix bun nyei zingh nyeic.*")
3. Yiem Loz Ngaengc waac nyei ziangh hoc mienh sienx Tin-Hungh: Singx Diex laengz jienv bun Tin-Hungh Singx Dorn, doz benx daauh baamh mienh daaih njoux zuiz-mienh. Ninh mbuo sienx laengz nyei waac cingx dorh saengh kuv nyei nziaamv mingh ziec. Yesu, Tin-Hungh Singx Dorn, Doz benx dauh baamh mienh, daaih daic weic mbuo nyei zuiz. Mbuo sienx kaux ninh caux ninh zoux nyei gong.
4. **EN** se Tin-Hungh nyei fiem-fingx. Weic ninh nyei en ninh njoux zuiz-mienh. Mbuo maiv haih duqv njoux cuotv liuz Tin-Hungh nyei en.
5. Tin-Hungh nyei en biux mengh tong yiem Yesu Giduc, Tin-Hungh Singx Dorn, doz benx dauh baamh mienh daaih daic weic njoux mbuo.

### **B. Duqv njoux nyei jauv (se maaih bieie ginc):**

1. Tin-Hungh njoux mienh wuov dauh Ziouv (Yo<sup>naa</sup> 4:22), mv baac Tin-Hungh yaac zeiz mbuo baamh mienh daaih bun mbuo haih ginv. Baamh mienh maiv goiv hnyouv nzuonx daaih lorz Tin-Hungh cuotv liuz ninh mbuo zieqv duqv, caux nyiemc gorngv ninh mbuox qiex zuqc Tin-Hungh. Hiuv duqv ganh qiex zuqc njoux en fai zoux zuiz-mienh qiex zuqc Njoux Ziouv se benx da’yietv jiex gorn taux duqv njoux nyei jauv (Lomaa 3:23). Mouz dauh mienh zungv baamz zuiz, leih Tin-Hungh nyei njang-laangc.

2. Hiuv zuiz nyei jaax-zinh = daic: (Lomaa 6:23 “Zuiz nyei gong-zinh se bun mienh zuqc daic, mv baac Tin-Hungh baeqc baeqc bun nyei zingh nyeic [EN] se mbuo caux Yesu Giduc juangc maengc ziangh ziouc duqv yietc liuz nyei maengc.”)
3. Hiuv duqv Tin-Hungh mbenc ziangx fai hnamv mbuo dongh mbuo benx zuiz-mienh nyei ziangh hoc...naaiv se kuv fienc (Lomaa 5:8 “Tin-Hungh bun cing ninh hnamv mbuo. Dongh mbuo corc zoux zuiz-mienh nyei ziangh hoc Giduc weic mbuo daic”; Yo^han 3:16 “Tin-Hungh hnamv mbuo...”)
4. Hiuv zien leiz nyei mienh oix zuqc zipv/ginv/sienx/nyienc “Yesu zoux Ziouv”:
  - a) Sienx-ei wuov nyungc, maiv zeix kungx hiuv duqv hnavg (Yaagorpc 2:19)
  - b) Kuv fienc bun mbuo duqv njoux...Giduc weic mbuo nyei zuiz daic, biopv jenv, da’faam hnoi aengx nangh daaih (1 Ko^lin^to 15:1-4)
  - c) Sienx wuov zanc ziouc duqv njoux. Duqv njoux nyei mienh manc-manc zuangv Yesu camv jienv faaux: “Mv baac zipv ninh yaac sienx kaux ninh wuov deix, ninh bun maaih leiz benx Tin-Hungh nyei naamh nyouz.”( Yo^han 1:12)

### C. Duqv njoux nyei yietc nyeic

1. Goiv hnyouv benx Tin-Hungh nyei naamh nyouz (Yo^han 1:12). Naaiv se baamh mienh oix zuqc zoux nyei:
  - a) Goiv yienc mbuo hnamv nyei jauv: oix zuqc hiuv taux Giduc caux kuv fienc cingx haih sienx. Hnavg haaix nor sienx, se gorngv maiv hiuv duqv/haiz taux? Mbuo hiuv mbuo sienx nyei gorn-ndoqv, mbuo cingx hiuv Yesu Giduc.
  - b) Goiv yienc mbuo nyei hnyouv: “Ei Tin-Hungh nyei eix nzauh, naaiv nyungc nzauh haih bun mienh goiv hnyouv, ziouc duqv njoux.” (2 Ko^lin^to 7:9-10). “A’hneiv sienx liuz Yesu” (Gong-zoh 8:8; Fi^lip^poi 4:4)
  - c) Goiv yienc eix: ginv sienx Tin-Hungh. Tin-Hungh zeix baamh mienh daaih bun mbuo maaih fangx zeiv haih ginv. (Cong-mengh Waac 3:4 “ginv bungx hnyouv”; Gong-zoh 2:38 “ginv goiv hnyouv”; Gong-zoh 16:31 “ginv sienx”; Yo^han 1:12 “ginv zipv”; Yo^han 3:7 “ginv siang-yungz jiex”; Lomaa 10:9-13 “ginv nyienc zuiz ginv heuc Ziouv nyei mbuox”.)
2. Nyienc zuiz/goiv hnyouv guangc zuiz: Maiv daan nyienc zuiz hnavg, oix zuqc guangc ngoi yietc zungv zuiz (Maako 1:15; Gong-zoh 2:38; 1 Te^saa^lo^ni^gaa 1:9). Nyienc fai goiv hnyouv guangc zuiz se yienc mbuo hnamv nyei sic bun cing mbuo zoux nyei za’gengh goiv yienc.
3. Sienx fim: Mbuo oix zuqc sienx Yesu. Sienx fai bungx dingh hnyouv Ziouv gorngv nyei waac, sienx Ninh zoux nyei gong, sienx ninh laengz nyei waac, bangc kaux Yesu Giduc zoux nyei gong. Mbuo sienx Ziouv weic mbuo dau Ziouv zoux nyei gong. (Nyungc zeiv: Hnavg mienh ndortv wuom. Liuz, njoux maengc mienh zoi wuom-mbiouh bun, ninh ziouc zipv liuz duqv njoux maengc cuotv wuom...)
4. Mienh hnavg haaix nor caux Ziouv horpc hnyouv? Weic Tin-Hungh nyei en yaac weic Giduc zoux nyei gong. Sienx ninh wuov deix ziouc duqv caux Tin-Hungh horpc hnyouv (Lomaa 5:1).
5. Weic sienx Yesu Giduc ziouc duqv Yesu Giduc nyei cing-nzengc maengc. Baamh mienh cingx daaih horpc Zangc Diex nyei hnyouv (Tin deic douh 15:6).
6. Siang-yungz jiex se Singx Lingh zoux nyei gong: Goiv hnyouv se baamh mienh nyei gong. “Tin-Hungh longc Singx Lingh nzaaux mbuo bun mbuo siang-yungz jiex” (Tidatc 3:4-5). “Maaih Singx Lingh dorh/yiem hnyouv” (Lomaa 8:9; Ko^lo^si 3:10; Yohan 3:5-

6; Tidatc 3:5). Ging-sou nyei waac nuqv taux mbuo nyei zuiz (Yo^han 16:8-11). Singx Lingh bun mbuo duqv siang fiem-fingx (2 Bide 1:4).

#### D. Duqv njoux nyei fuqv

1. Siensex Yesu nyei mienh duqv horpv benx Tin-Hungh nyei naamh nyouz (hngangv mienh doh naanc duqv horpv benx hungh dorn). Weic mbuo siensex Yesu Giduc, mbuo duqv benx ninh nyei hmuangv doic, benx ninh nyei naamh nyouz. *“Meih mbuo yietc zungv weic siensex Giduc Yesu duqv zoux Tin-Hungh nyei naamh nyouz”* (Gaa^ltaa^tia 3:26; 4:6; 1 Yo^han 3:1-2).
2. Duqv Caux Giduc juangc maengc ziangh: duqv Tin-Hungh Singx Lingh yiem mbuo nyei hnyouv. Mbuo hngangv haaix nor duqv caux Giduc juangc maengc ziangh. Mbuo oix zuqc hiuv, *“Meih mbuo hiuv duqv mbuo jiex wuom nyei leiz, mbuo duqv caux Giduc Yesu juangc maengc. Jiex leiz wuov zanc duqv caux ninh juangc daic”* (Lomaa 6:3,6,9).
3. Meih mbuo fih hngangv nyei, oix zuqc funx ganh hngangv daic mi'aqv nor, zuiz gunv maiv jienv. Mv baac meih mbuo caux Giduc Yesu juangc maengc ziangh ziouc weic Tin-Hungh ziangh jienv (Lomaa 6:11).
4. Maiv dungx bun sin zaangc nyei haaix nyungc zoux zuiz, longc zoux waaic haic nyei sic. Daaux nzuonx oix zuqc fungx ganh bun Tin-Hungh, hngangv daic mingh mv baac Tin-Hungh bun aengx nangh daaih nyei mienh nor. Yaac zorqv sin nyei nyungc-nyungc bun Tin-Hungh longc zoux horpc nyei jauv (Lomaa 6:13).
5. Laengz zingh Tin-Hungh! Maiv gunv zinh ndaangc meih mbuo zoux zuiz nyei nouh, ih zanc meih mbuo longc nzengc hnyouv muangx njaaux bun meih mbuo nyei leiz (Lomaa 6:16-17).
6. Maaih laamh kaux dorngx. Weic *“Yie siensex dingc Tin-Hungh yiem meih mbuo nyei hnyouv jiez gorn zoux kuv gong, yaac oix zoux jienv mingh taux Giduc Yesu aengx daaih nyei hnoi ziouc zoux ziangx nzengc aqv”* (Fi^lipv^poi 1:6).
7. *“Yie nyei ba'gi yungh muangx yie nyei qiex. Yie yaac hiuv duqv ninh mbuo, ninh mbuo yaac gan jienv yie mingh.”*<sup>28</sup> Yie bun ninh mbuo maaih yietc liuz nyei maengc, yietc liuz maiv zuqc daic. Ninh mbuo yiem yie nyei buoz, maiv maaih haaix dauh haih caangv duqv cuotv” (Yo^han 10:27-30).
8. Maiv maaih haaix nyungc haih ngaeqv duqv bun Tin-Hungh maiv hnamv ninh nyei mienh (Lomaa 8:33-39).
9. Duqv ninh lengc jeiv nyei ginv mbuo heuc mbuo cuotv daaih:
  - a) Dongh mbuo siensex Yesu wuov zanc, mbuo duqv ninh heuc mbuo yiem zuiz cuotv daaih. Mbuo benx siang zeix daaih nyei mienh yiem Tin-Hungh nyei nza'hmien. Mbuo duqv caux ninh horpc hnyouv (2 Ko^lin^to 5:17; E^fe^so 2:12; Hipv^lu 11:13-16; Lomaa 3:22).
  - b) Siensex Liuz Yesu ninh bun mbuo bungz nqoi yiem zuiz nyei qaqv, maiv zuqc zuiz gunv. Mbuo duqv hingh weic Yesu, mbuo zuangv Yesu camv jienv mingh, mbuo hlo yiem siensex fim (Fi^lipv^poi 1:6; Lomaa 8:28-29; 2 Ti^mo^tai 3:17).
  - c) Nqa'haav hingv, mbuo daic, fai Ziouv daaih dorh mbuo nyei hnoi, mbuo duqv bungx nqoi yiem zuiz nyei sin caux zuiz nyei fiem-fingx. Mbuo duqv siang sin (1 Yohan 3:2 *“Mv baac mbuo hiuv duqv Giduc hinc cuotv wuov zanc mbuo oix hngangv ninh nor, weic zuqc Yesu za'gengh hngangv haaix nor, mbuo yaac duqv buaic ninh hngangv wuov nor”*; aengx mangc 1 Ko^lin^to 13:10-12).



### **Nzutc Norz Waac taux Njoux En:**

1. Mbuo oix hiuv duqv gorngv zuiz-mienh sienx Yesu wuov zanc hnavg haaix nor, maaih haaix nyungc cuotv daaih. Hoqc taux njoux en fai duqv njoux se yietc nyungc aqc nyei "sienx fim nyei gorn-ndoqv". Mbuo hiuv duqv baamh mienh zoux nyei...mbuo sienx, mbuo zipv Yesu zoux mbuo nyei Ziouv. Mv baac Tin-Hungh zoux nyei gauh ndo jiex mbuo haih hnamv duqv zaic nyei, weic Ninh nyei en. (Hnavg Hipv^lu 2:3 gorngv nor "*Wuov nyungc, se gorngv mbuo maiv muangx Tin-Hungh hlo haic nyei za'eix njoux mbuo, mbuo hnavg haaix nor haih biaux duqv ndutv maiv zuqc dingc zuiz? Tin-Hungh nyei za'eix njoux mienh, Ziouv ganh gorngv ndaangc. Muangx haiz nyei mienh yaac biux mengh se za'gengh zien nyei*".)
2. Mbuo duqv juangc jienv hoqc taux njoux en fai duqv njoux, mbuo nyei sienx fim nyei gorn-ndoqv. Mbuo juangc jienv hoqc taux njoux en nyei eix-leiz, njoux en nyei jauv, njoux en nyei yietc nyeic, caux njoux en nyei fuqv. Weic Tin-Hungh nyei en ndongc naaiv longc, ndongc naaiv hlo mbuo fungc haih ngaengc maiv zipv ninh nyei njoux en?
3. Mbuo duqv Tin-Hungh njoux mbuo yiem zuiz cuotv daaih, bun mbuo duqv caux Zangc Diex horpc hnyouv, duqv siang ziangh maengc, duqv benx Tin-Hungh nyei naamh nyouz, duqv yietc liuz nyei maengc.
4. Mbuo duqv Tin-Hungh njoux mbuo maiv zuqc zoux zuiz nyei nouh zoux mienv nyei bou (Lugaa 7:50; 1 Ko^lin^to 1:18; E^fe^so 2:5). Mbuo duqv siang ziangh maengc, mbuo duqv hingh weic Yesu Giduc, maiv dungx aengx bun zuiz caux mienv longc meih nyei maengc aengx zoux nzunc zuiz nyei nouh (Lomaa 6:14; 8:2; Gaa^laa^tie 2:19-20). Mbuo ih zanc zuov jienv Ziouv nzuonx nyei hnoi fai mbuo dangx qiex nyei hnoi, dongh mbuo haih duqv caux Zangc Diex yietc liuz yiem...duqv leih nqoi haih daic nyei sin, duqv siang sin (Lomaa 8:18-23; 1 Ko^lin^to 15:42-44). Laengz zingh Yesu Giduc njoux mbuo!

### **Jienv Jiex Nyei Ginv Yiem Maengc se Ginv sienx Yesu**

#### **Ging-sou: John/Yo^han 3:16-21**

**Gorngv Jiex Gorn Nyei Waac:** Se gorngv yie naaic meih mbuo, jienv jiex nyei ginv yiem maengc se haaix nyungc? Naaiv nyungc jienv jiex nyei ginv maiv daan tengx duqv ih zanc mv baac tengx yietc liuz. Naaiv nyungc ginv se bun mbuo duqv yiem Tin-dorngh fai deic nyuoqc. Yie sienx gorngv jienv jiex nyei ginv yiem maengc se ginv sienx kaux Yesu Giduc zoux Ziouv. Ging-sou gorngv haaix dauh sienx kaux Yesu maiv zuqc mietc mv baac duqv yietc liuz nyei maengc. Wuov nyungc aeqv ginv mingh Tin-dorngh fai deic nyuoqc se jienv haic. Maiv gunv gorngv sienx Yesu se jienv jiex nyei ginv, maaih mienh naaic gaax, "Yie zoux haaix nyungc oix zuqc ginv sienx Yesu?" "Hnavg haaix nor ginv sienx Yesu?" "Sienx liuz Yesu yie oix zuqc hnavg haaix nor ziangh fai zoux?" Naaiv deix naaic nyei waac se longx nyei, ih hnoi mbuo hoqc nyei dau taux naaiv deix naaic nyei waac taux jienv jiex nyei ginv yiem maengc.

#### **A. Yie zoux, fai, weic haaix nyungc oix zuqc sienx Yesu ?**

1. Mbuo maiv oix zipv Tin-Hungh nyei njoux en cuotv liuz mbuo hiuv duqv weic haaix nyungc mbuo qiex zuqc. Mbuo maiv oix zipv Yesu se gorngv mbuo maiv hiuv duqv

weic haaix nyungc mbuo qiemx zuqc. M'daaiah hnangv mienh maiv a'hneiv kuv fiensex gongv ninh mbuo maiv hiuv duqv taux waaic nyei fiensex. M'daaiah hnangv mbuo maiv a'hneiv mbuo nyei sin zuov taux sin maaih baengc (buoz mun, zaux mun, m'nqorngv mun zoux bun mbuo a'hneiv duqv longx nyei ziangh hoc).

2. Tin-Hungh zeix nyungc-nyungc daaih dunh yunh nyei. Ninh zeix baamh mienh daaih bun mbuo haih ginv. Weic dauh doix mienh (Aa^ndaam caux Haa^waa) ginv maiv muangx ninh nyei waac, ziouc zoux zuiz. Zuiz se doix-dekc Tin-Hungh nyei waac (Tin-deic douh 3). Tin-Hungh laengz jienv bun Ninh nyei dorn Yesu daaih zuoqc yaac njoux baamh mienh (Yo^han 10:10 Yesu daaih bun mbuo duqv ziangh maengc).
3. Dau taux naaic nyei waac, "*Weic haaix nyungc mbuo zuqc sienx Yesu?*" Weic zuqc ZUIZ. Zuiz se lings wuonh caux sin nyei baengc (Lomaa 5:12 "*Laaix nduqc laanh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz*"; Lomaa 3:23 "*weic zuqc mouz laanh mienh zungv baamz zuiz, leih duqv Tin-Hungh nyei njang-laangc go*"). Zuiz bun mbuo caux Tin-Hungh maaih nqaevq fai leih (I^saa^yaa 59:2 "*Mv baac meih mbuo nyei zuiz bun meih mbuo caux meih mbuo nyei Tin-Hungh nqaevq jienv. Meih mbuo nyei zuiz torngv ninh nyei hmien, bun ninh maiv mangc meih mbuo yaac maiv muangc meih mbuo.*")
4. Zuiz nyei jaax-zinh za'gengh hniev: Zuiz bun mbuo zuqc daic fai zuqc mietc (Lomaa 6:23 "*Weic zuqc zuiz nyei gong-zinh se bun mienh zuqc daic, mv baac Tin-Hungh baeqc baeqc bun nyei zingh nyeic se mbuo caux mbuo nyei Ziouv Giduc Yesu juangc maengc ziangh ziouc duqv yietc liuz nyei maengc*")
5. Yo^han 3:16 "*Tin-Hungh ndongc naaic hnamv lungh ndiev mienh cingx zorqv ninh nyei ndoqc Dorn ceix bun ninh mbuo. Haaix dauh sienx kaux Tin-Hungh nyei Dorn maiv zuqc mietc mv baac duqv yietc liuz nyei maengc*". "Mietc" nyei eix-leiz se yietc liuz leih Tin-Hungh yiem deic nyuoqc.

## B. Hnangv haaix nor sienx Yesu fai duqv njoux?

1. Zuiz nyei jaax-zinh se zuqc daic, zuqc mietc. Laengz zingh Tin-Hungh mbuo haih duqv Ninh guangc mbuo nyei zuiz, haih duqv caux ninh horpc hnyouv nyei weic zuqc Tin-Hungh se guangc zuiz nyei Ziouv (Singx Nzung 86:5 Ndaa^witv gongv, "*O Ziouv aac, meih se longx haic yaac maaih hnyouv guangc mienh nyei zuiz. Meih ziepc zuoqv nyei zien-zien hnamv yietc zungv heuc jienv jouh meih nyei mienh*"; Mi^kaa 7:18 "*O Tin-Hungh aac, maiv maaih ganh dauh zienh hnangv meih. Meih guangc meih nzipc daaih zengc njiec nyei mienh nyei zuiz. Meih maiv yietc liuz qiex jiez. Weic zuqc meih a'hneiv ziepc zuoqv nyei hnamv mienh*"). Oix Tin-Hungh guangc meih nyei zuiz nyei fai?
2. Yesu, Tin-Hungh Singx Dorn, Doz benx dauh baamh mienh daaih daic yiem ziepc nzangc jaax, da'faam hnoi aengx naangh daaih weic maaiz mbuo, zuoqc mbuo, div mbuo nyei zuiz. Naaiv se Kuv Fienx aqv. **Sienx Ziouv caux sienx zienh maiv fih hnangv se weic naaiv aqv:** Yesu daaih njoux mbuo...nyungc-nyungc zangc zienh nyei mingh lorz ninh mbuo nyei zienh. (1 Yo^han 4:10 "*Tin-Hungh hnamv mbuo ziouc paaiv ninh nyei Dorn daaih fiqv mbuo nyei zuiz*"; 1 Bide 3:18 "*Giduc weic zuiz daic yietc nzunc dorngx yietc liuz. Yietc laanh maiv maaih zuiz nyei mienh div zuangx zuiz-mienh daic weic dorh mbuo taux Tin-Hungh. Giduc nyei sin zuqc daix daic mv baac Singx Lings bun ninh aengx nangh daic*"; Lomaa 5:8 "*Mv baac Tin-Hungh bun cing ninh ndongc haaix hnamv mbuo. Dongh mbuo corc zoux zuiz-mienh nyei ziangh hoc Giduc weic mbuo daic.*");

1 Ko<sup>lin</sup>to 15:3-4 Baulo gorngv, “*Yie ganh zipv daaih nyei yie zunh mbuox meih mbuo mi'aqv. Gauh longc jienv jiex nyei se hhangv Ging-Sou fiev jienv gorngv nor, Giduc weic mbuo nyei zuiz daic. Yaac hhangv Ging-Sou gorngv, ninh zuqc biopv jienv. Taux da'faam hnoi Tin-Hungh aengx bun ninh nangh daaih.*”)

3. Mbuo duqv njoux se weic Tin-Hungh nyei en (E<sup>fe</sup>so 2:8 “*Meih mbuo duqv njoux se weic Tin-Hungh nyei en, weic zuqc meih mbuo sienx kaux ninh. Se maiv zeiz meih mbuo ganh zoux nyei, se Tin-Hungh ceix bun nyei zingh nyeic.*”)
4. Mbuo zuqc goiv hnyouv guangc zuiz, maaih hnyouv mun taux mbuo zoux nyei zuiz. Naaiv nyungc ginv maiv maaih mienh haih tengx meih, naaiv se jienv jiex nyei ginv, ginv sienx Yesu. (2 Ko<sup>lin</sup>to 7:9 Ei Tin-Hungh nyei eix nzauh nyei javu bun meih mbuo goiv hnyouv; Yopv 42:6 “*Weic naaiv yie youx yie ganh, yaac goiv hnyouv zueiz jienv nie-mbung caux saaiv-ndui*”). Longc nzuih nyiemc yaac longc hnyouv sienx Yesu. (Lomaa 10:9 “*Se gorngv meih nyei nzuih nyiemc, “Yesu zoux Ziouv,” meih yaac longc hnyouv sienx Yesu daic mingh, Tin-Hungh aengx bun ninh nangh daaih, meih ziouc duqv njoux aqv; <sup>13</sup>Hhangv Ging-Sou gorngv nor, “Haaix dauh heuc Ziouv nyei mbuox, wuov dauh duqv njoux aqv.*”)

### C. Sienx Liuz Yesu yie oix zuqc hhangv haaix nor ziangh fai zoux?

1. Se gorngv mbuo zieqv duqv mbuo se zoux zuiz-mienh, mbuo longc nzuih nyiemc yaac longc hnyouv sienx liuz Yesu mbuo ziouc benx ninh nyei naamh nyouz. (Yo<sup>han</sup> 1:12 “*Mv baac zipv ninh yaac sienx kaux ninh wuov deix, ninh bun maaih leiz benx Tin-Hungh nyei naamh nyouz*”). Mbuo duqv Tin-Hungh guangc mbuo nyei zuiz weic Yesu zoux nyei gong, ninh daic div mbuo yiem ziepc nzangc jaax. Ninh nyei Dorn zuoqc mbuo nzuonx daaih. Ninh guangc mbuo nyei zuiz (Ko<sup>lo</sup>si 1:14). Ninh bun mbuo duqv yietc liuz nyei maengc (Yo<sup>han</sup> 5:24 “*Yie gorngv zien mbuox meih mbuo, haaix dauh muangx yie nyei waac yaac sienx kaux paaiv yie daaih wuov dauh, ziouc duqv yietc liuz nyei maengc, yaac maiv zuqc dingc zuiz. Ninh biaux ndutv daic nyei javu duqv ziangh maengc.*”). Ninh bun Singx Lingh njiec dingc jienv mbuo (E<sup>fe</sup>so 1:13-14 “*Meih mbuo haiz zien leiz nyei doz wuov zanc, dongh bun meih mbuo duqv njoux nyei kuv fienx, meih mbuo yaac sienx Giduc aqv. Tin-Hungh ziouc ei ninh laengz nyei waac bun Singx Lingh meih mbuo hhangv nqaapv jienv yienx nor, bun cing meih mbuo benx ninh nyei mienh.* <sup>14</sup> Singx Lingh zoux hhangv dingc-zinh dingc jienv mbuo, zuov ninh zuoqc nzengc ninh nyei mienh nzuonx, ziouc duqv Tin-Hungh laengz bun ninh nyei mienh siouc nyei jaa-dingh. Mbuo oix zuqc ceng ninh nyei njang-laangc.”); Meih mbuo duqv orn-lorqc yaac duqv caux Tin-Hungh horpc hnyouv (Lomaa 5:1).
2. Meih mbuo haih hiuv dingc meih mbuo se duqv njoux weic Singx Lingh zoux nyei gong yiem meih mbuo nyei maengc (E<sup>fe</sup>so 1:13). Singx Lingh ziangh nyei biouv (Gaa<sup>laa</sup>tie 5:22-23 “*Mv baac Singx Lingh bun nyei se \* Gikc waac gorngv “Singx Lingh ziangh nyei biouv se... \* bun mienh maaih hnyouv hnamv mienh, bun mienh maaih njien-youh, maaih baengh orn, maaih noic, maaih hnyouv korv-lienh mienh, zoux longx nyei sic, maaih ziepc zuoqv nyei hnyouv, <sup>23</sup> zoux hnyouv suonc, haih gunv duqv ganh. Naaiv deix yietc zungv javu leiz-latc maiv haangh.*”); Singx Lingh bun zingh nyeic fu-sux jiu-baang (Lomaa 12:5-6); Singx Lingh nuqv taux zuiz (Yo<sup>han</sup> 16:8); Singx Lingh dorh, goux, orn mbuo nyei hnyouv (Yo<sup>han</sup> 16:13; 14:16; Lomaa 8:14).
3. Sienx liuz Yesu nyei mienh maaih zorng-zengx taux ninh mbuo mbuo sienx nyei: Ei sienx fim ziangh (Ko<sup>lo</sup>si 2:6-7); Ziangh jienv Ziouv (Yo<sup>han</sup> 15:5); Hlo yiem sienx

fim (Lomaa 12:4-5; Hipv<sup>lu</sup> 10:24-25); Maaih hnyouv ngorc Ziouv nyei waac (2 Ti<sup>mo</sup><sup>tai</sup> 3:16; Lomaa 12:1-2). Caux Ziouv gorngv waac, jiu-tong daux gaux, yaac maaih hnyouv mbuox mienh taux kuv fiex (Gaa<sup>laa</sup><sup>tie</sup> 5:22-23; Lomaa 1:16-17); Maaih hnyouv fu-sux Ziouv weic zieqv duqv Ziouv nyei en zingh (Ko<sup>lo</sup><sup>si</sup> 3:23).

4. Siex liuz Yesu maaih ziangh hoc zuqc Mienv ging-borqc, zuqc mienh ging-borqc. Mienv ging-borqc mbuo weic mbuo benx Tin-Hungh nyei naamh nyouz, mienv maiv noic duqv Tin-Hungh mv baac ninh zoux hoic Tin-Hungh njoux cuotv daaih nyei mienh. Mienh ging-borqc mbuo nzorng mbuo. Yo<sup>han</sup> gorngv, "*Gorx-youz aah! Se gorngv baamh mienh nzorng meih mbuo, meih mbuo maiv dungx weic naaic hnamv maiv mengh baeqc*" (1 Yo<sup>han</sup> 3:13). Hnangv Yesu gorngv nor, "*Baamh mienh maiv maaih dorngx nzorng meih mbuo mv baac ninh mbuo nzorng yie, weic zuqc yie zoux zorng-zengx gorngv ninh mbuo zoux nyei waaic sic*" (Yo<sup>han</sup> 7:7). Yesu gorngv mienh nzorng Ziouv ndangc cingx nzorng bou, "*Se gorngv baamh mienh nzorng meih mbuo, meih mbuo oix zuqc jangx jienv ninh mbuo nzorng yie ndaangc.*"<sup>19</sup> *Se gorngv meih mbuo guei baamh gen, baamh mienh oix hnamv meih mbuo hnangv hnamv caux ninh mbuo guei baamh gen wuov deix. Mv baac meih mbuo maiv guei baamh gen. Yie ginv meih mbuo cuotv daaih. Weic naaiv baamh mienh nzorng meih mbuo* (Yo<sup>han</sup> 15:18-19). Weic mbuo duqv nyei yietc liuz maengc mbuo haih diev duqv mienh nzorng nyei, mienh zoux doqc nyei, mienh hoic nyei.

#### **Jienv Jiex Nyei Ginv Nyei Nzutv Norz Waac:**

1. Hnangv mbuo duqv hoqc nyei, jienv jiex nyei ginv yiem maengc se ginv siex Yesu Giduc, bun mbuo haih duqv yietc liuz nyei maengc, duqv caux Tin-Hungh horpc hnyouv. Ginv siex Yesu maaih eix-leiz gorngv ginv mingh Tin-dorng. Ginv maiv siex Yesu maaih eix-leiz gorngv ginv mingh deic nyuoqc. Haaix dauh mingh ndortv deic nyuoqc se ganh ginv mingh *weic ginv maiv siex Yesu Giduc*.
2. Mbuo oix zuqc siex Yesu weic zuiz nyei jaax-zinh se daic, fai zuqc mietc. Kungx siex Yesu hnangv haih bun mbuo biaux ndutv zuiz. Kungx Yesu, doz benx dauh baamh mienh hnangv haih njoux mbuo, zuoqc mbuo yiem zuiz nyei buoz ndiev. (I<sup>saa</sup><sup>yaa</sup> 53:6 "*Yie mbuo yietc zungv hnangv ba'gi yungh, yangh dorngc jauv, gorqv-mienh yangh gorqv-mienh nyei jauv hnangv. Ziouv zorqv yie mbuo zuangx mienh nyei zuiz an jienv ninh, bun ninh ndaam*"; Cong-mengh 14:12 "*Maaih diuh jauv mienh buatc hnangv horpc nyei, mv baac setv mueiz benx zuqc daic nyei jauv*"; Lomaa 3:23; 6:23; 14:12; Hipv<sup>lu</sup> 9:27 "*Dauh dauh mienh zungv maaih nzunc daic, nqa'haav zuqc Tin-Hungh sienv zuiz.*" )
3. Mbuo maiv haih njoux ganh (Tidatc 3:5 "*Mbuo duqv njoux Se maiv zeiz weic mbuo zoux nyei haaix nyungc kuv sic, se weic Tin-Hungh ganh korv-lienh mbuo. Ninh longc Singx Lingh nzaaux mbuo, bun mbuo siang-yungz jiex.*"; Gan leiz latc maiv haih njoux mbuo. Yaagorpc 2:10 "*Haaix dauh gan nzengc leiz-latc mv baac dorngc yietc diuh, se fih hnangv dorngc nzengc diuh diuh aqv*"; Yo<sup>han</sup> 14:6 "*Yesu gorngv, 'Yie se dongh mingh Zaangc Diex wuov diuh jauv, yaac dongh zien leiz, yaac dongh ziangh maengc. Cuotv liuz kaux yie, maiv maaih haaix dauh haih mingh duqv taux Zaangc Diex wuov*".)
4. Yesu daaih njoux mbuo. (1 Bide 3:18 "*Giduc weic zuiz daic yietc nzunc dorngx yietc liuz. Yietc laanh maiv maaih zuiz nyei mienh div zuangx zuiz-mienh daic weic dorh mbuo taux Tin-Hungh. Giduc nyei sin zuqc daix daic mv baac Singx Lingh bun ninh aengx nangh daic.*"; 2 Ko<sup>lin</sup><sup>to</sup> 5:21 "*Giduc maiv maaih zuiz mv baac weic mbuo, Tin-Hungh zoux bun ninh hnangv ninh benx zuiz-mienh bun mbuo caux ninh juangc maengc ziangh ziouc*

*duqv caux Tin-Hungh horpc hnyouv."*) Ih hnoi mbuo haih duqv njoux (Yo<sup>^</sup>han 5:24 "Yesu gorngv, 'Yie gorngv zien mbuox meih mbuo, haaix dauh muangx yie nyei waac yaac sienx kaux paaiv yie daaih wuov dauh, ziouc duqv yietc liuz nyei maengc, yaac maiv zuqc dingc zuiz. Ninh biaux ndutv daic nyei jauv duqv ziangh maengc.""; 2 Ko<sup>^</sup>lin<sup>^</sup>to 6:2 "Weic zuqc Tin-Hungh gorngv, "Yiem yie ceix en nyei ziangh hoc, yie haiz meih mbuo nyei, yiem duqv njoux nyei hnoi, yie yaac tengx meih mbuo mi'aqv.""; I<sup>^</sup>saa<sup>^</sup>yaa 55:6 "Corc lorz duqv buatec nyei ziangh hoc oix zuqc lorz Ziouv. Ninh corc yiem fatv nyei ziangh hoc oix zuqc tov ninh." Mbuo duqv njoux se weic mbuo sienx Yesu Giduc zoux Ziouv (Gong-zoh 16:31). Goiv hnyouv guangc zuiz (Lugaa 13:3 "se gorngv meih mbuo maiv goiv hnyouv guangc zuiz, meih mbuo yaac fih hnaangv nyei oix zuqc mietc"); Dornng zuangx longc nzuih nyiemc yaac longc hnyouv sienx Yesu, ziouc duqv njoux (Lomaa 10:9 "Se gorngv meih nyei nzuih nyiemc, 'Yesu zoux Ziouv', meih yaac longc hnyouv sienx Yesu daic mingh, Tin-Hungh aengx bun ninh nangh daaih, meih ziouc duqv njoux aqv").

5. **Meih haih ginv sienx Yesu se gorngv meih longc nzuih nyiemc yaac longc hnyouv sienx. Meih haih gorngv mbuox Ziouv:** "Ziouv aac, yie laengz zingh meih daaih njoux yie. Yie se zuiz-mienh. Tov meih guangc yie nyei zuiz. Yie zipv meih zoux yie nyei Njoux Ziouv yaac zoux yie nyei Ziouv. Yie sienx Yesu yiem ziepc nzaangc jaax daic weic yie nyei zuiz; da'faam hnoi aengx naangh daaih. Meih daic weic bun yie duqv ziangh. Bun yie haih ziangh yie nyei maengc weic bun meih nyei mbuox haih duqv njang-laangc. Yiem Ziouv Yesu nyei mbuox, Aa-men."

©Yauzsing 2013

Longc Zunh doz qiex/Audio, Fangx Naangh/Video, Zoc Nyei Sou/Writing, caux Fangx Linh/Power Point nyei leiz/policy:

**Gunv zorqv mingh longc caux aamx cuotv duqv weic juangc jienv bun Ziouv nyei kuv fieng gormx lungx ndiev. Mv baac tov:**

1. Oix zuqc aamx cuotv nzengc, maiv dungx gatv (edit-tipv fai zorqv cuotv) zunh doz nyei waac fai fiev nyei sou.
2. Maiv haih longc nyaanh, maiv gunv meih ganh ndortv aamx nyei zinh.
3. Maiv haih zorqv zunh nyei doz fai fiev nyei sou aan meih nyei website, kungx haih kuangx/link hnaangv cuotv liuz mbuox ndangc.
4. **Tov maiv dungx yienc fai pieng Yauzsing gorngv nyei eix-leiz weic maiv oix pieng caux pieng Ziouv nyei waac.**
5. Tov tengx jienv zorc oc. Laengz zingh mienh muoz. A'hneiv duqv juangc jienv bun Ziouv nyei kuv fieng haih gormx lungx ndiev.



©Yauzsing 2013